

21

T2513/4341.49

CM	0	1	2	3	4	5	6	7	8	9	10	11	12	13	14	15	16	17
Lab D50 2'	95/0/2	81/0/0	66/0/0	51/0/1	35/0/0	20/0/0	29/19/54	55/39/33	40/9/43	42/57/29	82/4/79	51/50/13	50/28/29					
	38/14/16	66/16/18	50/5/-22	43/-14/21	55/9/-25	71/-32/0	62/34/60											

Harvard College Library/Imaging Services <http://imaging.harvard.edu>

CHINESE-JAPANESE LIBRARY OF
HARVARD-YENCHING INSTITUTE
AT HARVARD UNIVERSITY
OCT 31 1940

通鑑本末紀要卷之三十六

哈佛大學漢和
圖書館珍藏印

錦川蔡毓榮仁菴甫編輯 華亭林子卿安國氏註

煬帝亡隋

甲子 隋文帝仁壽四年七月太子廣弒帝自立 是為煬帝事見前卷隋易

太子 十月術士章仇太翼言於帝曰 章仇複姓 陛下木命雍州

為破木之衝 時隋都長安今陝西西安府本雍州地木旺在卯雍州在西酉位故云破木 雍去

聲 不可久居又讖云脩治洛陽還晉家 煬帝初封晉王 帝淡以

為然十一月幸洛陽 今河南河南府 發丁男數十萬掘塹自龍

門東接長平汲郡抵臨清關 龍門在山西平陽府河津縣長平在山西澤州汲郡

今河南南衛輝府臨清關在衛輝府新鄉縣北 渡河至浚儀襄城達於上洛 浚儀

通鑑卷之六十一
在河南開封府祥符縣襄城今開封府襄城縣上洛在西安府商州以置關防遂於伊洛

營建東都在河南府西

丑乙煬帝大業元年三月命尚書令楊素營東京宮室役丁

二百萬人尚書令正二品素字處道華陰人今西安府華陰縣徙洛州郭內居民

及諸州富商大賈數萬戶以實之洛州即河南府又敕將作大

匠宇文愷將作大匠從三品愷字安樂昌黎大棘人在直隸永平府與內史舍人封

德彝等營顯仁宮內史舍人正六品德彝名倫以字行觀州蓇人在直隸河間府景州顯仁

宮在洛陽縣南接皂澗北跨洛濱發大江以南五嶺以北奇

材異石輸之洛陽又求海內嘉木異草珍禽奇獸以實

苑囿尋下詔曰古者采聽輿頌謀及庶民故能審政刑

之得失今將巡歷淮海觀省風俗遂命尚書右丞皇甫

議發丁百萬開通濟渠尚書右丞從四品通濟渠即汴河故道舊自開封府滎陽縣東

經府城內東流合蔡河又名茺茗渠東注泗州下入於淮累因河決其蔡河湮沒無迹而汴河自府西中牟縣

入黃河矣自西苑引穀洛水達於河西苑廣一百二十六里二水會於其中復

自板渚在開封府汜水縣虎牢之東引河歷滎澤入汴滎澤今開封府滎澤縣

又自大梁之東引汴入泗達於淮又發民十萬開邗溝

自山陽至楊子入於江山陽今淮安府山陽縣邗溝今淮安至楊子江漕河溝廣

四十步傍築御道樹以柳自長安至江都今江南揚州府江都縣

置離宮四十餘所又遣黃門侍郎王弘等黃門侍郎正四品往

江南造龍舟及雜船數萬艘東京官吏督役嚴急役丁

死者什四五所司以車載死丁東至成臯北至河陽相

望於道成臯即虎牢河陽在河南懷慶府孟縣

五月築西苑周二百里其內為海周十餘里為方丈蓬萊

諸山高出百餘尺臺觀宮殿羅絡上方向背如神海北

有龍鱗渠縈紆注海內緣渠作十六院門皆臨渠每院

以四品夫人主之堂殿樓觀窮極華麗宮樹秋冬彫落

則剪綵為花葉綴於枝條色渝則易以新者常如陽春

沼內亦剪綵為荷芰菱芡乘輿遊幸乘去聲則去冰而布

之十六院競以殺羞精麗相高求市恩寵帝好以月夜

縱宮女數千騎遊西苑好去聲作清夜遊曲於馬上奏之

八月帝幸江都龍舟四重平聲高四十五尺長二百尺上重有正

殿內殿朝堂中二重有百二十皇后乘翔螭舟制度差

房皆飾以金玉下重內侍處之小別有浮景九艘三重皆水殿也輓船者九千餘人謂

之殿脚皆以錦綵為袍餘數千艘後宮諸王公主百官

僧尼道士蕃客乘之輓船士八萬餘人舳舻相接二百

里舳船後持舵處艦船頭刺櫂處音軸盧照耀川陸騎兵翼兩岸而行旌

旗蔽野所過州縣五百里內皆令獻食多者一州至百

輦極水陸珍奇後宮厭飫將發之際多棄埋之

丙寅二年春二月新作輿服儀衛課州縣送羽毛民求捕之

殆無遺類烏程有高樹踰百尺烏程縣今屬浙江湖州府上有鶴巢

民欲取之不可上乃伐其根鶴恐殺其子自拔髦毛投於地髦翮羽也音傲時人或稱以為瑞所役五十萬人費以鉅億計每出遊幸羽儀互二十餘里

帝自三月發江都四月自伊闕陳法駕伊闕山在洛陽縣西南三十里備

千乘萬騎入東京乘去聲御端門火赦制五品以上文官

乘車在朝弁服佩玉朝音潮後同武官馬加珂珂螺屬潔白如雪用為馬

勒飾兼取其聲戴幘服袴褶騎服也文物之盛近世莫及

七月制百官不得計考增級必有德行功能行去聲灼然顯

著者進擢之帝頗惜名位羣臣當進職者多令兼假而

已時牛弘為吏部尚書弘字里仁安定鶉觚人在陝西平涼府吏部尚書正三品不

得專行其職別敕納言蘇威等參掌選事納言正三品威字無畏武

功人今西安時人謂之選曹七貴弘威及左翊衛大將軍宇文述左驍衛大

將軍張瑾內史侍郎虞世基御而與奪之筆內史侍郎

史大夫裴蘊黃門侍郎裴矩內史侍郎正四品世基字懋世餘姚人今浙江紹興府餘姚縣愛納賄

賂黜陟任意

始建進士科此制科之始按綱目書此而通鑑及隋書本紀並無之今從綱目

十月置洛口倉在河南府鞏縣西築倉城周回二十餘里穿三千

窖穿土為藏曰窖工孝切置回洛倉於洛陽北七里倉城周回十

里穿三百窖窖容八千石

初齊高緯之世緯齊後主有魚龍山車等戲謂之散樂帝以突

厥啓民可汗將入朝欲以富盛誇之太常少卿裴蘊希
太常少卿正四品蘊河東聞喜人今平陽府聞喜縣○少去聲奏括天下前世樂家

子弟皆為樂戶其六品以下至庶人有善音樂者皆直
太常帝從之於是四方散樂大集東京課京兆河南製

其衣京兆時京師今西安府錦綵為空帝多製艷篇令樂正白明

達造新聲播之音極哀怨

丁卯三年四月詔頒新律帝以高祖末年法令峻刻詔牛弘

等造大業律頒行之民久厭嚴刻喜於寬政其後征役

繁興民不堪命有司臨時迫脅以求濟事不復用律令

矣旅騎尉劉炫預脩律令旅騎尉從九品炫字光伯河間景城人在河間府獻縣

牛弘問曰魏齊之時令史從容而已從千容切今則不遑寧

處上聲何也炫曰往者州唯置綱紀郡置守丞縣置令而

已其餘具僚則長官自辟長上聲辟音闕今大小之官悉由吏

部纖芥之迹皆屬考功省官不如省事官事不省而望

從容其可得乎弘善其言而不能行

六月帝北巡發河北十餘郡丁男鑿太行山達并州今山西

原以通馳道過雁門在太原府代州太守丘和獻食甚精太守上郡

從四品中從五品下正六品至馬邑在山西大同府朔州太守楊廓獨無所獻

帝不悅以和為博陵太守博陵今直隸真定府定州使廓至博陵觀

之由是所至獻食競為豐侈

七月詔發丁男百餘萬築長城西距榆林東至紫河榆林今延

綏鎮在陝西延安府界尚書左僕射蘇威諫僕射從二品○射音

亦帝不聽築之二旬而畢尋免威官

帝之徵散樂也太常卿高頴諫不聽太常卿正三品頴字昭玄渤海蓆人文帝

末年除名為民退謂丞李懿曰太常丞正七品周天元以好樂

而亡好去聲殷鑒不遠安可復爾又以帝遇突厥啓民過

厚謂太府卿何稠曰太府卿正三品稠字桂林西此虜城人在陝西漢中府興安州

知中國虛實山川險易去聲恐為後患尚書宇文弼私謂

頴曰尚書正三品弼字公輔洛陽人○弼古弼字天元之後以今方之不亦

甚乎光祿大夫賀若弼字輔相洛陽人亦私議宴可汗太後竝

為人所奏帝以為誹謗朝政皆殺之頴具文武大畧明

達世務以天下為己任蘇威楊素賀若弼韓擒虎擒虎字子

通河南東垣人今河南府新安縣皆頴所薦及歿天下莫不傷之

八月車駕發榆林歷雲中泝金河雲中在大同府金河在其東南時天下

承平百物豐實甲士五十餘萬馬十萬匹旌旗輜重千

里不絕令宇文愷作觀風行殿又作行城周二千步胡

人每望御營十里之外屈膝稽顙無敢乘馬突厥啓民

可汗奉廬帳以俟車駕帝幸其帳啓民奉觴上壽帝大

悅餘見前卷突厥朝隋

西域諸胡多至張掖交市今陝西甘州衛帝使吏部侍郎裴矩掌

之侍郎正四品矩字弘大河東聞喜人。矩知帝好遠畧好去諸商胡至者。

矩誘訪諸國山川風俗，撰西域圖記三卷，合四十四國。

仍別造地圖，窮其要害，自燉煌至於西海，凡為三道。北

道從伊吾在陝西肅州衛西北中道從高昌漢車師前

在土魯番界南道從鄯善在陝西西入朝奏之。且云：以國家

威德，將士驍雄將去汎濛汎而越崑崙，易如反掌易去。

又盛言胡中多諸珍寶，帝於是慨然慕秦皇漢武之功。

甘心將通西域，四夷經畧，咸以委之。矩引致諸胡往來

相繼，所經郡縣疲於送迎，糜費以萬萬計。令中國疲弊

以至於亡，皆矩之倡導也。

戊辰 四年正月發河北諸軍百餘萬，穿永濟渠，引沁水南達

於河永濟渠即漢屯氏河，今日御河，其源自河南南衛輝

府輝縣東北流至臨清，合會通河入海。沁水源出

山西沁州沁源縣，穿太行至北通涿郡今直隸順丁男

不供，始役婦人。帝無日不治宮室，兩京及江都苑囿亭殿雖多，久而益厭。

每遊幸，左右顧矚無可意者，不知所適，乃備責天下山

川之圖，躬自歷覽，以求勝地，可置宮苑者，詔於汾州之

北汾水之源，營汾陽宮在太原府靜樂縣。

七月發丁男二十餘萬，築長城，自榆谷而東此榆谷當

九月徵天下鷹師至者萬餘人。

己巳五年三月帝西巡河右

河西諸郡地在陝西行都司

初帝嘗謂給事

郎蔡徵曰自古天子有巡狩之禮而江東諸帝多傅脂

粉坐深宮不與百姓相見此何理也及將西巡命裴矩

說高昌伊吾吐屯設等

突厥大臣凡二十八等其

一曰吐屯其典兵者曰設

厚利召使入朝帝至燕支山高昌王麴伯雅等及西域

二十七國謁於道左皆令佩金玉被錦罽

被音披罽音計

焚香

奏樂歌舞喧譟復令武威張掖士女

武威在陝西涼州衛張掖今甘州五

衛盛飾縱觀衣服車馬不鮮者郡縣督課之吐屯設獻

地數千里帝大悅置西海河源鄯善且末等郡

且音直 謫

天下罪人以守之進裴矩銀青光祿大夫

正三品

是時

天下凡有郡一百九十縣一千二百五十五戶八百九

十萬有奇東西九千三百里南北一萬四千八百一十

五里隋氏之盛極於此矣

民部侍郎裴蘊以民間版籍多脫漏戶口詐注老小奏令

親閱

驗閱其貌之老小也

若一人不實官司解職又許民糾得一

丁者令被糾之家代輸賦役是歲進丁二十萬三千口

六十四萬擢蘊為御史大夫

從三品

與裴矩虞世基參掌

機密蘊善伺候人主微意所欲罪者鍛成其罪所欲宥

者附從輕典人不能詰司隸大夫薛道衡

司隸大夫正四品道衡字

玄卿河東汾陰人

在平陽府榮河縣以才學有盛名上高祖頌帝不悅曰

此魚藻之義也

詩魚藻刺幽王也言萬物失其性故君子思古之武王焉今煬帝謂道衡之頌

高祖是亦思

將罪之司隸刺史房彥謙

司隸刺史正六品彥謙字孝沖

齊州臨淄人

在勸以杜絕賓客卑辭下氣道衡不能用

會議新令久不決十一月或奏道衡謂高頴不處令決

當久帝怒付執法者推之蘊奏道衡負才悖逆有無君

之心縊殺之

庚午

六年正月有盜數十人素冠練衣焚香持華自稱彌勒

佛入建國門奪衛士仗將為亂齊王暕遇而斬之

暕字世嗣

帝次子詔都下大索連坐者千餘家

帝以諸番畢集陳百戲於端門執絲竹者萬八千人自昏

達旦燈火光燭天地終月而罷所費鉅萬自是歲以為

常諸番入豐都市交易

豐都東都市名

先命整飾店肆盛設帷

帳珍貨充積胡客過酒食店悉徼入醉飽而散

徼音邀後同

不取其直給之曰中國豐饒酒食例不取直胡客皆驚

歎其黠者頗覺之見以縉帛纏樹曰中國亦有貧者衣

不蓋形何不以此物與之纏樹何為市人慙不能答帝

稱裴矩之能謂羣臣曰裴矩大識朕意凡所陳奏皆朕

之成筭而未發者是非奉國盡心孰能若是是時矩及

大將軍宇文述

大將軍正三品述字伯通武川人在大同府城西

內史侍郎虞

世基御史大夫裴蘊光祿大夫郭衍

字彥文介休人今山西汾州府介休

縣皆以諂諛有寵述容止便辟便平聲 辟音僻侍衛者咸取則

焉衍勸帝五日一視朝曰無效高祖空自勞苦為也帝

臨朝凝重發言可觀而內耽聲色每日於苑中林亭盛

陳酒饌敕燕王倓與梁公蕭鉅故梁主琮之弟子千牛左右宇

文晶千牛備身左右正六品晶慶于洛陽人晶戶了切及高祖嬪御為一席僧

尼道士女官為一席女官即女道士帝巡幸常以四種自隨謂之四道場帝與諸

寵姬為一席畧相連接酒酣淆亂靡所不至楊氏婦女

之美者往往進御晶出入不限門禁妃嬪公主皆有醜

聲帝亦不之罪也

遣兵泛海攻琉求殺其王虜其眾以歸

二月以所徵齊梁陳周散樂悉配太常置博士弟子以相

傳授樂工至三萬餘人

十二月帝欲東巡會稽今紹興府命穿江南河自京口至餘杭

八百餘里廣十餘丈京口在江南鎮江府

辛未七年四月山東河南大水湮沒三十餘郡

十月底柱崩偃河逆流數十里底柱在河南府陝州北黃河中

帝自去歲謀討高麗詔山東置府令養馬以供軍役又發

民夫運米塞下牛車往者多不返士卒死亡過半耕稼

失時穀價踊貴東北邊尤甚斗米直數百錢所運米或

粗惡令民糴以償之又發鹿車夫六十餘萬二人共推

光三石。推他雷切道路險遠不足充餼糧。至鎮無可輸，皆懼

罪亡命重。以官吏侵漁，始相聚為羣盜。鄒平民王薄、孟

讓。鄒平今山東濟南府鄒平縣。孟讓後歸李密。擁眾據長白山。在濟南府長山縣。剽

掠齊濟之郊。齊郡今濟南府肥城縣。自稱知世郎，言事

可知矣。又作無向遼東浪死歌，以相感動。避征役者多

往歸之。平原東有豆子龔。平原今濟南府德州。負海帶河地形

澁阻，有劉霸道者家於其旁，累世仕宦。累上聲。資產富厚

而喜游俠，食客常數百人。及羣盜起，多往依之。有眾十

餘萬，號阿舅賊。漳南人竇建德。今山東東昌府恩縣西北有漳南鎮。同

縣孫安祖亦集無賴少年。少去聲。入高雞泊中為羣盜。安祖

尋為張金稱所殺。高雞泊在直隸大名府。時鄒人張金稱。鄒今山東東昌府夏津縣。聚眾

河曲。通鑑胡注云。即清河之曲。脩人高士達。脩景州。聚眾於清河。今廣平府

清河縣。所在羣盜蠭起，莫能禁止。

壬申八年，道士潘誕自言三百歲，為帝合鍊金丹。帝為之

作嵩陽觀。為竝去聲。所費鉅萬，誕言金丹應用石膽石髓，發

工鑿嵩高大石，深百尺者數十處，不得乃言。若得童男

女膽，隨各三斛六斗，可以代之。帝怒，誅之。誕臨刑曰：此

乃天子無福，值我兵解時至，我應生梵摩天云。

七月，將軍宇文述等九軍大敗於高麗。初度遼者三十萬

五千，還者二千七百人。資儲器械亡失殆盡。詳隋伐高麗。

癸酉九年正月始募民為驍果

靈武賊帥白瑜娑靈武在陝西寧夏衛劫牧馬連突厥隴右多被其

患

命代王侑留守西京即西安府越王侗留守東京二王皆元德太子昭子

三月濟陰孟海公起兵據周橋濟陰在山東兗州府曹州眾至數萬見

人稱引書史者輒殺之唐武德四年竇建德禽之時所在盜起北海

郭方預在青島府平原郝孝德後歸李密河間格謙今河間府渤海

孫宣雅在河間府各聚眾攻剽多者十餘萬少者數萬人

天下承平日久郡縣吏每與賊戰望風沮敗唯齊郡丞

張須陀弘農閩鄉人今河南府閩鄉縣得士眾心勇決善戰擊諸賊屢

破之歷城羅士信歷城今濟南府附郭年十四從須陀擊賊於濰

水上在山東萊州府高密縣賊始布陣士信馳殺數人斬一人首

擲空中以稍承之揭以畧陣賊徒愕眙莫敢近須陀因

引兵奮擊賊眾大潰須陀歎賞引置左右帝遣使慰諭

使去并畫須陀士信戰陣之狀而觀之

四月車駕度遼擊高麗

六月禮部尚書楊玄感反於黎陽玄感素子華陰人黎陽在大名府濬縣圍

東郡在大名府滑縣帝引軍還軍資器械委棄不可勝計勝平聲

七月餘杭民劉元進起兵以應玄感元進手長尺餘臂垂

過邳時帝再發三吳兵征高麗多憚行亡命郡縣捕之

通鑑本末紀要 卷三十六
急聞元進起兵歸之者雲集旬月間至數萬

八月楊玄感兵敗執送行在所磔屍東都市

吳郡朱燮

在江南蘇州府

晉陵管崇

在江南常州府

聚眾寇掠江左帝命

虎牙郎將趙六兒屯揚子以備之為崇所敗賊眾益盛

帝命裴蘊與留守樊子蓋等推玄感黨與

子蓋字華宗廬江人今江南廬

州府廬江縣

曰玄感一呼而從者十萬蓋知天下人不欲多

多則相聚為盜耳不盡加誅無以懲後子蓋性既殘酷

蘊復受此旨由是所殺三萬餘人皆籍沒其家枉死者

大半玄感之圍東都也開倉賑給百姓凡受米者皆阬

之於東城之南玄感所善文士王胄坐徙邊亡命

胄字承基

琅琊臨沂人在山東兖州府沂州

捕得誅之帝善屬文不欲人出其右

薛道衡歿帝曰更能作空梁落燕泥否胄歿帝誦其佳

句庭草無人隨意綠復能作此語邪

音琊

帝自負才學每

驕天下之士常謂侍臣曰天下皆謂朕承藉緒餘而有

四海設令朕與士大夫高選亦當為天子謂祕書郎虞

世南曰

祕書郎正七品世南字伯施世基弟餘姚人

我性不喜人諫若位望

通顯而諫以求名者彌所不耐至於卑賤之士雖少寬

假然卒不置之地上汝其知之

九月東海民彭孝才起為盜有眾數萬

東海郡在江南淮安府海州

十月賊帥呂明星圍東郡虎賁郎將費青奴擊破之

朱燮管崇共迎劉元進為主據吳郡稱天子毗陵東陽會

稽建安豪傑多執長吏以應之毘陵今常州府東陽今浙江金華府會稽紹興

府建安今福建建寧府帝遣將軍吐萬緒討之吐萬複姓緒代鮮卑人

十二月唐縣人宋子賢唐縣今直隸保定府唐縣善幻術自稱彌勒出

世謀襲乘輿乘去聲事泄伏誅扶風桑門向海明扶風在陝西鳳

翔亦自稱彌勒出世人有歸心者輒獲吉夢三輔翕然

奉之因舉兵反眾至數萬自稱皇帝改元白鳥詔太僕

卿楊義臣擊破之太僕卿正三品義臣本姓尉遲代人

將軍吐萬緒擊劉元進破之斬管崇然百姓從亂者如歸

市其勢益盛緒以士卒疲弊請待來春帝不悅徵緒還

緒憂憤道卒帝遣江都丞王世充討元進郡丞上郡從七品中八品

下從八品世充字行滿西域胡人後僭稱楚帝頻戰皆捷元進燮敗歿餘眾降

散降戶江切後同世充召降者於通玄寺瑞像前焚香為誓約

降者不殺散者聞之歸首畧盡首去聲世充悉阬之歿者

三萬餘人餘黨復聚為盜官軍不能討以至隋亡帝詔

凡為盜者籍沒其家時羣盜所在皆滿郡縣因之各專

威福生殺任情矣

章丘杜伏威起兵畧江淮章丘今濟南府章丘縣伏威至武德二年降唐詳唐平江淮

甲十年二月扶風賊帥唐弼立李弘芝為天子自稱唐王

五月延安賊帥劉伽論自稱皇王改元大世詔以屈突通

為討捕大使擊破之。延安今延安府通長安人今西安府長安縣諸大使兼銜無定秩

十一月離石胡劉苗王反自稱天子。離石在山西汾州府寧鄉縣有左國城劉

淵所都苗王即其裔也汲郡賊帥王德仁係林慮山為盜。林慮山在彰德

府林縣德仁後歸李密竝有眾十萬。

齊郡賊帥左孝彥眾十萬屯躡狗山郡丞張須陀列營逼

之孝彥窘迫出降須陀威振東夏遷齊郡通守。位次太守領

河南道十二郡黜陟討捕大使涿郡賊帥盧明月眾十

餘萬軍祝阿。在濟南府禹城縣須陀將萬人徼之。將去聲相持十

餘日糧盡將退謂將士曰賊見吾退必悉眾來追若以

千人襲據其營可有大利此誠危事誰能往者眾莫對

唯羅士信及秦叔寶請行。叔寶名瓊以字行與士信俱歷城人於是須陀

委柵遁明月悉眾追之士信叔寶馳入其柵超升其樓

斬關以納外兵因縱火焚其三十餘柵煙焰漲天明月

奔還須陀回軍奮擊大破之。

乙亥十一年二月上谷賊帥王須拔自稱漫天王。上谷今直隸保定府

易州須拔後掠幽州中流矢歿魏刀兒代領其眾魏刀兒自稱歷山飛眾十餘

萬北連突厥南寇燕趙刀兒尋稱魏帝。十二年滅於竇建德

有二孔雀自西苑飛集寶城朝堂前。在洛城內親衛校尉高德

儒見之奏以為鸞時孔雀已飛去無可得驗於是百官

稱賀詔以德儒誠心冥會肇見嘉祥拜朝散大夫。正四品

三月以衛尉少卿李淵為山西河東撫慰大使衛尉少卿正四品淵

字叔德即唐高祖○使去聲承制黜陟討捕羣盜

八月帝巡北塞突厥始畢帥騎數十萬謀襲乘輿詳太宗平突厥

十月車駕還至太原納言蘇威曰今盜賊不息士馬疲弊

願陛下亟還西京深固根本為社稷計帝初然之宇文

述曰從官妻子從去聲多在東都宜向洛陽自潼關入帝

從之既至東都顧盼街衢謂侍臣曰猶大有人在意謂

平楊玄感殺人尚少故也內史侍郎蕭瑀字時文後梁明帝子蕭后

弟以外戚有才行去聲得掌機要瑀性剛鯁數言事忤旨

數音朔帝漸疎之及雁門圍解帝謂羣臣曰突厥狂悖勢

何能為蕭瑀遠相恐動情不可恕候衛將軍楊子崇從

至汾陽候衛將軍從三品知突厥必為寇屢請早還不納至是

怒之曰子崇怯懦驚動衆心不可居爪牙官皆出為郡

守

楊玄感之亂龍舟水殿皆為所焚詔江都更造凡數千艘

制度大於舊者

東海李子通度淮與杜伏威合自稱將軍子通承人在兖州府嶧縣唐武

德二二年子通稱帝國號吳五年滅於唐

城父朱粲城父在江南鳳陽府亳州聚衆為盜謂之可達寒賊自稱迦

樓羅王衆十餘萬引兵轉掠荆沔及山南郡縣湖廣荆州漢陽

二府及陝西終南山以南商雒諸境所過噍類無遺唐武德二年降唐復奔王世充東都平乃斬之

十二月詔民部尚書樊子蓋討絳賊敬盤陀等絳今平陽府絳州

子蓋不分臧否自汾水之北村塢盡焚之賊降者阮之

百姓怨憤益相聚為盜詔以李淵代子蓋賊眾多降

丙子十二年楚帝林十弘正月朝集使不至者二十餘郡始

議分遣使者十二道發兵討賊詔毗陵通守路道德於

郡東南起宮苑為十六離宮大都倣東都西苑之制而

奇麗過之又欲築宮於會稽會亂不果

三月上巳帝飲於西苑水上命學士杜寶撰水飾圖經學士

諸志采古水事七十二使朝散大夫黃袞以木為之間

以妓航酒船人物自動如生鐘磬箏瑟能成音曲帝

嘗幸景華宮怪無螢火所司遽遣數千人采拾得數斛

夜出遊山放之光徧巖谷

張金稱陷平恩在廣平府威縣舊洛水縣一朝殺男女萬餘口又陷武

安鉅鹿清河諸縣武安今廣平府鉅鹿在直隸順德府平鄉縣清河見前七年金稱

比諸賊尤殘暴所過民無孑遺

四月大業殿西院火帝以為盜起驚走匿草間帝自八年

以後每夜恆悸云有賊令數婦人搖撫乃得眠

五月帝問侍臣盜賊大將軍宇文述曰漸少納言蘇威引

身隱柱。帝呼問之。威曰：臣不委多少，但患漸近。他日賊

據長白山，今近在汜水。今開封府汜水縣且往日租賦丁役，今

皆何在，豈非其人皆化為盜乎？又昔在雁門。在太原府代州許

罷征遼，今復徵發，賊何由息？帝不悅。屬五月五日，百僚

皆饋珍玩，威獨獻尚書。或譖之曰：尚書有五子之歌，威

意甚不遜。帝益怒，頃之。帝問威以伐高麗事，威欲帝知

天下多盜，對曰：今茲之役，願不發兵，但赦羣盜，自可得

數十萬，遣之東征，高麗可滅。帝不懌，威出。帝曰：老革多

姦。老革猶云老兵以賊脅我，欲批其口，且復隱忍，尋坐以罪，除

名為民。

七月，江都龍舟成，送東都。宇文述勸幸江都，帝從之。將軍

趙才諫曰：才字孝才，張掖酒泉人，在陝西肅州衛今百姓疲勞，府藏空竭，

藏去聲盜賊蠡起，禁令不行，願陛下還京師。安兆庶。帝大

怒，以屬吏旬日出之。朝臣皆不欲行，無敢諫者。建節尉

任宗上書極諫。建節尉正六品即日於朝堂杖殺之。遂幸江都。

命越王侗留守。元德太子昭幼子帝以詩留別宮人曰：我夢江

都好，征遼亦偶然。奉信郎崔民象以盜賊充斥，於建國

門上表諫。帝大怒，先解其頤，然後斬之。至汜水，奉信郎

王愛仁復上表請還西京，斬之。至梁郡。今河南歸德府郡人徼

駕上書曰：陛下若遂幸江都，天下非陛下之有，又斬之。

八月賊帥趙萬海衆數十萬自恆山寇高陽恆山今真定府高陽今保

定府高陽縣

韋城翟讓韋城今大名府滑縣東南亡命於瓦岡為羣盜同郡人單

雄信往從之又外黃王當仁今開封府杞縣有外黃城濟南王伯當

後歸李密同降唐復與密叛唐敗誅韋城周文舉雍丘李公逸後降唐為王世充所

殺雍丘今杞縣皆擁衆為盜李密亡命往來諸帥間說以取天

下之策說音稅

鄱陽賊帥操師乞鄱陽今江西饒州府鄱陽縣自稱元興王建元始興

攻陷豫章今江西南昌府詔治書侍御史劉子翊討之治書侍御史從

五品子翊彭城人今江南徐州師乞中流矢歿中去聲其鄉人林士弘代

統其衆以戰子翊敗歿士弘自稱楚帝建元太平自九

江以南及番禺九江今江西九江府番禺今廣東廣州府皆為所有

張金稱郝孝德孫宣雅高士達楊公卿等公卿邯鄲人今廣平府邯鄲縣

寇掠河北屠陷郡縣將帥敗亡相繼惟虎賁郎將王辯

虎賁郎將正四品辯字警畧馮翊蒲城人今西安府蒲城縣清河郡丞楊善會屢有

功善會字敬仁華陰人史稱其與賊七百餘戰未嘗敗負十二月帝遣太僕楊義

臣討金稱金稱逃善會禽之義臣尋破士達於陣斬之

二人餘衆皆歸竇建德

丙史侍郎虞世基以帝惡聞賊盜惡烏路切諸將及郡縣有告

敗求救者將去聲世基輒抑損表狀不以實聞但云鼠竊

狗盜郡縣捕逐行當殄盡帝良以為然或杖其使者去使

聲以為妄言由是盜賊徧海內陷沒郡縣帝皆弗之知

也太僕楊義臣破降河北賊數十萬列狀上聞帝嘆曰

我初不聞賊頓如此義臣降賊何多也虞世基對曰小

竊雖多未足為慮義臣克之擁兵不少久在闔外此最

非宜帝曰卿言是也遽追義臣放散其兵賊由是復盛

治書侍御史韋雲起萬年人在西安府劾奏虞世基及御史大

夫襄蘊職典樞要四方告變不為奏聞賊多言少致發

兵不多往皆不克故使官軍失利賊黨日滋請付有司

結正其罪大理卿鄭善果奏雲起言不實左遷大理司

直大理卿正三品善果榮澤人今開封府榮澤縣司直從五品

帝至江都江淮郡官謁見者專問禮餉豐薄豐則超遷薄

則停解停停俸解解職於是郡縣競務刻剝以充貢獻民外苦

盜賊內迫郡縣生計無遺加之饑饉或擣橐煮土以為

食諸物皆盡乃自相食而官食猶充物吏皆畏法莫敢

賑救江都丞王世充以獻銅鏡屏風遷通守又簡閱民

間美女獻之益有寵

河間賊帥格謙自稱燕王帝命王世充討斬之謙將高開

道陽信人今河間府慶雲縣收其餘眾寇掠燕地後降唐復叛稱燕王武德六年為其

下所殺

通鑑本末紀要

卷三十六 煬帝亡隋

二十

涿郡虎賁郎將羅藝起兵於涿藝字子延雲陽人今陝西西安府淳化縣唐武德元

年降唐貞觀元年反誅

丁丑十三年隋恭帝侑義寧元年長樂王竇建德丁丑魏

都永隆秦主薛舉秦興俱元年正月杜伏威據歷陽今江南自稱總

管以輔公祐為長史公祐臨濟人分徇諸縣江淮間小

盜多附之

竇建德自稱長樂王據樂壽在河間府獻縣武德四年滅詳唐平山東○樂音洛

魯郡賊帥徐圓朗攻陷東平至琅琊以西盡有之魯郡今兗州府

嶽陽縣東平今東平州琅琊今沂州並屬兗州府圓朗唐武德二年降唐復叛七年走死

盧明月至淮北眾號四十萬自稱無上王江都通守王世

充討斬之餘眾皆散

李密翟讓襲興洛倉破之在河南府鞏縣密自號魏公畧取河南

諸郡唐武德元年降唐復

二月朔方鷹揚郎將梁師都自稱大丞相朔方在寧夏衛

品馬邑鷹揚府校尉劉武周自稱太守鷹揚郎將正五

景城皆北附於突厥

三月突厥立劉武周為定楊可汗武周遂自稱帝改元天

興取樓煩定襄雁門諸郡據汾陽宮樓煩在太原府靜

同府西北雁門在代州詳見唐平河東

梁師都取雕陰弘化延安等郡雕陰在延安府綏德州弘化今陝西慶陽府延安今

延安自稱梁帝改元永隆引突厥寇邊突厥以為大度
府 毘迦可汗

左翊衛郭子和坐事徙榆林翊衛正三品會大饑子和結歿士

十八人殺郡丞開倉賑施自稱永樂王改元丑平北附

突厥突厥以劉武周為定楊天子梁師都為解事天子

子和為平楊天子子和固辭不敢當乃以為屋利設設突

厥典兵之號

四月金城校尉薛舉起兵隴西金城在陝西臨洮府蘭州舉汾陰人隴西今陝西鞏

昌開倉賑施自稱西秦霸王改元秦興尋稱帝唐武德元年滅

於唐詳唐平隴右

李密據回洛倉以逼東都越王侗遣太常丞元善達間行

詣江都奏曰間去聲李密圍逼東都城內無食若陛下速

還烏合必散不然者東都決沒因歔歔嗚咽帝為之改

容為去聲虞世基進曰越王年少去聲此輩誑言若如所言

善達何緣來至帝乃怒曰善達小人敢廷辱我因使向

東陽催運善達遂為羣盜所殺是後人莫敢以賊聞時

內史舍人封德彝附託虞世基以世基不閑吏務密為

指畫宣行詔命諂順帝意故世基之寵日隆而隋政益

壞皆德彝所為也

五月唐公李淵起兵於晉陽在太原府太原縣

武威鷹揚府司馬李軌武威治姑臧故城在涼州衛東北軌姑臧人自稱河西

大梁王據河西武威自晉以後稱河西軌武德二年滅於唐詳唐平河西

驍果從帝在江都者多逃去帝患之裴矩曰人情非有匹

偶難以久處請聽軍士於此納室帝從之九月悉召江

都婦女集宮下悉將士所取或先與姦者聽自首去聲即

以配之

十月羅川令蕭銑自稱梁王改元鳴鳳羅川今湖廣岳州府平江縣銑後梁

宣帝嘗曾孫

十一月李淵迎代王侑即位改元義寧遙尊帝為太上皇

李進封淵為唐王西京雜記王師敗大將悉示善教國許

戊寅隋恭帝侑義寧二年恭帝侗皇泰元年煬帝至江

都荒淫益甚宮中為百餘房各盛供張日令一房為主

人帝酒卮不離口然見天下危亂亦不自安退朝則幅

巾短衣徧歷臺閣汲汲顧景影唯恐不足仰視天文謂

蕭后曰外間大有人圖儂然儂不失為長城公卿不失

為沈后自比陳後主夫婦也且共樂飲耳樂音洛下同因飲沈醉又引

鏡自照曰好頭頸誰當斫之后驚問故帝笑曰貴賤苦

樂更迭為之亦復何傷初許公宇文述子化及智及

皆無賴智及弟士及尚帝女南陽公主化及事帝於東

宮帝寵暱之以為太僕少卿少去聲述卒大業十二年帝復以

通鑑本末紀要 卷三十六
化及為右屯衛將軍。從三品。智及為將作少監。正五品。○

時帝見中原已亂，無心北歸，而江都糧盡，從駕驍果多

關中人思歸。關中謂西京。虎賁郎將司馬德戡、直閣裴虔通

等，直閣將軍，從四品。共謀亡去，因轉相招引，於廣坐明論叛計。

宮人聞之，言於帝。帝怒，斬之。自是無敢言者。三月，郎將

趙行樞以告智及。智及大喜，曰：「上雖無道，威令尚行，公

等亡去，徒取死耳。今天實喪隋。」喪去聲。英雄竝起，因行大

事。此帝王之業也。德戡等然之，因推化及為主，悉召驍

果，諭以所為。乃夜於東城集兵，得數萬人，舉火與城外

相應。帝望見火，聞外譴囂，問曰：「何事？」裴虔通對曰：「草坊

失火，外人共救之耳。明日未明，德戡使虔通將數百騎

入宮。將去聲。屯衛將軍獨孤盛拒戰，死之。盛，楷弟，本姓李，父屯，從齊師與

周戰，為獨孤信所禽，因姓獨孤氏。先是，帝選驍健官奴數百人，置玄武

門，謂之給使，以備非常。至是，化及等結帝所信司宮魏

氏，使矯詔聽給使出外。德戡遂引兵自玄武門入，帝易

服，逃於西閣。校尉令狐行達拔刀直進，帝映窗扉，謂之

曰：「汝欲殺我乎？」行達曰：「臣不敢，但欲奉陛下西旋耳。」因

扶帝下閣，勒兵守之。至旦，以甲騎迎化及。化及戰栗，不

能言。既至，德戡等迎謁，引入，號為丞相。虔通以騎逼帝

出宮。帝嫌其鞍勒敝，更易新者，乘之而出。賊徒喜譟，化

及曰何用將此物出亟還與手令用手殺之也於是引帝還至

寢殿帝歎曰我何罪至此賊黨馬文舉曰陛下違棄宗

廟巡遊不息外勤征討內極奢淫使丁壯盡於矢刃女

弱填於溝壑四民喪盡喪去聲盜賊蠭起專任佞諛拒諫

飾非何謂無罪帝曰我實負百姓至於爾輩榮祿兼極

何乃如是化及又使封德彝數帝罪數上聲帝曰卿乃士

人何為亦爾德彝慙而退帝愛子趙王杲年十二在帝

側號慟不已號平聲虔通斬之血濺御服欲遂弑帝帝曰

天子死自有法何得加以鋒刃取鴆酒來文舉等不許

使令狐行達頓帝令坐帝自解練巾授行達縊殺之初

帝自知必及於難常以罌貯毒藥自隨謂諸姬曰若賊

至汝曹當先飲之然後我飲至是索藥左右皆逃散不

能得蕭后與宮人撤漆牀板為小棺與趙王杲同殯於

西院流珠堂帝每巡幸常以蜀王秀自隨囚於驍果

營秀帝弟見隋易太子化及弑帝欲奉秀立之眾不可遂殺秀及

其七男又殺齊王暕燕王倓等暕素失愛於帝帝聞亂顧蕭后呼暕小名曰得

非阿孩耶化及使人誅暕暕謂帝使收之曰詔使且緩

兒兒不負國家賊殺之暕不知殺者為誰父子至死不相

明隋氏宗室外戚無少長皆斬之少去聲長上聲唯秦王浩素

與智及往來得免浩秦王俊子文帝孫又殺內史侍郎虞世基御

史大夫裴蘊左翊衛大將軍來護兒等護兒字崇善江都人化及

通鑑卷之六十一
自稱大丞相總百揆以皇后令立秦王浩為帝令居別宮發詔畫敕而已初黃門侍郎裴矩知將有亂雖厮役皆厚遇之又嘗建策為驍果娶婦故免於難去聲化及至即迎拜於馬首化及以為僕射

化及之入朝堂也百官畢賀蘇威亦往給事郎許善心獨

不至給事郎正四品善心字務本北化及殺之其母范

氏年九十三撫柩不哭曰能歿國難去聲我有子矣遂不

食而卒唐王聞變慟哭曰我北面事人失道不能救敢

忘哀乎

隋吳興太守沈法興

法興武康人今浙江湖州府武康縣

起兵討宇文化及

據江表毘陵餘杭等十餘郡

唐武德二年稱梁王明年敗於李子通走歿詳唐平

江淮

宇文化及令內外戒嚴云欲還長安奪江都人舟楫取彭

城水路西歸

彭城今徐州蓋自黃河沂流而西也

以折衝郎將沈光驍勇

光字總持吳興人

使將給使營於禁內

將去聲

行至顯福宮虎賁

郎將麥孟才

鐵杖子始興人在廣東韶州府

虎牙郎錢傑

虎牙郎虎賁之副也從四

品傑父士雄以虎賁郎將與左屯衛大將軍麥鐵杖於遼東戰歿

與光謀襲化及糾合

恩舊帥所領數千人期以晨起將發時舉事語泄化及

夜與腹心走出營外光襲之空無所獲司馬德戡引兵

圍之殺光麾下數百人皆鬪歿無一降者孟才亦歿之

宇文化及擁衆十餘萬據有六宮自奉一如煬帝至彭城
 水路不通復奪民牛車載宮人珍寶而使軍士自負戈
 甲道遠疲劇軍士皆怨司馬德戡謂趙行樞曰君大謬
 誤我當今撥亂必藉英賢化及庸暗羣小在側事將必
 敗若之何行樞曰在我等耳廢之何難遂與諸將謀殺
 化及事泄化及殺之并其黨十餘人李密據鞏洛以拒
 化及化及不得西引兵入東郡在滑縣

梁王銑稱皇帝

武德四年滅於唐詳唐平江陵

五月隋恭帝侑禪位於唐唐王李淵卽帝位改元武德六
 月奉隋帝爲鄜國公詔隋蔡王智積等子孫並付所司

量才選用智積文帝從子

東都留守官聞煬帝凶問奉越王侗卽位改元皇泰侗肩

目如畫溫厚仁愛風格儼然以王世充爲納言鄭國公

與納言段達等時稱七貴

達陳國公內史令魯國公元文都兵部尚書杞國公皇甫

無逸內史令盧楚內史侍郎郭文懿黃門侍郎趙長文

宇文化及留輜重於滑臺

卽東郡

引兵趨黎陽在滑縣西東都聞

之與李密合勢以拒之密與化及隔水而語數之曰

數上

聲卿本匈奴皂隸破野頭耳

化及父宇文述傳本姓破野頭後屬鮮卑逸豆歸從

其主姓爲宇文氏

世受隋恩主上失德不能死諫反行弑逆天

地所不容將欲何之化及默然良久大言曰與汝論相

殺事何用作書語邪音琊密將徐世勣擊敗之密常慮東

都議其後會東都遣使招之使去聲密因上表乞降請討

滅化及以贖罪皇泰主冊拜密太尉尚書令魏國公密

既無西顧之憂悉以精兵東擊化及其將陳智畧等皆

降化及北趨魏縣今大名府魏縣

七月隋以王世充為僕射

八月隋江都太守陳稜字長威廬江襄安人求得煬帝之

柩備儀衛改葬於江都宮西吳公臺下

宇文化及兵勢日蹙兄弟更無他計但相聚酣宴奏女樂

化及醉則尤智及持其兩子而泣智及怒曰事捷之日

初不賜尤及其將敗乃欲歸罪何不殺我以降竇建德

數相鬪鬪數音朔鬪與逆切醒而復飲以此為恆其眾多亡九

月化及歎曰人生固當有死豈不一日為帝乎乃鴆殺

秦王浩即帝位於魏縣國號許改元天壽

唐追謚隋太上皇為煬帝

十月隋以王世充為太尉開府置屬

己卯隋皇泰二年唐武德二年夏王建德五年正月唐淮安

王神通高祖從父弟擊宇文化及於魏縣化及走聊城今東昌府

聊城縣神通拔魏縣圍聊城

夏王建德謂其下曰隋為吾君吾為隋民化及弑逆不可

不討乃引兵趣聊城與化及連戰大破之生禽化及先
謁蕭后素服哭場帝盡哀收傳國璽執智及與其黨集
隋官而斬之檻車載化及并其二子承基承趾斬於襄

國今順德府時猶為隋守建德
迴兵欲攻之因斬於城下

三月段達等以皇泰主詔命王世充為相國鄭王加九錫

四月鄭王世充幽隋主侗於含涼殿廢為潞國公自稱皇

帝

夏王建德立隋齊王暕遺腹子政道為鄖公倚突厥以壯

兵勢隋義成公主遣使迎蕭后及南陽公主隋文帝開

以義成公主妻
突厥○使去聲建德遣千餘騎送之又傳宇文化及首

以獻公主

按南陽公主適宇文士及有子曰禪師建德
誅化及亦殺禪師公主尋請為尼後建德敗
公主將歸長安與士及遇於洛陽士及請見公主不可
士及立於戶外請復為夫婦公主曰我與君仇家今所
以不手刃君者謀逆之日察君不預知耳訶令速去士
及固請公主怒曰必欲就死可相見也士及乃拜辭而
去則此時突厥雖請
公主唯蕭后北行也

五月鄭主世充弒隋主侗謚曰恭帝

隋自文帝辛丑至恭帝侗己卯凡四主計三十九年

八月唐鄜公侑薨謚曰隋恭帝無後族子行基嗣

庚辰唐高祖武
德三年

突厥立鄖公楊政道為隋王居定襄

壬午

唐武德
五年八月葬隋煬帝於揚州雷塘在揚州府城北
先是李子通猶

據揚州故
至是始葬

庚寅唐太宗貞觀四年二月兵部尚書李靖討突厥頡利可

汗靖本名藥師三原人今西安府三原縣頡利所親康蘇以隋蕭后及楊

政道降

戊申二十二年三月故隋后蕭氏卒詔復其位號謚曰愍使

三品護葬江都

高祖興唐

唐高祖姓李氏名淵字叔德隴西成紀人在陝西鞏昌府秦州西涼

武昭王暠七世孫暠生歆歆生重耳重耳生熙熙生天錫天錫生虎祖虎仕西

魏有功封隴西公父昝於周世封唐公淵襲爵國公從一品

癸酉隋煬帝大業九年七月帝以弘化留守元弘嗣斛斯政

之親也弘化在陝西慶陽府政河南人為兵部侍郎與楊玄感善是年四月玄感反政不自安亡奔高

麗遣衛尉少卿李淵代之衛尉少卿四品○少去聲統關右十三郡

兵今陝西鞏昌臨洮慶陽平涼延安諸府及寧夏衛淵御衆寬簡人多親附帝

以淵相表奇異相去聲又名應圖識忌之未幾徵詣行在

所淵遇疾未謁其甥王氏在後宮帝問淵王氏以疾對

帝曰可得死否淵聞之懼因縱酒納賂以自晦

乙亥十一年帝以郿公李渾字金才隴西成紀人門族彊盛忌之翊衛

大將軍宇文述亦有憾於渾翊衛大將軍正三品述字伯通武川人在山西大同

府北初渾父申公李穆卒孫筠襲爵渾忿其吝嗇使兄子善衡賊殺之而誣其從父弟瞿曇償死述渾妻兄也

時為左衛率渾謂之曰若得紹封當歲奉國賦之半述言於太子奏高祖以渾為嗣二歲之後不復以國賦與

述述恨之煬帝即位改封渾郿公會有方士言李氏當為天子勸帝盡

誅李姓渾從子將作監敏字樹生小名洪兒帝疑其名應

讖嘗面告之冀其引決敏懼數與渾祕語述譖之二月

殺渾敏夷其族數音朔

四月以李淵為山西河東撫慰大使河東郡今山西平陽府蒲州承制

黜陟討捕羣盜淵行至龍門在平陽府河津縣擊賊帥毋端兒

破之十二月淵擊絳賊敬陀盤等降之絳今平陽府絳州○降戶

江切後同

丙子十二年初李淵娶於神武肅公竇毅平陵人在陝西西安府咸陽縣

生四男建成隱太子世民即太宗玄霸衛懷王元吉巢刺王世民

聰明勇決識量過人十二月詔以淵為太原留守治晉陽今

山西太原府太原縣以郎將王威高君雅為之副討甄翟兒上谷賊魏

刀兒部將遇於雀鼠谷在山西汾州府介休縣西南淵眾纔數千賊圍數

匝世民時年十七將精兵救之將去聲拔淵於萬眾之中

會步兵至合擊大破之

丁丑十三年隋恭帝侑義寧元年魏公李密定楊可李

淵子世民見隋室方亂陰有安天下之志傾身下士散

財結客咸得其歡心晉陽宮監裴寂與劉文靜同宿晉陽

宮在太原縣唐城內寂字玄真蒲州桑泉人在平陽府猗氏縣東北文靜字肇仁武功人今西安府武功縣

見城上烽火寂歎曰貧賤如此復逢亂離將何以自存

文靜笑曰時事可知我二人相得何憂貧賤文靜見世

民而異之淡自結納謂寂曰此非常人豁達類漢高神

武同魏祖年雖少去聲命世才也文靜坐與李密連昏密

玄邃襄平人在遼東定遼中衛大業九年楊玄感反密與同謀十二年翟讓等推密為蒲山公繫太原

獄世民就省之文靜曰天下大亂非高光之才不能安

也世民曰安知其無但人不識耳我來相省非兒女子

之情欲與君議大事也計將安出文靜曰今主上南巡

江淮李密圍逼東都今河南河南府羣盜殆以萬數當此之際

有真主驅駕而用之取天下如反掌耳太原百姓皆避

盜入城文靜為令數年知其豪傑一旦收集可得十萬

人尊公所將之兵將去聲復且數萬一言出口誰敢不從

以此乘虛入關號令天下不過半年帝業成矣世民笑

曰君言正合我意乃陰部署賓客淵不之知也淵與裴

寂有舊文靜欲因寂關說乃引寂與世民交世民出私

錢數百萬使龍山令高斌廉與寂博稍以輸之寂大喜

於是情款日狎乃以其謀告寂寂許諾世民乘間屏人說淵曰間去聲屏音餅說音稅今主上無道百姓困窮晉陽城外

皆為戰場大人若守小節下有寇盜上有嚴刑危亡無日不若順民心興義兵轉禍為福此天授之時也淵大驚曰汝安得為此言慎勿出口明日世民復說淵曰今盜賊日繁徧於天下大人受詔討賊賊可盡乎且世人皆傳李氏當應圖讖故李金才無罪一朝族滅大人設能盡賊則功高不賞身益危矣唯昨日之言可以救禍此萬全之策也願大人勿疑淵乃歎曰我一夕思汝言亦大有理今日破家亡軀亦由汝化家為國亦由汝矣

先是襄寂以晉陽宮人侍淵淵從寂飲酒醉寂從容言

曰從千容切二郎陰養士馬欲舉大事正為寂以宮人侍公

為去聲恐事覺并誅為此急計耳衆情已協公意何如淵

曰吾兒誠有此謀事已如此當復奈何正須從之耳帝

以淵與馬邑太守王仁恭不能禦寇馬邑在大同府朔州仁恭字元實上

邦人在秦州遣使者執詣江都今江南揚州府江都縣淵大

懼世民與寂等復說淵曰事已迫矣宜早定計且晉陽士馬精彊宮監蓄積鉅萬代王幼冲關中豪傑竝起公

若鼓行而西撫而有之如揆囊中之物奈何坐取夷滅

乎大理司直夏侯端壽春人今鳳陽府壽州善占候謂淵曰今玉

牀搖動帝座不安

紫微垣宮門內六星曰天牀北極五星第二星及大角北三星皆為帝座

參墟得歲必有真人起於其分

左傳云參為晉星故以晉陽為參墟得歲歲星

居參也。分扶問切。

非公而誰主上猜忍尤忌諸李金才既成公

不思變通必為之次矣淵皆然之會帝赦淵又建成元

吉尚在河東故遷延不發衰寂懼及禍

為晉陽宮人事也

屢趣

淵起兵

趣音促

乃使文靜詐為敕書發太原等郡民年二

十已上擊高麗三月劉武周據汾陽宮

武周景城人在直隸河間府獻

縣汾陽宮在太原府靜樂縣時武周附突厥立為定楊可汗

世民言於淵曰大人為

留守而盜賊竊據離宮不早建大計禍今至矣四月淵

乃命世民與文靜等各募兵遠近赴集旬日間近萬人

仍遣使召建成元吉於河東

使去聲

太子千牛備身柴紹

於長安

紹字嗣昌臨汾人今平陽府臨汾縣長安今西安府

紹淵之壻也王威高

君雅見淵兵大集疑有異志或告威君雅欲為不利五

月淵使世民伏兵於外執威君雅殺之時文靜勸淵與

突厥相結資其士馬以益兵勢淵從之六月淵遣使如

突厥

使去聲

自為手啓卑辭厚禮以遺可汗突厥欲淵為

帝則以兵相助淵不可衰寂請尊天子為太上皇立代

王為帝改易旗幟雜用絳白以示突厥

隋尚赤故雜之以白示變易也

淵曰此可謂掩耳盜鈴然逼於時事不得不爾乃許之

遂移檄郡縣西河郡不從淵命

西河郡在山西汾州府

淵使世民

將兵擊西河將去聲郡丞高德儒閉城拒守攻拔之執德

儒至軍門世民數之曰數上聲汝指野鳥為鸞以欺人主

取高官事見前煬帝亡隋大業十一年我興義兵正為誅佞人耳遂斬

之自餘不戮一人秋毫無犯各慰撫使復業遠近聞之

大悅世民等引兵還晉陽往返凡九日淵喜曰以此行

兵雖橫行天下可也遂定入關之計淵開倉以賑貧民

應募者日益多淵分為三軍謂之義士裴寂等上淵號

為大將軍

淵命司馬劉文靜使於突厥以請兵使去聲私謂文靜曰胡

騎入中國生民之大蠹也吾所以欲得之者恐劉武周

引之共為邊患耳數百人之外無所用之文靜至突厥

見始畢可汗與之約曰若入長安民衆土地入唐公金

玉繒帛歸突厥始畢大喜

七月淵以子元吉為太原太守留守晉陽宮淵帥甲士三

萬發晉陽立軍門誓衆并移檄郡縣諭以尊立代王之

意西突厥阿史那大柰亦帥其衆以從淵至西河慰勞

吏民勞去聲賑贍窮乏豪傑隨才授任一日除千餘人代

王侑遣虎牙郎將宋老生帥精兵二萬屯霍邑今平陽府霍州

左武侯大將軍屈突通將驍果數萬屯河東以拒淵通長

安人○會積雨淵不得進淵以書招李密密自恃兵彊

將去聲

欲為盟主使祖君彥復書曰君彥范陽人在直隸順天府涿州所望左

提右挈戮力同心執子嬰於咸陽殪商辛於牧野豈不

盛哉且欲使淵以步騎數千自至河內面結盟約淵得

書笑曰密妄自矜大非折簡可致吾方有事關中若遽

絕之乃是更生一敵不如卑詞推獎以驕其志使為我

塞成臯之道綴東都之兵我得專意西征俟關中平定

據險養威徐觀蚌鷸之勢以收漁人之功蚌蛤屬鷸鳥能知雨者故

通天文者冠鷸冠語云蚌鷸相持漁人得利○蚌部項切鷸餘律切未為晚也乃使記室

溫大雅復書曰隋親王府有記室從六品諸公府記室

縣天生蒸民必有司牧當今為牧非子而誰老夫年踰

知命願不及此欣戴大弟攀鱗附翼唯望早膺圖籙以

寧兆民宗盟之長上聲屬籍見容復封於唐斯榮足矣殪

商辛於牧野所不忍言執子嬰於咸陽未敢聞命汾晉

左右尚須安輯盟津之會未暇卜期密得書甚喜以示

將佐曰將去聲唐公見推天下不足定矣自是信使往來

不絕使去聲雨久不止淵軍中糧乏劉文靜未返或云突

厥與劉武周乘虛襲晉陽淵召將佐謀北還裴寂等皆

以為不如還救根本更圖後舉世民曰今禾菽被野何

憂乏糧老生輕躁一戰可禽李密顧戀倉粟未遑遠畧

武周與突厥外雖相附內實相猜武周雖遠利太原豈

可近忘馬邑武周以馬邑郡本興大義奮不顧身以救

蒼生當先入咸陽謂長安號令天下今遇小敵遽已班師

恐從義之徒一朝解體還守太原一城之地為賊耳何

以自全淵不聽促令引發世民將復入諫會日暮淵已

寢世民不得入號哭於外號平聲聞帳中淵召問之世

民曰今兵以義動進戰則克退還則散眾散於前敵乘

於後灰亡無日何得不悲淵乃悟時左軍已發世民乃

與建成分道夜追左軍復還太原糧運亦至

八月雨霽淵命軍中曝鎧仗行裝趣霍邑建成世民將數

千騎至城下將去聲舉鞭指麾若將圍城之狀且詬之詬罵

也老生怒引兵三萬分道而出淵欲使軍士先食而戰

世民曰時不可失遂戰建成小却世民與軍頭段志玄

臨淄人今山東青州府臨淄縣時改鷹揚郎曰軍頭引兵出其背手殺數十人兩

刀皆缺流血滿袖灑之復戰因傳呼曰已獲老生矣老

生兵大敗下馬投塹劉弘基就斬之弘基池陽人在西安府涇陽縣遂

克霍邑淵賞霍邑之功或以奴應募者不得與良人同

淵曰矢石之間不辨貴賤論功之際何有等差又宜切竝

從本勳授淵引見霍邑吏民勞賞如西河勞去聲選其丁

壯從軍軍士欲歸者竝授五品散官或諫官太濫淵曰

隋氏吝惜勳賞以失人心奈何效之且收眾以官不愈

隋氏吝惜勳賞以失人心奈何效之且收眾以官不愈

於用兵乎。淵進克臨汾絳郡。劉文靜以突厥兵五百人。

馬二千匹至。淵喜其來緩。謂文靜曰：吾西行及河，突厥

始至，兵少馬多，皆君將命之功也。汾陰薛大鼎，汾陰今平陽府

榮河縣說淵勿攻河東，自龍門直濟河。據永豐倉，在西安府華陰

縣。傳檄遠近，關中可坐取也。諸將請先攻河東，河東縣

戶曹任瓌說淵曰：字瑋，合肥人，今江南廬州府合肥縣。瓌在馮翊，在西安府同州

○馮音憑。知其豪傑，請往諭之。必從風而靡。義師自梁山濟

河，指韓城。今西安府韓城縣。梁山在其境。逼郃陽，今西安府郃陽縣。蕭造文吏

必當望塵請服。孫華之徒皆當遠迎。然後鼓行而進。直

據永豐。雖未得長安，關中固已定矣。淵以瓌為招慰大

使。去聲說韓城下之。時關東羣盜孫華最彊。淵進至汾

陰，以書招之。華自郃陽輕騎見淵，淵握手與坐，慰獎之。

以為武鄉縣公。領馮翊太守。是年十月攻長安。華中流矢歿。

九月，馮翊太守蕭造降於李淵。造，梁宜豐侯循之子。淵帥諸軍圍河

東，屈突通嬰城自守。時河東未下，三輔豪傑至者日以

千數。三輔本漢京兆馮翊扶風在西安府。淵欲引兵西趨長安，猶豫未決。

裴寂曰：屈突通擁大眾，憑堅城，吾舍之而去，若進攻長

安不克，退為河東所踵，腹背受敵，此危道也。不若先克

河東，然後西上。長安恃通為援，通敗，長安必破矣。世民

曰：不然。兵貴神速，吾席累勝之威，累上聲撫歸附之眾，鼓

行而西。長安之人望風震駭，智不及謀，勇不及斷，取之若振槁葉耳。若淹留自敝於堅城之下，彼得成謀，脩備以待，我坐費日月，眾心離沮，則大事去矣。且關中蠶起之將，去聲未有所屬，不可不早招懷也。屈突通自守虜耳，不足為慮。淵兩從之，留諸將圍河東，自引兵而西。京兆諸縣多遣使請降。使去聲淵帥諸軍濟河，關中士民歸之者如市。淵遣建成、劉文靜守潼關。在永豐倉東以備東方。世民徇渭北。

柴紹之赴太原也，妻李氏歸鄠縣。即平陽公主。鄠，今西安府鄠縣。鄠音扈。散家貲聚徒眾，淵從弟神通亦從。長安亡，入鄠縣山中，與

長安大俠史萬寶等起兵應淵，以令狐德棻為記室。德棻

宐州華原人。在西安府耀州。李氏使其奴馬三寶說下司竹園盜何

潘仁。司竹園在西安府盩厔縣。及羣盜李仲文。密從父。丘師利等。師利洛陽人。

與神功合勢攻鄠縣，徇盩厔武功，皆下之。眾至七萬。左親衛段綸亦娶淵女。綸，文振子。按文振，隋兵部尚書北平侯。北海，期原人。考隋志，北海郡在青州府北海縣。

在青州府濰縣。無期原。聚徒於藍田。今西安府藍田縣。得萬餘人，各遣使迎淵。使去聲淵使柴紹迎李氏，關中羣盜皆請

降。淵慰勞之。勞去聲使受世民節度。

世民所至，吏民及羣盜歸之如流。世民收其豪傑以備僚

屬，營於涇陽。今西安府涇陽縣。勝兵九萬，李氏將精兵萬餘，會

世民於渭北與柴紹各置幕府號娘子軍

初平涼賊眾數萬圍扶風太守竇璡數月不下

大業九年靈武賊帥

白瑜娑連突厥寇掠隴右靈武在陝西寧夏衛平涼今陝西平涼府扶風在陝西鳳翔府岐州璡字之推平陵人

賊中食盡丘師利遣其弟行恭帥五百人負米麥持

牛酒以詣賊營賊帥長揖行恭手斬之謂其眾曰汝等

皆良人何故事奴為主使天下號曰寇賊眾皆俯伏聽

命行恭帥其眾與師利共謁世民於渭北世民以為光

祿大夫

隋從二品唐正三品

初吏部侍郎高孝基名知人見臨淄房玄齡字喬歎曰僕閱

人多矣未見有如此郎者異日必為偉器恨不見其大

成耳見杜陵杜如晦

杜陵在西安府咸寧縣如晦字克明

謂曰君有應變

之才必任棟梁之重俱以子孫託之至是玄齡為隰城

尉

隰城在汾州府

謁世民於軍門世民一見如舊識署記室參

軍引為謀主玄齡亦自以遇知己罄竭心力知無不為

世民引兵頓於阿城

在西安府渭南縣即阿房宮○阿於何切

勝兵十三萬

軍令嚴整秋毫不犯遣使白淵使去請期日赴長安淵

命建成自新豐趣長樂宮

新豐城在西安府臨潼縣長樂宮在西安府西北○樂音

洛世民屯長安故城至竝聽教延安雕陰上郡降

延安今陝

西延安府雕陰今綏德州上郡今鄜州竝屬延安

淵引軍西行所過離宮園苑

皆罷之出宮女還其親屬十月至長安諸軍合二十餘

萬淵命諸軍攻城約毋得犯七廟及代王宗室違者夷

三族十一月克長安代王左右奔散唯侍讀姚思廉侍

側思廉名簡以字行京兆萬年人今咸寧縣軍士將登殿思廉厲聲呼之曰

唐公舉義兵匡帝室卿等毋得無禮眾皆愕然布立庭

下淵迎王於東宮遷居天興殿後聽廳思廉挾王至閣

下泣拜而去淵還舍於長樂宮與民約法十二條悉除

隋苛禁馬邑郡丞李靖本名藥師京兆三原人今西安府三原縣素與淵有

隙淵收靖將誅之靖大呼曰公與義兵欲平暴亂而以

私怨殺壯士乎世民為之固請乃舍之為去聲世民因

召置幕府靖少負志氣少去聲有文武才畧其舅韓擒虎

每撫之曰可與言將帥之畧者獨此子耳擒虎字子通隋上柱國涼

州總管東垣人在河南府新安縣○將帥竝去聲

淵備法駕迎代王侑即皇帝位於天興殿時年十三大赦

改元遙尊煬帝為太上皇淵為大丞相封唐王以建成

為唐世子世民為秦公元吉為齊公裴寂為長史長上聲

劉文靜為司馬李綱為司錄綱字文紀觀州蔣人今河

承司竹園盜何潘仁劫為專掌選事竇威為司錄參軍

長史至是潘仁使人見威字文蔚平陵人前考功郎中使定禮儀

榆林靈武平涼安定諸郡皆遣使請命榆林今陝西榆林

安定今平涼府涇州

唐王淵傾府庫以賜勳人國用不足右光祿大夫劉世龍

獻策世龍并州晉陽人以為今義師竝集樵蘇貴而布帛賤請

伐六街及苑中樹為樵以易布帛可得十數萬匹從之

十二月薛舉侵扶風舉汾陰人大業十三年以金城校唐

王淵遣秦公世民擊破之詳唐平隴右

平涼留守張隆河池太守蕭瑀河池郡在陝西漢中府鳳

及扶風漢陽郡相繼降唐漢陽郡在鞏昌府成縣唐以瑀為禮部

尚書封宋國公

唐王淵遣左光祿大夫李孝恭淵從父兄子擊破朱粲城父人

府亳州粲起大業十一年號可達寒賊自稱迦樓羅王掠荆沔見煬帝亡隋諸將請盡殺其

俘孝恭曰不可自是以往誰復肯降矣皆釋之於是自

金州出巴蜀金州今漢中府興安州巴蜀今四川省降附者三十餘州

屈突通與劉文靜相持月餘通勢益蹙或說通降通泣曰

吾歷事兩主恩顧甚厚食人之祿而違其難去聲吾不為

也每自摩其頸曰要當為國家受一刀勞勉將士為勞將竝

去聲未嘗不流涕人亦以此懷之及聞長安不守家屬皆

為淵所虜引兵東出將趣洛陽郎將桑顯和即以城降

文靜遣竇琮等與顯和追之琮平陵人及於稠桑在河南府靈寶縣西

通結陣自固琮遣通子壽往諭之通罵曰此賊何來昔

與汝為父子今與汝為仇讐命左右射之顯和謂其眾

通鑑本末紀原 卷三十六 高祖興唐 聖

曰今京城已陷汝輩皆關中人去欲何之眾皆釋仗而降通知不免下馬東南再拜號哭曰號平聲臣力屈至此

非敢負國軍人執送長安淵以為兵部尚書遣至河東城下招諭通守堯君素魏郡湯陰人今河南彰德府湯陰縣君素獻歛不自勝平聲通亦泣下因謂君素曰事勢如此卿當早降君

素曰公為國大臣主上委公以關中代王付公以社稷奈何負國生降更為人作說客邪為去聲邪音耶且公所乘馬

代王所賜也公何面目乘之哉通曰吾力屈耳君素曰吾力猶未屈何用多言通慙而退

劉文靜等引兵東畧地取弘農郡今河南府陝州遂定新安以西

新安今河南府新安縣唐王淵遣使徇巴蜀下之使去聲

戊寅隋義寧二年恭帝侗皇泰元年唐高祖李淵武德元年梁主李軌安樂楚主朱粲昌達燕王

高開道俱元年三月宇文化及弒帝於江都化及許公宇文述子武川人時為右屯衛大將軍弒帝事見煬帝亡隋

隋主侑以唐王淵為相國總百揆加九錫淵辭九錫

隋吳興太守沈法興吳興今浙江湖州府法興武康人今湖州府武康縣起兵據江

表十餘郡見唐平江淮

四月蕭銑稱帝於江陵銑後梁宣帝曾孫江陵後梁舊都今湖廣荊州府江陵縣

五月隋主侑禪位於唐唐王淵即皇帝位推五運為土德

色尚黃

唐罷郡置州以太守為刺史。上州從三品中州正四品上階下州正四品下階

唐命右僕射裴寂納言劉文靜等脩律令行之。僕射從二品納言正

三品三年改為侍中置國子太學四門生三百餘員郡縣學亦置

生員

帝待裴寂特厚稱為裴監而不名。帝又嘗呼寂為裴三委內史令蕭

瑀以庶政。內史令正三品三年改中書令事無大小莫不關掌瑀亦孜

孜盡力繩違舉過人皆憚之嘗有敕不時宣行。不即奉行也

帝責之瑀對曰大業之世內史宣敕或前後相違有司

不知所從今王業經始事係安危故臣每受一敕必勘

審使與前敕不違始敢宣行稽緩之愆實由於此帝曰

卿用心如此吾復何憂帝每視事引貴臣同榻而坐劉

文靜諫曰貴賤失位非常久之道帝曰諸公皆名德舊

齒平生親炙宿昔之歡何可忘也

唐立四親廟立世子建成為皇太子世民為秦王元吉為

齊王

唐奉隋帝侑為鄴國公詔曰近世以來時運遷革前代親

族莫不誅夷興亡之效豈伊人力其隋蔡王智積等子

孫竝付所司量才選用。智積隋文帝從子

唐於邊要州各置總管府以統數州之兵。武德四年改總管府為都督府

上從二品中正三品下從三品

唐萬年縣法曹孫伏伽萬年今咸寧縣法曹隋官唐改為尉京縣尉從入品伏伽貝州武城

人今山東東昌府武城縣上表以為隋以惡聞其過亡天下惡鳥路切陛

下龍飛晉陽遠近響應未朞年而登帝位徒知得之之

易羊豉切而不知隋失之之不難也臣謂宜易其覆轍務

盡下情太子諸王參僚左右宜謹擇其人有素無行義

行去聲以聲色弋獵為事者皆不可近自古骨肉乖離以

至敗亡未有不因左右離間而然也間去聲帝省表大悅

下詔褒稱擢為治書侍御史從六品賜帛三百匹

九月唐行戊寅曆白馬道士傅仁均所造

十月魏公李密降唐詳唐平東都唐以為光祿卿邢國公密所

部將佐或以城邑或帥眾相繼來降

唐立李軌為涼王軌武威姑臧人大業十三年以武威鷹揚府司馬起兵於河西詳唐平河西

唐鄧州刺史呂子臧鄧州今河南南陽府鄧州子臧蒲州河東人在平陽府蒲州與撫

慰使馬元規擊朱粲破之言於元規曰粲新敗危懼并

力擊之一舉可滅若復遷延其徒稍集則為患深矣元

規不從粲收集餘眾自稱楚帝改元昌達十月進攻鄧

州子臧謂元規曰老夫今日坐公歿矣會霖雨城壞所

親勸子臧降子臧曰安有天子方伯降賊者乎赴賊歿

之城陷元規亦歿

十一月涼王軌稱帝

唐秦王世民破秦兵秦主薛仁果出降仁果薛舉子斬於

長安市

徐世勣據李密舊境未有所屬世勣字懋功後避太宗諱名勣曹州離狐人在山東

兖州府曹縣魏徵從密至長安徵字玄成鉅鹿下曲陽人直隸真定府晉州自請

安集山東帝以為秘書丞從五品遺書世勣世勣降唐授

黎州總管治黎陽在直隸大名府濬縣封英國公賜姓李氏

初虎賁郎將羅藝起兵涿郡藝字子延雲陽人今西安府淳化縣起兵在大業十二年

涿郡今涿州自稱幽州總管宇文化及高開道竇建德各遣

使招之開道見後建德據樂壽稱夏王在河間府獻縣皆不應曰吾聞唐公已

定關中人望歸之真吾主也遂與漁陽上谷等郡降唐

漁陽今順天府薊州上谷今保定府易州唐即以為幽州總管

隋將堯君素守河東唐遣獨孤懷恩攻之不下懷恩唐高祖母元貞

皇后弟子招之不從時外圍嚴急君素為木鷲置表於頸浮

之於河河陽守者得之達於東都皇泰主歎息拜為金

紫光祿大夫從二品帝遣其妻至城下謂之曰隋室已亡

君何自苦君素曰天下名義非婦人所知引弓射之應

弦而倒君素志在守死每言及國家未嘗不歔歔性嚴

明善御下眾莫敢叛久之粟盡人相食左右聞江都變

殺君素以降別將王行本誅作亂者復乘城拒守至太宗貞

觀十二年詔曰君素雖桀犬吠堯有乖倒戈之志而疾風勁草實表歲寒之心可贈蒲州刺史

李密復叛唐行軍總管盛彥師討斬之

詳唐平東都

高開道據漁陽自稱燕王改元始興

開道陽信人今山東濟南府陽信縣大業

十二年河間賊帥格謙稱燕王敗誅開道代統其衆

懷戎沙門高曇晟與僧五千

人反

懷戎今直隸萬全都司懷來衛

殺縣令鎮將

去聲

自稱大乘皇帝改

元法輪遣使招高開道

使去聲

開道襲殺之并其衆

有犯法不至死者帝特命殺之監察御史李素立諫曰

監察

御史從八品武后時改正八品素立趙州高邑人今真定府高邑縣

三尺法王者所與天

下共之也陛下甫創鴻業奈何棄法臣忝法司不敢奉

詔帝從之自是特承恩遇命所司授以七品清要官所

司擬雍州司戶帝曰此官要而不清

司戶上州從七品中州正八下州從

八品雍州在畿輔之地故云要也

又擬祕書郎

從六品

曰此官清而不要

遂擢授侍御史

從七品武后時改從六品

帝以舞胡安叱奴為散騎侍郎

隋為正五品唐不設以為加官

禮部尚書

李綱諫曰

尚書正三品

古者樂工不與士齒今天下新定建

義功臣行賞未徧高才碩學猶滯草萊而先擢舞胡為

五品使鳴玉曳組趨翔廊廟非所以規模後世也帝不

能從

己卯

隋皇泰二年

唐武德二年

鄭主王世充開明元年

年楚朱粲

朱粲有衆二十萬剽掠漢淮間每破州縣

食其積粟將去悉焚其餘軍中乏食烹婦人嬰兒噉之

曰肉之美者無過於人但使他國有人何憂於餒初以

隋著作佐郎陸從典通事舍人顏愍楚為賓客其後闔

家皆為所啖又稅諸城堡細弱婦人嬰兒也以供軍食正月

淮安土豪楊士林起兵攻粲淮安在南陽府唐縣諸軍皆應之粲

大敗奔菊潭在南陽府內鄉縣西北士林以漢東四郡降唐唐以

為顯州道行臺顯州治淮安是年六月州人殺士林降於王世充

二月唐詔諸宗姓居官者在同列之上未仕者免徭役每

州置宗師一人以攝總之

唐初定租庸調法有田則有租有家則有調有身則有庸租出穀庸出絹調出繒纈布麻○調去

聲每丁租二石絹二匹綿三兩自茲以外不得橫有調

斂橫去聲

朱粲降唐唐以為楚王

初帝與宇文士及善士及化及弟長安人化及既歿是月竇建德討誅之手詔

召之士及與封德彝來降德彝本名倫觀州蓆人時士及妹為昭

儀由是授上儀同從一品帝以德彝諂巧不忠罷遣就舍

德彝以祕策干帝帝悅拜內史舍人正五品俄遷侍郎正四

品尋改內史為中書

隋東海北海東平淮南諸郡皆降於唐東海今江南淮安府海州北海今山

東青州府東平今兗州府東平州淮南今壽州

唐散騎常侍段確奉詔慰勞朱粲散騎常侍從三品○勞去聲乘醉侮

粲曰聞卿好噉人

好去聲

人作何味粲曰噉醉人正如糟

羶肉確怒罵曰狂賊入朝為一頭奴耳復得噉人乎粲

烹食之遂屠菊潭奔王世充

鄭王世充篡隋稱帝

世充字行滿西城胡人篡隋事詳唐平東都

唐遣安興貴襲執涼主軌以歸

與貴軌將安脩仁之兄也

殺之河西平

詳唐平河西

七月唐置十二軍分統關內諸府每軍將副各一人

將去聲

取威名素重者為之督以耕戰之務於是士馬精彊所

向無敵

六年以天下大定罷十二軍既而突厥為寇不已八年復置

海岱賊帥徐圓朗以兖州等數州降唐唐以為兖州總管

封魯國公

圓朗兖州魯郡人今兖州府曲阜縣起大業十三年見煬帝亡隋

八月唐鄒公薨

綱目書法云自晉書陳留王曹奐卒是後廢主皆弑書薨予之也唐之永世也宜哉

唐民部尚書劉文靜自以才畧功勳在裴寂之右而位居

其下意甚不平家數有妖

數音朔

弟文起召巫厭勝

厭一葉切

文靜有妾無寵使其兄上變告之帝以文靜屬吏秦王

世民為之固請曰

為去聲

昔在晉陽文靜先建非常之策

始告寂知及克京城任遇懸隔今文靜缺望則有之非

敢謀反寂曰文靜才畧過人性復粗險天下未定留之

必貽後患帝竟殺之籍沒其家

沈法興稱梁王於毗陵

今江南常州府

李子通稱吳帝於江都

子通

沂州承人。在兗州府嶧縣起。大業十一年。詳唐平江淮。

杜伏威降唐。唐以為和州總管。伏威章丘人。今濟南府章丘縣起。大業九年。見唐平

江淮和州。今江南和州。

冬。唐遣大理卿郎楚之安撫山東。秘書監夏侯端安撫淮

左。秘書監。從三品。端傳檄州郡。東至於海。南至於淮。二十餘州

皆降於唐。

庚辰。唐武德三年。吳明政二年。四月。唐秦王世民擊定楊。破之。可汗劉

武周走。歿。武周見前。大業十三年。詳唐平河東。尉遲敬德來降。敬德本名恭善。陽人。

在朔州。

五月。唐晉州人吉善行自言於羊角山。見白衣老父。曰。為

吾語唐天子。吾為老君。吾而祖也。詔於其地立廟。晉州。今平

陽府。羊角山。在平陽府浮山縣東南。

十月。高開道降唐。以為蔚州總管。賜姓李氏。蔚州。今大

十二月。吳主李子通襲梁。梁王法興走。歿。詳唐平江淮。

辛巳。唐武德四年。梁蕭銑四年。燕王高開道四年。鄭開正月。

唐秦王世民擊鄭。三月。夏王建德救鄭。建德。漳南人。在

大業七年。見唐平山東。五月。世民大破禽之。鄭主世克降。世克。見

事詳唐平東都。斬朱粲於洛水上。士庶競以瓦礫擊其尸。須臾

成家。

七月。秦王世民獻俘太廟。赦世克。斬建德。

王世充僕射蘇世長以襄州來降

世長武功人襄州今湖廣襄陽府

帝以

為諫議大夫正五品嘗從校獵高陵大獲禽獸帝曰今日

樂乎對曰不滿十旬未足為樂樂竝音洛帝變色既而笑曰

狂態復發邪對曰於臣則狂於陛下甚忠嘗侍宴披香

殿酒酣謂帝曰此殿煬帝之所為邪帝曰卿諫似直而

實多詐豈不知此殿朕之所為乎對曰臣實不知但見

其華侈如傾宮鹿臺桀作傾宮紂作鹿臺非興王之所為耳昔侍

陛下於武功見所居宅僅庇風雨今因隋之宮室已極

侈矣而又增之將何以矯其失乎帝淡然之

隋末錢幣濫薄至裁皮糊紙為之民間不勝其弊勝平唐聲

初行開元通寶積十錢重一兩輕重大小最為折衷遠

近便之

竇建德部將劉黑闥起兵於漳南黑闥漳南人命秦王世民齊

王元吉討之詳唐平山東徐圓朗舉兵應黑闥

唐以太常樂工皆前代因罪配沒子孫相承多歷年所竝

赦為民

十月帝以秦王世民功大前代官不足以稱之特置天策

上將軍位在王公上以世民為之開天策府置官屬

唐遣趙郡王孝恭行軍長史李靖伐梁梁王銑降詳唐平江陵

十一月唐和州總管杜伏威擊李子通執送長安未幾子

通叛走獲斬之。

高開道叛唐復稱燕王。

壬午

唐武德五年 漢東王劉黑闥天造元年 楚帝林士弘太平七年

正月劉黑闥自稱

漢東王三月秦王世民破之於洛水

在廣平府威縣

黑闥奔突

厥

詳唐平山東

二月豫章賊帥張善安以虔吉等五州降唐

豫章今江西南昌府善安

方與人今兗州府魚臺縣大業十三年起虔吉今江西贛州吉安二府

以為洪州總管

洪州

今南昌府六年三月善安反十二月誅見唐平江淮

七月隋漢陽太守馮盎降唐嶺南悉平

盎字明達高州良德人在廣東高州

府電白縣始祖馮業自北燕浮海奔宋世為羅州刺史祖寶陳高涼太守寶妻洗夫人有功陳隋累封至譙國

夫人謚誠敬

先是或勸盎稱南粵王盎曰吾家居此五世為

牧伯者不出吾門富貴極矣嘗懼不克負荷

去聲為先人

羞敢效趙佗自王一方乎

佗音陀王去聲

及降以為高州總管

封耿國公

楚主林士弘殂其眾遂散

詳唐平江淮

癸未

唐武德六年

正月漢東將諸葛德威執劉黑闥降唐斬之

二月唐平陽公主卒

柴紹妻

帝以公主親執金鼓興義兵以

輔大業詔加鼓吹班劍虎賁甲卒以葬

賁音奔

二月徐圓朗走死其地皆入於唐

八月唐淮南道行臺僕射輔公祏反

詳唐平江淮公祏臨濟人在章丘縣與杜

伏威同起武德二年降唐封舒國公

甲申武德七年正月依周齊舊制每州置大中正一人三國魏以

吏部不能審覈天下士故令郡掌知州內人物品量望

第以本州門望高者領之無品秩

二月詔諸州有明一經以上未仕者咸以名聞州縣及鄉

皆置學

三月初定官制以太尉司徒司空為三公尚書門下中書

光祿衛尉宗正太僕大理鴻臚司農太府為九寺次將

作監次國子學次天策上將府次十四衛東宮置三

師三少詹事及兩坊三寺十率府王公置府佐國官公

主置邑司並為京職州縣鎮戍為外職自開府儀同三

司至將仕郎十八階為武散官上柱國至武騎尉十二等為勳

尉官按勳官起於周齊用賞軍功唐因之起正二品至從七品為十二級高開道見天下皆定欲降自以數反覆不敢數音朔將卒咸

有離心開道選勇敢數百人謂之假子直閣內使其將

張金樹領之將並去聲金樹使人與假子遊戲潛斷其弓弦

竊其刀槩以出乃帥其黨攻開道假子將禦之弓弦皆

絕刀槩已失爭出降開道自殺金樹悉斬假子遣使來

降使去聲以其地置媯州今直隸延慶州以金樹為北燕州都督

趙郡王孝恭克丹陽斬輔公祏丹陽在江南江寧府○於

太宗貞觀二年乃亡是羣雄悉平惟梁師都至四月初定均田租庸調法丁中之民丁者當也當疆壯之時中者謂上下通也

四歲為小，十六為中，給田一頃，篤疾減什之六，寡妻妾二十為丁，六十為老，減七，皆以什之二為世業，八為口分。

去聲每丁歲入租粟

二石，調隨土地所宜，綾絹絕布。

皮帛之細曰綾，縉如麥經緯皆粟，曰布。按稍麥莖也。言其光滑。粟，無子麻也。○絕音陀，稍音捐，泉胥里切。歲役二旬不

役，則收其庸日三尺。

唐用人力歲二十日，閏加二日，不謂庸。是之有事而加役者，旬有五，日免其調，三旬租調俱免。

水旱蟲霜為災，什損四以上免租，損六以上免調，損七

以上課役俱免。

調並去聲 丙戌九年正月，詔太常少卿祖孝孫定雅樂。

孝孫，范陽人。夏太史令傅奕上疏請除佛法。

太史令從五品，奕，相州鄴人。今河南彰德府臨漳縣。曰：佛在西域，言妖路遠，漢譯胡書，恣其假託，使不忠不

孝，削髮而揖君親，遊手遊食，易服以逃租賦，偽起三塗。

謬張六道。

三塗，即三慾。一曰色慾，門上尸道，天塗界。二曰愛慾，門中尸道人塗界。三曰貪慾，門下尸道。地塗界。六道謂天道、人道、魔道、地獄道、餓鬼道、畜生道也。遂使愚迷妄求功德，自

漢以前，初無佛法。君明臣忠，祚長年久，自立胡神，羌戎

亂華，主庸臣佞，政虐祚短。梁武齊襄，足為明鏡。

梁武帝侯景之亂，餓死臺城北齊文襄帝高澄，為膳奴蘭京所弑。今天下僧尼數盈十萬，請令

匹配，即成十萬餘戶，產育男女，十年長養。

長音一紀教訓可以足兵。帝詔百官議其事，唯太僕卿張道源稱奕

言合理。

太僕卿從三品，道源，名河，以字行。并州祁人。今太原府祁縣。僕射蕭瑀曰：佛

聖人也而奕非之非聖人者無法當治其罪奕曰人之

大倫莫如君父佛以世嫡而叛其父釋典稱佛以王太子出家以匹

夫而抗天子蕭瑀不生於空桑世紀有莘氏女采桑得嬰兒於空桑中命之曰

伊尹乃遵無父之教非孝者無親瑀之謂矣瑀不能對但

合手曰地獄之設正為是人上亦惡沙門道士苟避征

徭不守戒律皆如奕言乃下詔命有司沙汰天下僧尼

道士未幾罷之

六月太白經天太白金星為陰晝見午三曰食禁門上為經天其占為兵喪

秦王世民殺太子建成齊王元吉帝立世民為皇太子決

軍國事帝自稱太上皇詳太宗平內難

八月太子世民即位

乙未太宗貞觀九年五月太上皇崩十月葬獻陵謚曰神堯

皇帝廟號高祖

人長音同縣孫縣令怒管之

太宗貞觀七年正月太宗上皇... 守戒律... 罷之... 附徐圓朗... 劉黑闥

唐平山東 竇建德 附徐圓朗 劉黑闥

未^辛 隋煬帝大業七年漳南人竇建德 今山東東昌府恩縣有漳南城 少尚

氣俠 少去聲 膽力過人會募人征高麗建德以選為二百

人長 音音 同縣孫安祖亦在選辭以家為水漂妻子餒死

縣令怒笞之安祖殺令亡抵建德建德謂曰文皇帝時

天下殷盛發百萬之眾以征高麗尚為所敗今水潦為

災百姓困窮乃更發兵遠擊高麗天下必大亂丈夫不

死當立大功豈可但為亡虜邪 音那 乃集無賴少年

少去聲 得數百人使安祖將之 將去聲 入高雞泊中為羣盜

高雞泊在直隸大名府境 安祖自號將軍時郟人張金稱 郟今東昌府夏津縣

聚眾清河曲清河之曲也在直隸廣平府清河縣。蔣人高士達蔣今直隸河

聚眾清河所過焚掠獨不入建德之閭郡縣疑其與賊

通悉收其家屬殺之建德帥麾下二百人亡歸士達士

達自稱東海公以建德為司兵頃之安祖為金稱所殺

其眾盡歸建德兵遂萬餘人建德傾身接物與士卒均

勞逸人爭附之為之致死為去聲

丙子十二年十二月太僕楊義臣討張金稱義臣本姓尉遲代人在山西大

府同金稱大敗逃於清河之東清河郡丞楊善會禽殺之

善會字敬仁弘農華陰人今陝西西安府華陰縣時羣盜寇掠河北屠陷郡縣隋將帥敗亡相繼惟善會前後

七百餘戰未嘗敗北義臣破降河北賊凡數十萬涿郡通守郭絢討高士達涿郡

今直隸順天府涿州絢河東安邑人今山西平陽府安邑縣士達自以才畧不及建

德乃進建德為軍司馬悉以兵授之建德遣人詐降於

絢降戶江切後同願為前驅自效絢引兵隨之建德襲殺數千

人斬絢首金稱餘眾盡歸建德楊義臣乘勝欲討之建

德謂士達曰歷觀隋將去聲善用兵者無如義臣今滅張

金稱而來其鋒不可當請引兵避之使其欲戰不得坐

費歲月將士疲倦然後乘間擊之乃可破也將間竝去聲士

達不從自帥精兵逆戰小勝因縱酒高宴建德曰東海

公未能破敵遽自矜大禍至不久矣後五日義臣大破

士達斬之建德與百餘騎走饒陽今直隸真定府饒陽縣乘其無

備攻陷之收兵得三千餘人義臣以為建德不足憂引

去建德還平原在山東濟南府德州收散兵葬死者為士達發喪

為去聲軍復大振自稱將軍先是羣盜得隋官及士族子

弟皆殺之獨建德善遇之由是隋官稍以城降之聲勢

日盛勝兵至十餘萬人

丁丑十三年恭帝侑義寧元年長樂王竇建德丁丑元年正月竇建德為壇於樂

壽今河間府獻縣立為長樂王置百官改元丁丑樂並音洛後同

七月詔涿郡留守薛世雄字世英河東汾陰人今平陽府榮河縣將燕地精

兵三萬討李密字玄邃遼東襄平人在遼東定遼中衛將去聲行至河間今河

間府軍於七里井建德悉拔諸城南遁世雄以為畏

已不設備建德謀還襲之去世雄營百四十里帥敢死

士二百八十人先行令餘眾續發與其眾約日夜至則

擊其營已明則降之未至二里所天欲明建德惶惑議

降會天大霧人咫尺不相辨建德喜曰天贊我也遂突

入其營擊之世雄士卒大亂與數十騎遁歸涿郡慙恚

發疾卒建德遂圍河間

戊寅隋恭帝侑義寧二年高祖李淵武德元年恭帝侗皇泰元年唐初

隋河間郡丞王琮守郡城建德攻之歲餘不下七月琮

聞煬帝凶問帥吏民發喪建德遣使弔之使去聲琮乃降

建德退舍待之琮言及隋亡俯伏流涕建德亦為之泣

諸將請烹之為將竝去聲建德曰琮忠臣也吾方賞之以勸

事君奈何殺之以琮為瀛州刺史治河間府於是河北郡縣

聞之爭附於建德先是建德陷景城縣名今省入獻縣將殺戶

曹張玄素蒲州虞鄉人在山西平陽府臨晉縣南縣民千餘號泣請代其

死號平聲曰戶曹清慎無比殺之何以勸善乃釋之以為

治書侍御史固辭及聞江都敗以為黃門侍郎玄素乃

起饒陽令宋正本博學有才氣說建德以定河北之策

說音稅後同建德引為謀主定都樂壽備置百官時有大鳥

五集於樂壽羣鳥數萬從之又有得玄圭以獻者建德

謂羣臣曰此天所以錫大禹也建國號曰夏改元五鳳

初上谷賊帥王須拔掠幽州中流矢死中去聲其將魏刀兒

代領其眾據涿澤今保定府涿澤縣掠冀定之間冀定二州今在真定府

眾至十萬自稱魏帝建德襲擊破之圍涿澤其徒執刀

兒降建德殺之并其眾易定等州皆降易今保定府易州唯冀

州刺史麴稜不下稜婿崔履行自言有奇術可使攻者

自敗稜信之履行命守城者皆坐毋得妄鬪曰賊雖登

城汝曹勿怖吾將使賊自縛乃為壇設章醮白衣衰經

衣去聲衰音催杖行登北樓慟哭又令婦女升屋四面振帟建

德攻之急稜將戰履行固止之俄而城陷履行哭猶未

已建德見稜曰卿忠臣也厚禮之以為內史令

初隋虎賁郎將羅藝字子延襄陽人今湖廣襄陽府起兵涿郡大業十及

宇文化及弒煬帝事見煬帝亡隋遣使招之藝曰我隋臣也斬

其使為煬帝發喪為去聲臨三日建德高開道各遣使招

之開道以十二年起燕地稱燕王陽信人今濟南府陽信縣○以上使竝去聲 藝曰二子皆

劇賊耳唐公乃吾主也十二月藝奉表降唐唐以為幽

州總管并官其將薛萬均萬徹京兆咸陽人今西安府咸寧縣建德既

克冀州兵威益盛帥眾十萬寇幽州萬均曰彼眾吾寡

出戰必敗不若使羸兵背城阻水為陣彼必渡水擊我

萬均請以精騎百人伏於城傍俟其半度擊之蔑不勝

矣藝從之建德大敗復相拒百餘日竟不能克而還音旋

己卯隋皇泰二年唐武德二年字文化及為唐所逼東走

聊城今東昌府聊城縣以珍貨誘海曲諸賊王薄等共守之二

月夏王建德曰吾為隋民隋為吾君化及弒逆乃吾仇

也不可以不討引兵趣聊城連戰大破之王薄開門納

建德遂生禽化及先謁隋蕭皇后語皆稱臣素服哭煬

帝盡哀撫存百官然後執逆黨宇文智及等集隋官而

斬之梟首軍門之外以檻車載宇文化及父子至襄國

斬之襄國今直隸順德府時猶為隋守建德欲攻之因斬於城下建德每克城得資

財悉以分將士常食蔬茹粟妻曹氏衣不統綺婢妾纔

十許人得隋宮人千數即時散遣以褰矩為左僕射矩字

弘大河東聞喜人今平陽府聞喜縣射音亦

都者聽之唐在關中恭帝侗在東都又與王世充結好奉表於隋隋

皇泰主封為夏王裴矩為定朝儀制律令建德甚悅

四月夏王建德聞王世充自立乃絕之始建天子旌旗出

入警蹕世充字行滿本西域胡人

八月夏王建德陷邢滄邢今直隸順德府滄今河間府滄州趣洛相洛今廣平府相

彰德府唐淮安王神通不能拒就李世勣於黎陽神通高祖

從父弟世勣字懋功本姓徐曹州離狐人在山東兗州府曹縣世勣以李密舊將降唐賜姓李氏為黎州總管

治黎陽在大名府濬縣

夏王建德取唐趙州今真定府趙州

夏王建德每行軍常為三道輜重細弱居中央步騎夾左

右相去三里許十月引兵趣衛州今河南衛輝府建德以千騎

先行過黎陽三十里李世勣遣騎將丘孝剛將三百騎

偵之與建德遇遂擊之建德敗走其右方兵救之斬孝

剛建德怒還攻黎陽克之虜淮安王神通李世勣父蓋

魏徵字玄成鉅鹿下曲陽人真定府晉州及唐同安公主高祖妹世勣走

免數日以父故還詣建德降建德使守黎陽而以其父

為質致音以魏徵為起居舍人待神通以客禮滑州刺史

王軌奴殺軌以降滑州今大名府滑縣建德曰奴殺主大逆吾何

為受之立命斬奴返其首於滑州吏民感悅即日請降

於是其旁州縣及徐圓朗等。圓朗兖州魯郡人。今兖州府曲阜縣。起大業十三年。據兖州。皆望風歸附。遂定衛滑齊兖之地。齊今濟南府。建德還洛州。築萬春宮。徙都之。

李世勣欲歸唐。恐禍及其父。謀於長史郭孝恪。許州陽翟人。今河南開封府禹州。孝恪曰。吾新事竇氏。動則見疑。宜先立效。以取

信。然後可圖也。世勣從之。十一月。襲王世充。獲嘉。今衛輝府獲嘉縣。多所俘獲。以獻。又擊新鄉。今衛輝府新鄉縣。虜其將劉黑

闥。建德由是親之。黑闥。漳南人。少驍勇。少去聲。與建德善。後事世充。常竊笑其所為。至是。建德署為將軍。賜爵漢東公。使將奇兵。往來乘間掩擊。將間並去聲。往往克獲而還。

於是世勣說建德曰。曹戴二州。曹今曹州。戴今城武縣。俱屬兖州府。戶口

完實。孟海公竊有其地。海公起大業九年。濟陰人。在曹州。今以大軍取

之。而臨徐兖。則河南可不戰而定矣。建德然之。欲自將。徇河南。將去聲。先遣行臺曹旦等將兵五萬。濟河。世勣以

兵會之。

庚辰。唐武德三年夏五鳳三年。李世勣謀俟建德至河南。掩襲其營。

殺之。冀得其父。并建德土地歸唐。建德久之不至。曹旦在河南。多侵擾。諸賊羈屬者皆怨之。正月。世勣以謀告

中渾賊帥李商胡之母霍氏。中渾在河南懷慶府孟縣西南。霍氏善騎

射。號霍總管。令商胡召旦。偏裨飲。皆殺之。始遣人告世

勤世勣與曹旦連營欲襲之聞已有備遂與郭世恪帥數十騎奔唐建德羣臣請誅李蓋建德曰世勣唐臣為我所虜不忘本朝音潮後同乃忠臣其父何罪遂赦之

五月夏人侵唐幽州唐總管李藝襲擊大破之藝本姓羅已見前唐

武德二年冬賜姓李氏幽州今直隸順天府隋省州入范陽郡唐改郡為縣屬幽州建德大將王

伏寶勇畧冠軍中諸將疾之言其謀反建德殺之伏寶

曰大王奈何聽讒自斬左右手乎

八月唐與夏連和建德遣同安公主隨使者俱還使去聲

十月夏王建德帥眾二十萬攻幽州兵已攀堞薛萬均萬

徹帥敢死士百人從地道出其背擊走之藝乘勝薄其

營建德陳於營中陳去聲填塹而出奮擊大破之逐北至

城下攻之不克而還

初鄭主王世充侵黎陽上年十月建德克黎陽後世充徇地至滑臺兵臨黎陽夏王

建德襲破其殷州以報之即獲嘉之役自是二國交惡鳥路切

信使不通至是唐兵逼洛陽十一月世充遣使求救於

建德使竝去聲夏中書侍郎劉彬曰天下大亂唐得關西鄭

得河南夏得河北共成鼎足之勢今唐舉兵臨鄭鄭地

日蹙唐疆鄭弱勢必不支鄭亡則夏不能獨立矣不如

解仇除忿發兵救之唐師既退徐觀其變建德從之

辛巳唐武德四年夏五鳳四年二月夏王建德擊孟海公禽之

三月夏將程名振降唐唐遙除名振為永年令今廣平府永年縣

唐書作永寧誤

夏王建德悉發孟海公徐圓朗之眾圓朗時已降唐西救

洛陽今河南河南府陷管州及滎陽等縣今開封府鄭州及滎陽縣水陸並

進王世充弟世辨遣兵會之合十餘萬號三十萬軍於

成臯之東原在開封府汜水縣乃遣秦王世民書請退軍潼關

復脩前好世民集將佐議之將去聲皆請避其鋒郭孝恪

曰王世充窮蹙垂將面縛竇建德運糧遠來助之此天

意欲兩亡之也宜據武牢以拒之武牢即虎牢唐避祖諱改作武伺間

而動破之必矣間去聲記室薛收曰收字伯褒道衡子汾陰人世充府

庫充實所將之兵皆江淮精銳但乏糧食耳建德遠來

赴援亦當竭其精銳致效於我若兩寇合從音轉河北

之粟以饋洛陽則戰爭方始混一之期殊未有涯也今

宜分兵守洛陽漢溝高壘勿與戰大王親帥驍銳先據

成臯以逸待勞決可克也建德既破世充自下不過二

旬兩主就縛矣世民善之內史令蕭瑀字時文後梁宣帝孫中書

令封德彝本名倫以字行觀州蔣公屈突通長安人今

安縣皆請退保新安今河南府以承其敝世民曰世充兵

摧食盡可以坐克建德新克海公將驕卒惰吾扼其咽

喉取之甚易將易竝去聲若不速進賊入武牢諸城新附必

不能守兩賊并力其勢必彊何敝之承吾計決矣通等

又請解圍據險以觀其變世民不許中分麾下使通等

副齊王元吉圍守東都自將驍勇三千五百人入武牢

將去以五百騎出覘建德營緣道分留從騎使李世勣

程知節秦叔寶將之知節初名徽金濟州東阿人今兗

州府東阿縣叔寶名瓊齊州歷城人今濟南府歷

城縣○將去聲伏於道旁纔餘四騎偕進謂尉遲敬德

曰敬德名恭善陽人我執弓矢公執槊相隨雖百萬衆

若我何去建德營三里所遇建德游兵世民大呼曰我

秦王也引弓殺其一將去聲建德軍中大驚出五六十騎

逐之世民按轡徐行逡巡稍却以誘之既入伏世勣等

奮擊大破之

建德迫於武牢累月不得進戰數不利累上聲將士思歸

世民又遣輕騎抄其糧運夏祭酒凌敬言於建德曰大

王宐悉兵濟河攻取懷州河陽今懷慶府孟縣使重將守之遂

建旗鼓踰太行山名在山西入上黨今山西徇汾晉今

山西西汾州平今平陽府蒲州趣蒲津今平陽府蒲州蹈無人之境拓地收兵則關

中震懼而鄭圍自解矣建德將從之世充遣使告急使

聲相繼於道又陰以金玉啗建德諸將諸將皆曰凌敬

書生安知戰事建德乃謝敬敬固爭之建德怒令扶出

其妻曹氏曰祭酒之言不可違也今大王乘唐國之虛

連營漸進以取山北建德都洛州在山南并代汾晉皆山北也又因突厥西

抄關中唐必還師自救鄭圍何憂不解若頓兵於此老師費財成功何日建德曰此非女子所知

五月夏王建德悉眾出牛口置陳互二十里陳去聲後同鼓行

而進秦王世民登高望之謂諸將曰賊起山東未嘗見

大敵今度險而囂是無紀律逼城而陳有輕我心我按

兵不出彼氣自衰陳久卒饑擊之必克與公等約過日

中必破之矣建德列陳自辰至午士卒饑倦皆坐列又

爭飲水逡巡欲退世民命宇文士及將三百騎經建德

陳西馳而南上戒之曰賊若不動爾宜引歸動則引兵

東出士及至陳前陳果動世民曰可擊矣自帥輕騎先

進大軍繼之直薄其陳建德方朝羣臣召騎兵使拒唐

兵阻朝者不得過建德揮朝者令却潮竝音朝進退之間唐

兵已至淮南王道玄高祖從父兄子陷陳直出其後復突陳而

歸再入再出飛矢集其身如蝟毛勇氣不衰射人皆應

弦而仆世民給以副馬使從已於是大戰塵埃漲天世

民帥史大奈程知節秦叔寶宇文歆等卷旆而入大奈西突

厥人出其陳後張唐旗幟以上陳竝去聲建德軍大潰建德中槩

墜馬中去聲車騎將軍楊武威禽之世民讓之曰我討世

克何預汝事建德曰今不自來恐煩遠取建德將士皆

潰去。俘獲五萬人。世民卽日散遣，使還鄉里，封德彝入賀。世民笑曰：「不用公言，得有今日，遂囚建德。至洛陽城下，以示世充。世充出降，建德餘衆走至洛州，欲立建德。養子爲主，徵兵拒唐。僕射齊善行曰：『夏王英武，士馬精彊，一朝爲禽，易如反掌。』」易去聲豈非天命有所屬邪？今喪敗如此，喪去聲必無所成，不如委心請命於唐，乃與裴矩曹旦帥百官奉建德妻曹氏及傅國八璽，請降於唐。唐以善行爲秦王左二護軍，唐淮安王神通又徇下山東三十餘州，夏地悉平。七月，秦王世民俘建德獻於太廟，戮之於市。

竇建德諸將居閭里，暴橫爲民患。唐官吏以法繩之，皆驚懼不安。會詔悉徵建德故將，於是范願、高雅、賢等相謂曰：「王世充以洛陽降唐，其將相大臣皆夷滅，吾屬至長安，必不免矣。且夏王得淮安王，遇以客禮，唐得夏王，卽殺之，吾屬皆爲夏王所厚，不爲報仇，無以見天下之士。欲謀作亂，卜之，以劉氏爲主吉，乃之漳南，見故將劉雅。雅辭衆怒，殺之。故漢東公劉黑闥屏居漳南。」屏音餅諸將詣之，以上將並去聲告以其謀。黑闥方種蔬，卽殺耕牛，與之飲。

食定，計聚衆襲漳南縣，據之。是時諸道有事，則置行臺尚書省，無事則罷之。朝廷聞黑闥作亂，乃置山東道行

通鑑本末紀要 卷三十六
臺於洛州以淮安王神通為行臺僕射。

八月黑闥陷郟縣。

郟見前大業七年

魏貝二州刺史與戰皆敗。

黑闥為壇於漳南祭建德告以舉兵之意自稱大將軍。

詔將軍秦武通總管李玄通等擊之。

玄通藍田人今西安府藍田縣又

詔幽州總管李藝引兵會擊。

唐使葛公盛彥師安集河南。

彥師宋州虞城人今河南歸德府虞城縣行至任

城。

今兖州府濟寧州兖州總管徐圓朗執之。

圓朗魯郡人起大業十三年武德二

年七月

降唐。舉兵應黑闥。兖鄆陳杞伊洛曹戴等八州皆應

之。鄆今兖州府東平州陳今陳州杞今杞縣俱屬開封府伊今河南府嵩縣洛今河南府曹戴見前二年

黑闥以圓朗為大行臺元帥。圓朗使彥師作書與其弟。

令舉虞城降。彥師為書曰。吾奉使無狀。為賊所禽。為臣

不忠。誓之以歿。汝善侍吾母。勿以吾為念。圓朗色動。既

而笑曰。盛將軍有壯節。不可殺也。待之如舊。

六年二月。圓朗敗走。

為野人所殺。

唐淮安王神通與李藝合兵。與黑闥戰於饒陽。

今真定府饒陽縣。

敗績。黑闥兵勢大振。

十一月。劉黑闥取唐定州。

今真定府定州。

執總管李玄通。愛其才。

欲以為大將。

去聲。

玄通不可。故吏有以酒肉饋之者。玄通

飲醉。謂守者曰。吾能劔舞。願假吾刀。守者與之。玄通舞

竟。太息曰。大丈夫受國厚恩。鎮撫方面。不能保全所守。

亦何面目視息世間哉引刀自刺而歿

黑闥既破淮安王神通移書趙魏建德故將卒爭殺唐官

吏以應之十二月李世勣走保洛州黑闥追擊破之拔

相黎衛州半歲之間盡復建德故地北連突厥將軍秦

武通刺史陳君賓永年令程名振皆遁歸長安詔秦王

世民齊王元吉討之黑闥又陷邢趙魏莘等州魏今大名府元

城縣莘今東昌府莘縣餘見前

壬午唐武德五年漢東正月劉黑闥自稱漢東王改元

天造都洛州建德時文武悉復本位其設法行政悉師

建德而攻戰勇決過之

三月秦王世民復取相州進軍肥鄉今廣平府肥鄉縣列營於洛

水在廣平府威縣李藝以兵數萬來會黑闥自將拒之使范願

守洛州程名振載鼓六十具於城西隄上急擊之城

中地皆震動范願驚懼馳告黑闥遽還遣兵擊藝大敗洛

水人以城降唐世民遣兵赴之二月黑闥引兵急攻會

大雪救兵不得往八日城陷總管羅士信年二十士信歷城

人黑闥素聞其勇欲生之士信詞色不撓乃殺之未幾

世民復拔洛水黑闥數挑戰數音朔世民堅壁不應別遣

兵絕其糧道黑闥以高雅賢為左僕射軍中高會李世

勣引兵逼其營雅賢乘醉單騎逐之被刺墜馬而歿黑

闔運糧水陸俱進程名振微擊之微音邀沈其舟焚其車

相持六十餘日世民度黑闥糧盡度音鐸必來決戰使人

堰洛水上流戒守吏戰時決之黑闥果帥步騎度洛水

世民軍於水南壓唐營而陳世民自將精騎擊其騎兵破之乘

勝蹂其步兵黑闥歿戰自午至昏不能支遂先遁餘眾

不知猶格戰守吏決堰水大至淡丈餘眾遂大潰黑闥

與范願等奔突厥山東悉平

六月劉黑闥引突厥寇山東尋寇定州七月其故將曹湛

等聚兵應之詔以淮陽王道玄為河北道行軍總管討

之

九月劉黑闥陷瀛洲今河間府進陷鹽州今河間府鹽山縣十月詔齊

王元吉將兵討之淮陽王道玄與黑闥戰於下博今真定府

淡州兵敗為黑闥所殺山東震駭州縣皆復叛附於黑闥

旬日間黑闥盡復故地進據洛州時道玄將兵三萬與

副將史萬寶不協將竝去聲道玄帥輕騎先出犯陣萬寶擁

兵不進由是敗沒時年十九秦王世民淡惜之謂人曰

道玄常從吾征伐見吾淡入賊陣心慕效之以至於此

為之流涕為去聲世民自起兵以來前後數十戰常身先

士卒輕騎淡入雖屢危殆而未嘗為矢刃所傷

十一月齊王元吉畏黑闥兵彊不敢進詔太子建成討黑

黑闥擁兵

而南自相州以北州縣皆附之唯魏州總管田留安勒

兵拒守十二月留安擊破之時山東豪傑多殺長吏以

應黑闥長上聲上下相猜留安獨坦然無疑白事者皆令

直入臥內謂吏民曰吾與爾曹為國禦賊為去聲固宐同

心協力必欲棄順從逆但斬吾首去吏民相戒曰田公

推至誠以待人當共竭死力報之會太子建成與齊王

元吉大軍至昌樂今大名府南樂縣黑闥食盡眾多亡或降遂

遁去

癸未唐武德六年正月黑闥所署饒州刺史諸葛德威黑闥分饒陽為

饒州執黑闥舉城降斬之黑闥臨刑歎曰我幸在家鉏菜

為高雅賢輩所誤至此

幽州總管燕郡王李藝入朝唐以為左翊衛大將軍藝恃功驕

倨至毆帝左右太宗貞觀元年將兵戍涇州懼誅詐稱

奉敕入朝引兵據邠州反統軍楊岌討之藝奔突厥為左右所殺傳首長安

通鑑本末紀要卷之三十六

終

通鑑本末紀要卷之三十七

錦川蔡毓榮仁菴甫編輯 華亭林子卿安國氏註

唐平東都 李密 王世充

癸酉 隋煬帝大業九年 楚公楊玄感 越公楊素子華陰人今陝西西安府華陰

縣 驍勇便騎射好讀書喜賓客海內知名之士多與之

遊蒲山公李密 字玄邃長安人今西安府長安縣 少有才畧 少去聲 志氣

雄遠輕財好士 好竝去聲 為左親侍帝見之謂翊衛大將軍

宇文述曰 述字伯通武川人 向者左仗下黑色小兒瞻

視異常勿令宿衛述乃諷密使稱病自免遂屏人事 屏音

餅專務讀書嘗乘黃牛讀漢書楊素遇而異之 素字處道官司

徒與語大悅謂玄感等曰汝等不及也由是玄感與為

淡交時或侮之密曰若決機兩陣之間喑啞咄嗟使敵

人震懾密不如公驅策天下賢俊各申其用公不如密

豈可以階級稍崇而輕天下士大夫邪音耶後同玄感笑而

服之玄感知帝常心銜楊素時素雖已卒而內不自安

帝嘗謂近臣曰楊素不歿終當族滅會帝伐高麗命玄感督運黎陽在直隸大

名府濬縣西玄感與虎賁郎將王仲伯等謀逗留漕運不時

進發欲令度遼諸軍乏食六月遂入黎陽作亂治書侍

御史游元正色曰元字楚客明根孫廣平任城人今直隸廣平府任縣尊公荷國

寵靈荷去聲近古無比公之兄弟青紫交映當竭誠盡節

以報鴻恩豈意墳土未乾親圖反噬僕有歿而已不敢

聞命玄感囚之不屈而歿先是玄感陰使召李密及弟

玄挺於長安及舉兵密適至玄感大喜問計密曰天子

出征遠在遼外去幽州猶隔千里公擁兵出其不意長

驅入薊幽州今直隸順天府薊今順天府薊州隋為玄州高麗聞之必躡其後

不過旬日資糧皆盡其眾不降則潰降戶江切後同可不戰而

禽此上計也玄感曰更言其次密曰關中四塞天府之

國雖有衛文昇不足為意文昇名玄以字行洛陽人今河南河南府洛陽縣今

帥眾鼓行而西經城勿攻直取長安據險而守之天子

雖還失其根本可徐圖也玄感曰更言其次密曰簡兵

倍道襲取東都。謂洛陽。以號令四方。但恐先已固守。若引

兵攻之。百日不克。天下之兵四面而至。非僕所知也。玄

感曰。不然。今百官家口。並在東都。若先取之。足以動其

心。且經城不拔。何以示威。公之下計。乃上策也。遂引兵

向洛陽。玄感每誓眾曰。我身為上柱國家。累鉅萬金。累上

聲。至於富貴。無所求也。今不顧滅族者。但為天下倒懸

之急耳。為去聲。眾皆悅。父老爭獻牛酒。子弟詣軍門請自

效者。日以千數。越王侗與留守民部尚書樊子蓋等勒

兵為備。侗。元德太子昭子。煬帝孫。子蓋。字華。宗。廬江人。今江南廬州府廬江縣。子蓋新自

外藩入為京官。子蓋自涿郡留守。入為東都留守。東都舊宦多忽之。部

分軍事。分扶問切。未甚稟承。贊治裴弘策討賊失利。贊治。位次留守。

子蓋更使出戰。不肯行。斬之以徇。國子祭酒楊汪小有

不恭。汪。字元度。華陰人。子蓋又將斬之。汪頓首流血。乃免。於是

將吏震肅。將去聲。令行禁止。玄感攻城不能克。代王侑使

刑部尚書衛文昇救東都。至華陰。掘楊素冢。焚其骸骨。

鼓行出殽澠。殽關。在陝州澠水。在河池縣。俱屬河南府。直趣東都城。北屯於

金谷。石崇園舊址。在河南府城西。

遼東城久不拔。會玄感反。書至。帝大懼。引軍還。遣左翊衛

大將軍宇文述。左候衛將軍屈突通等擊玄感。通。長安人。右

驍衛大將軍來護兒。字崇善。江都人。今江南揚州府江都縣。將自東萊入

海趣平壤東萊今山東萊州府平壤即高麗國都聞玄感圍東都召諸將

議旋軍救之諸將咸以無救不宐擅還二將字竝去聲還音旋護

兒曰洛陽被圍心腹之疾高麗逆命猶疥癬耳公家之

事知無不為專擅在吾不關諸人即日回軍令子弘整

馳驛奏聞帝已敕護兒救東都見弘整甚悅衛文昇

以步騎二萬度漣水與玄感戰玄感屢破之漣水出洛陽縣穀城

山東流入於洛玄感每戰身先士卒又善撫悅其下皆樂為致

死樂音洛每戰多捷眾至十萬文昇眾寡不敵死傷且盡

乃更屯邙山之陽一日十餘戰北邙山在洛陽縣北會楊玄挺中

流矢死中去聲玄感軍稍却

初玄感至東都自謂天下響應功在旦夕得內史舍人韋

福嗣東都兵敗為玄感所獲委以心膂不專任李密福嗣每畫策

皆持兩端密揣知其意謂玄感曰福嗣本非同盟實懷

觀望明公必為所誤請斬之玄感曰何至於此密退謂

所親曰楊公好反而不欲勝好去聲吾屬今為虜矣屈突

通引軍屯河陽今河南懷慶府孟縣宇文述繼之玄感問計於李

子雄隋右武侯大將軍坐事除名從軍自效子雄曰通

為煬帝所疑令鎖送行在逃奔玄感

曉習兵事若得度河勝負難決不如分兵拒之使不得

濟玄感然之樊子蓋知其謀屢擊其營玄感不得往通

遂濟河軍於破陵在孟縣南岸洛陽東北玄感分為兩軍東拒通

西抗文昇子蓋復出兵大戰玄感屢敗李子雄請直入

關中開永豐倉以賑貧乏倉在華陰縣三輔可指麾而定據

有府庫東面而爭天下亦霸王之業也李密曰弘化留

守元弘嗣弘化今陝西慶陽府擁彊兵在隴右可聲言其反遣使

迎公使去聲因此入關可以給眾玄感解東都圍引兵西

趣潼關在華陰東弘農太守蔡王智積曰弘農今河南府陝州智積隋高祖從

子玄感聞大軍將至欲西圖關中若成其計則難克也

當以計縻之使不得進不出一旬可以成禽玄感軍至

智積登陴詈之玄感怒留攻之李密諫曰公今詐眾西

入軍事貴速况乃追兵將至安可稽留若前不得據關

退無所守大眾一散何以自全玄感不從攻之三日不

拔乃引而西至閩鄉今河南府閩鄉縣潼關在其西陝州在其東也宇文

述衛文昇來護兒屈突通諸軍追及之於皇天原在閩鄉縣

西南東漢祭天之處玄感且戰且行一日三敗八月諸軍擊之玄

感大敗與弟積善徒步走自度不免度音鐸令積善殺已

積善抽刀斫之因自刺不效為追兵所執與玄感首俱

送行在所磔玄感尸東都市三日鬻而焚之韋福嗣亡

詣東都自首去聲與楊積善李密等竝鎖送行在所密與

王仲伯等出所齎金以示使者曰吾等死日此金付公

幸用相瘞餘以報德使者防禁漸疎使去聲至魏郡今大名府

醉防守者而逸。密呼福嗣同去。福嗣自言無罪。天子不
過一面責我耳。帝先得福嗣書草。福嗣至。以示之。與積
善俱車裂。鬻解於市。

子丙十二年。李密之亡也。困乏。至削樹皮而食之。匿於淮

陽村舍。淮陽。今河南開封府陳州。變姓名聚徒教授。郡縣疑而捕之。

密亡去。抵其妹夫雍丘令丘君明。雍丘。今開封府杞縣。君明轉寄

於游俠王秀才家。為君明從姪。懷義所告。帝令懷義與

梁郡通守楊汪捕之。梁郡。在河南歸德府。汪遣兵圍秀才宅。值密

出外獲免。韋城翟讓。今大名府滑縣有韋城。為東郡法曹。東郡治滑縣。

坐事當斬。獄吏黃君漢奇其驍勇。夜謂讓曰。天時人事。

抑亦可知。豈能守死獄中乎。破械出之。讓再拜曰。讓蒙

再生之恩。則幸矣。奈曹主何。因泣下。君漢怒曰。本以公

為大丈夫。可救生民之命。故不顧其死。以奉脫。奈何反

效兒女子。涕泣相謝乎。君但努力自勉。勿憂吾也。讓遂

亡命於瓦岡。為羣盜。瓦岡。在東郡界。同郡單雄信。唐書雄信。曹州濟陰人。在

山東兗州府曹縣。驍健善馬槊。徐世勣年十七。有勇畧。皆從之。

世勣。字懋功。曹州離狐人。故城在曹縣。密自雍丘亡命。因濟陽賊帥王伯

當以見讓。為讓畫策。為去聲。說諸小盜。皆下之。說音稅。讓後同。

悅。諸帥相謂曰。今人皆云楊氏將滅。李氏將興。吾聞王

者不滅。斯人再三獲濟。豈非其人乎。由是漸敬密。密說

讓曰。劉項皆起布衣為帝王。今主昏於上。民怨於下。銳兵盡於遼東。和親絕於突厥。方乃巡遊揚越。委棄東都。此亦劉項奮起之會也。以足下雄才大畧。士馬精銳。席卷二京。誅滅暴虐。隋氏不足亡也。讓謝曰。吾儕偷生草間。君言非所及也。有李玄英者。自東都逃來。求訪李密。云斯人當代隋家人。問其故。玄英言比來民間謠歌曰。桃李子。皇后繞揚州。宛轉花園裏。勿浪語。誰道許桃李。子謂逃亡者李氏子也。皇與后皆君也。宛轉花園裏。謂天子在揚州無還日。將轉於溝壑也。莫浪語。誰道許者。密也。既與密遇。遂委身事之。讓見密為豪傑所歸。欲從

其計。密說讓先取滎陽。

今開封府滎陽縣

休兵館穀。待士馬充

肥。然後與人爭利。讓從之。於是破金隄關。

通鑑胡注云。當在滎陽界。

攻滎陽諸縣。多下之。十月。帝徙張須陁為滎陽通守。以

討之。

須陁。閩鄉人。滎陽郡。在開封府鄭州。

讓聞其來。大懼。密曰。須陁勇而

無謀。兵又驟勝。既驕且狠。可一戰禽也。分兵千餘人伏

林間。須陁方陣而前。讓與戰。不利。須陁乘之。逐北十餘

里。密發伏掩之。須陁兵敗。戰死。部兵號泣數日。

號平河

南郡縣為之喪氣。

為喪。並去聲。

讓乃令密建牙。

大將軍門。曰牙門。

別

統所部。號蒲山公營。密部分嚴整。

分扶問切。

凡號令士卒。雖

盛夏。皆如背負霜雪。躬服儉素。所得金寶。悉頒賜麾下。

於是人爲之用。

丁丑十三年恭帝侑義寧元年二月李密說翟讓曰洛口倉

多積粟將軍若親帥大軍輕行掩襲發粟以賑窮乏遠

近莫不歸附百萬之衆一朝可集遂將精兵七千人將去

襲興洛倉破之在河南府鞏縣開倉恣民所取老弱襁負道

路相屬箕山府郎將張季珣京兆人固守不下隋置箕山

守洛口倉密衆數十萬季珣所領不過數百人四面阻絕誓

以必死會糧盡水竭士卒羸病一無離叛至八月而城

陷季珣見密不肯拜曰天子爪牙何容拜賊誘諭終不

屈死之祖君彥珽之子也珽字孝徵范陽人在順天府涿州珽事見三十四卷

周滅齊博學彊記文詞瞻敏吏部侍郎薛道衡嘗薦之於

高祖道衡字玄卿汾陰人在山西平陽府榮河縣高祖曰是歌殺斛律明月

人兒邪朕不須此輩周韋孝寬憚齊斛律光密爲謠言傳之於鄴祖珽因續之齊遂殺光

見周滅齊煬帝卽位尤疾其名調宿城令君彥恆鬱鬱

思亂密得之喜引爲上客以爲記室

越王侗遣虎賁郎將劉長恭等討密時東都人皆以密爲

饑賊盜米烏合易破爭來應募衣服鮮華旗鼓甚盛長

恭等當其前使河南討捕大使裴仁基等帥所部自汜

水西入以掩其後仁基字德本河東人汜水今開封府汜水縣○下使字去聲

於倉城密具知其計長恭等兵先至士卒未朝食朝如字

驅渡洛水陳於石子河西石子河在鞏縣西北入洛即水經注洞水○陳去聲下同

密選驍騎十餘隊令四隊伏嶺下以六隊陳於石子河

東長恭等與翟讓戰密帥麾下橫衝之隋兵饑疲遂大

敗密威聲大振讓乃推密為主上密號魏公稱元年密

拜讓為上柱國司徒東郡公於是趙魏以南江淮以北

羣盜響應眾至數十萬築洛口城方四十里而居之在

南府城東百三十里鞏縣西密遣其長史房彥藻東畧地取安陸汝

南淮安濟陽安陸今湖廣德安府汝南今河南汝寧府淮安今河南南陽府唐縣濟陽與濟陰廢

縣皆在曹縣界河南郡縣多陷於密

討捕使裴仁基每破賊得軍資悉以賞士卒監軍御史蕭

懷靜不許士卒怨之又屢求仁基短長劾奏之倉城之

戰仁基失期不至恐獲罪李密使人說之賈閏甫勸仁

基降密閏甫河東人在平陽府蒲州仁基曰如蕭御史何閏甫曰蕭

君如栖上雞若不知機變在明公一刀耳四月仁基遣

閏甫詣密請降密以閏甫為參軍使復命仁基還屯虎

牢在汜水縣西北蕭懷靜密表其事仁基殺之以虎牢降密仁

基子行儼驍勇善戰密皆以為上柱國郡公密得秦叔

寶叔寶名瓊以字行與羅士信皆齊州歷城人為張須陁將須陁為密所敗故得之歷城今山東濟南府歷

城及東阿程徽金東阿今兗州府東阿縣徽金後更名知節○阿於何切徽俗作咬皆

以為驃騎選軍中尤驍勇者八千人分隸四驃騎號曰

內軍常曰此八千人足當百萬羅士信趙仁基皆帥眾歸密密署為總管使各統所部密遣裴仁基等襲破回洛東倉遂燒天津橋在河南府西南縱兵大掠東都兵擊敗之密還洛口

東都城內乏糧而布帛山積至以絹為汲綆然布以爨然燒

也越王侗使人運回洛倉米入城為九營以備密既而

汝陰淮陽降密汝陰在江南鳳陽府潁州密復據回洛倉大脩營塹

以逼東都遂移檄郡縣數煬帝十罪數上聲且曰罄南山

之竹書罪無窮決東海之波流惡難盡祖君彥之辭也

越王侗遣太常丞元善達詣江都告急帝怒使向東陽

催運東陽今浙江金華府為羣盜所殺是後人莫敢以賊聞

五月帝命將軍龐玉涇陽人今西安府涇陽縣郎將霍世舉將關內兵

援東都密護軍柴孝和說密曰孝和隋鞏縣長降密秦地山川之

固秦漢所憑以成王業也今不若使翟司徒守洛口裴

柱國守回洛司徒翟讓柱國仁基也明公自簡精銳西襲長安然

後東向以平河洛傳檄而天下定矣不早為之必有先

我者悔之無及密曰此誠上策但我兵皆山東人見洛

陽未下誰肯從我西入諸將出於羣盜留之各競雌雄

如此則大業墮矣墮許規切孝和乃自請間行觀釁間去聲至

陝縣今陝州山賊歸之者萬餘會密為流矢所中去聲越王

通鑑本末紀要 卷三十一
侗使留守光祿大夫段達與龐玉等夜出擊之密大敗
棄回洛奔洛口孝和眾散輕騎歸密

六月李密復帥眾向東都大戰於平樂園密左騎右步中
列疆弩鳴千鼓以衝之東都兵大敗密復取回洛倉

九月武陽郡丞元寶藏以郡降李密

武陽在大名府魏縣

密以為上

柱國寶藏使其客魏徵為啓謝密

徵字玄成魏州下曲陽人在直隸真定府

晉州密喜即以寶藏為魏州總管徵少孤貧好讀書

好去聲

有大志落拓不事生業始為道士寶藏使典書記密愛

其文辭召為記室

初貴鄉長魏德淡

貴鄉今大名府元城縣德淡弘

農人為政清靜不嚴而治遼東之役徵稅百端民不堪命

唯貴鄉閭里不擾有無相通不竭其力所求皆給元寶

藏受詔搦賊數調器械

數音朔

動以軍法從事鄰城官吏

盡夜督責猶不能濟德淡聽隨便脩營官府寂然恆若

無事唯戒吏以不須過勝餘縣使百姓勞苦然民各自

竭心常為諸縣之最民愛之如父母寶藏害其能遣將

千兵赴東都

將去聲

所領兵聞寶藏降密思其親戚輒出

都門東向慟哭而返或勸之降密皆泣曰我與魏明府

同來何忍棄去

河南山東大水餓莩滿野詔開黎陽倉賑之

在大名府濬縣大伾山北

麓吏不時給歿者日數萬人徐世勣勸密取之密遣世

勤襲據黎陽倉開倉恣民就食浹旬間得勝兵三十餘萬泰山道士徐洪客獻書於密以爲大眾久聚恐光盡人散師老厭戰難以成功當乘進取之機因士馬之銳沿流東指直向江都執取獨夫號令天下密壯而招之洪客竟不出莫知所之

帝遣江都通守王世充等討李密

世充字行滿本姓支父收隨母嫁王氏遂冒其

姓西域胡人

諸軍皆受世充節度十月世充擊密於洛北密

兵大敗柴孝和溺歿密帥精騎度洛南餘衆東走月城

臨洛水築偃月城與倉城相應

世充追圍之密引兵直趣世充營營中

懼連舉六烽世充狼狽自救密還破之十一月世充與

密戰於石子河敗績

翟讓司馬王儒信勸讓自爲大冢宰總統衆軍以奪密權

讓不從讓兄弘曰天子汝當自爲奈何與人汝不爲者

我當爲之讓但大笑不以爲意密聞而惡之

惡鳥路切讓嘗

謂密左長史房彥藻曰君前破汝南大得寶貨獨與魏

公全不與我魏公我之所立事未可知彥藻懼與左司

馬鄭頰說密圖讓

頰以監察御史降密

密乃置酒召讓讓與弘及

兄子長史摩侯同詣密既坐彥藻白密曰天時甚寒司

徒左右請給酒食乃引讓左右盡出獨密下壯士蔡建

德持刀立侍食未進密出良弓與讓習射讓方引滿建

德自後斫之踏地聲如牛吼并弘摩侯皆殺之右武侯
大將軍徐世勣走出門者斫之傷頸王伯當遙訶止之
單雄信叩頭請命密釋之左右驚擾密撫諭之親為世
勣傅瘡又使左武侯大將軍單雄信宣慰讓眾密因獨
騎入其營歷加撫勞去聲令琅琊公王伯當及雄信世勣
分領之中外遂定讓殘忍儒信貪縱摩侯猜忌故歿之
日所部無哀之者然密之將佐將去聲始有自疑之心矣
始王世充知讓與密必不久睦冀其相圖得而乘之及
聞讓歿大失望歎曰李密天資明決為龍為蛇固不可
測也

十二月王世充軍士有亡降李密者密問世充軍中何所

為對曰比見益募兵

比音庫

再饗將士

將去聲

不知其故密

謂裴仁基曰吾幾落奴度中光祿知之乎

仁基自光祿大夫為討捕

使吾久不出兵世充芻糧將竭求戰不得故募兵饗士

欲乘月晦以襲倉猝耳乃命平原公郝孝德

平原在濟南府德州

孝德本平原賊帥起德州

琅琊公王伯當齊郡公孟讓

齊郡今濟南府讓本鄒平

賊起濟南府鄒平縣

勒兵分備之其夕世充兵果至敗還

戊寅

隋恭帝侑義寧二年唐高祖李淵武德元年

恭帝侑皇泰元年魏公密二年

正月越王

侗以兵七萬益王世充擊李密於洛北敗之遂屯鞏北

造浮橋度洛擊密橋成者先進前後不一密帥敢歿士

乘之世充大敗僅免洛北諸軍皆潰密進據金墉城在河

南府東擁兵三十萬陳於北邙南逼上春門光祿大夫段

達民部尚書韋津出兵拒之達望見密兵盛懼而反走

密乘之軍潰津歿於是偃師柏谷河陽河內皆降於密

偃師今河南府偃師縣柏谷在河南府靈長樂王竇建

寶縣河內今懷慶府河內縣河陽見前德等竝遣使奉表勸進建德以大業九年起據樂壽在

河間府獻縣○樂音洛使去聲

密曰東都未平未可議此

三月隋宇文化及弑煬帝於江都立秦王浩化及下令欲

還長安密據鞏洛以拒之化及不得西

五月越王侗即帝位於東都時東都聞化及西來上下震

懼有蓋琮者上書請說密與之合勢以拒化及隋主從

之密方東拒化及畏東都議其後琮至大喜遂上表乞

降請討化及以贖罪六月隋主冊拜密為太尉尚書令

東南道大行臺行軍元帥封魏公

初東郡通守王軌降化及軌太原祁人今山至是化及食

盡入汲郡今河南又遣使拷掠東郡吏民使去以責米

粟軌等不堪詣密請降房公蘇威在東郡亦詣密降威

無畏武功人今密虚心禮之威初不言帝室艱難唯再

西安府武功縣三舞蹈稱不圖今日復覩聖明時人鄙之時內史令元

文都盧楚等文都洛陽人喜於和解置酒作樂音王世

充作色曰。朝廷官爵。乃以與賊。志欲何為邪。文都等亦疑世充。由是有隙。

李密每戰勝。輒使告捷於隋。隋人皆喜。王世充獨曰。文都輩。刀筆吏耳。必為李密所禽。且吾軍士屢與密戰。殺其父兄子弟。前後已多。一旦為之下。吾屬無類矣。欲以激怒其眾。文都懼。七月。謀因世充入朝。音潮伏甲誅之。段

達以告世充。世充夜勒兵襲含嘉門。文都奉隋主御殿。閉門拒守。世充攻太陽門入。殺盧楚。隋主使人問世充。稱兵何為。世充下馬謝曰。元文都盧楚橫見規圖。請殺文都。甘從刑典。段達使人執送文都。隋主慟哭遣之。世

充殺之。段達開門納世充。世充悉遣人代宿衛者。乃入見謝曰。文都等欲召李密以危社稷。疾臣違異。深積嫌猜。迫於救死。不暇奏聞。因被髮為誓。被音披詞淚俱發。隋

主以為誠。詔為左僕射總督中外諸軍事。世充移居尚書省。使兄世暉入居禁中。子弟咸典兵馬。分政事為十頭。悉以其黨主之。隋主拱手而已。

魏公密將入朝。至溫。聞變而還。初密獲祭酒徐文遠。名曠以字

行東海郟人。今兖州府郟城縣。以嘗受業。備弟子禮。北面拜之。文遠曰。

將軍之志。欲為伊霍以繼絕扶傾。則老夫雖遲暮。猶願盡力。若為莽卓。則無所用老夫矣。密頓首曰。願竭庸愚。

通鑑本末紀要 卷三十一
康濟國難去聲此密之本志也。文遠曰：將軍名臣之子，失

途至此。密父寬為周將，以驍勇著名。若不遠而復，猶不失為忠義之

臣。密頓首受教。至是密復問計。文遠曰：世充亦門人也。其人殘忍褊隘，既乘此勢，必有異圖。將軍前計為不諧矣。非破世充，不可入朝也。

魏公密既殺翟讓，頗自驕矜，不恤士眾。倉粟雖多，無府庫。錢帛戰士有功，無以為賞。又厚撫初附之人，眾心頗怨。開洛口倉散米，無防守文券，取之者隨意多少。或離倉之後，力不能致，委棄衢路。自倉城至郭門，米厚數寸。羣盜來就食者，近百萬口。淘米洛水，兩岸十里之間，粲如

白沙。密喜謂賈閏甫曰：此可謂足食矣。閏甫對曰：國以

民為本，民以食為天。今民所以襁負如流而至者，以所

天在此故也。而有司曾無愛吝，屑越如此。屑越，輕棄也。切恐

一旦光盡，民散。明公孰與成大業哉！九月，王世充簡精

兵擊密。密使王伯當守金墉，右長史邴元真守洛口。自

引兵出偃師，阻邙山以待之。裴仁基曰：世充悉眾而來，

洛陽必虛，可分兵守其要路，令不得東。簡精兵三萬，徬

河西出以逼東都。世充還，我且按甲。世充再出，我又逼

之。則我有餘力。彼勞奔命，破之必矣。密初然之。既而諸

將欲戰者眾。密又從之。仁基苦爭不得。將爭，竝去聲。魏徵亦

言於長史鄭頰曰。今世充乏食。志在歿戰。不可與爭鋒。不如深溝高壘以拒之。不過旬月必退。追而擊之。蔑不勝矣。頰曰。此老生之常談耳。徵曰。此乃奇策。何謂常談。拂衣而起。密輕世充。不設壁壘。世充夜遣兵伏谿谷中。命軍士秣馬蓐食。早食於寢蓐間也。遲明薄密。密出兵應之。未及成列。世充縱兵擊之。又先索得一人。貌類密者。縛而匿之。戰方酣。使牽過陣前。諜曰。已獲李密矣。士卒皆呼萬歲。伏兵乘高馳下。密衆大潰。馳奔洛口城。邴元真已遣人潛引世充矣。單雄信亦降於世充。元真故縣吏。坐讓薦以爲長史。密不得已用之。未嘗使預謀畫。或勸密殺之。元真知之。故叛。雄信驍捷善馬。槩軍中號曰飛將。

房彥藻以雄信輕於去就。勸密除之。密愛其材不忍。至是果叛。密將如黎陽。或曰。殺翟讓時。徐世勣幾歿。今失利就之。安可保乎。密欲南阻河。

北守太行。東連黎陽。以圖進取。諸將不欲。遂與王伯當

降於唐。從密入關者二萬人。其餘將帥州縣。將帥並去聲。多

降於隋。密將至。唐遣使迎勞。相望。使勞並去聲。密喜曰。我擁

衆百萬。解甲歸唐。比於竇融。功亦不細。竇融歸漢。見十一卷。光武中興。

豈不以台司見處乎。處上聲。十月。至長安。拜光祿卿。上柱

國。賜爵邢國公。密大失望。唐主甚親禮之。常呼爲弟。以

舅子獨孤氏妻之。唐高祖母元貞皇后爲獨孤氏。○妻去聲。

隋以王世充爲太尉尚書令。開太尉府。置官屬。徐文遠

復入東都見世充必先拜或問曰君倨見李密而敬王公何也文遠曰魏公君子也能容賢士王公小人也殺故人吾何敢不拜

唐秦王世民平薛舉還

舉汾陰人起大業十三年據天水在陝西鞏昌府秦州號西秦稱帝

唐主使李密迎於幽州

今西安府邠州

密自恃智畧功名見唐

主猶有傲色及見世民不覺驚服私謂吏部侍郎殷開

山曰真英主也不如是何以定禍亂乎

開山名嶠以字行京兆鄠人今

西安府鄠縣

徐世勣據李密舊境未有所屬魏徵隨密至長安久不為

朝廷所知乃自請安集山東唐主以為祕書丞乘傳至

黎陽

黎陽見前

遺徐世勣書勸之早降世勣遂決計西

向謂長史郭孝恪曰

孝恪許州陽翟人在開封府禹州

長上聲此民衆土

地皆魏公有也吾若上表獻之是利主之敗自為功以

徼富貴也吾實恥之今空籍郡縣戶口士馬之數以啓

魏公使自獻之乃遣孝恪詣長安唐主聞世勣使者至

使去聲

無表止有啓與密甚怪之孝恪具言世勣意唐主

乃歎曰徐世勣不倍德不徼功真純臣也賜姓李

徼竝音邀

後同

李密驕貴日久又自負歸國之功朝廷待之不副本望鬱

鬱不樂

音洛

左武衛大將軍王伯當亦怏怏因謂密曰天

下事在公度內耳。今東海公在黎陽。

密封徐世勣東海公。襄城公

在羅口。

密將張善相時在襄城。今開封府襄城縣羅口在其北。

河南兵馬屈指可

計。豈得久如此也。密大喜。乃獻策於唐主曰：山東之眾

皆臣故時麾下。請往收而撫之。憑藉國威。取王世充如

拾地芥耳。乃以王伯當為密副而遣之。密請與賈閏甫

偕行。許之。十二月。長史張寶德預在行中。恐密亡去。罪

相及上封事言其必叛。唐主意中變。敕密入朝。更受節

度。密欲據桃林以叛。

桃林在河南府靈寶縣西。

謀於賈閏甫。閏甫曰：

主上待明公甚厚。況國家姓名著在圖讖。任瓌史萬寶

據熊穀二州。

熊州在宜陽縣。穀州在新安縣。並屬河南府。

此事朝舉。彼兵夕

至。雖破桃林。兵豈暇集。為明公計。不若且應朝命。以明

原無異心。密怒曰：唐使吾與絳灌等列。

韓信。蓋與絳灌等列。謂絳侯周

勃及灌嬰也。

吾何以堪之。且讖文之應。彼我所共。今不殺我。

聽我東行。足明王者不歿。公吾之心腹。何意如是。閏甫

泣曰：自翟讓受戮之後。人皆謂明公棄恩忘本。今日奔

亡甫爾。誰肯以所有之兵。束手委公。大福不再。願熟思

之。密大怒。揮刃欲擊之。閏甫奔熊州。王伯當亦諫止之。

不聽。伯當曰：義士不以存亡易心。然恐終無益也。密遂

入據桃林縣。驅掠徒眾。直趣南山。乘險而東。遣人馳告

故將伊州刺史張善相。

伊州在河南府嵩縣。善相許州襄城人。

以兵應接。

行軍總管盛彥師率眾踰熊耳山彥師宋州虞城人今歸德府虞城縣時彥

師與史萬寶鎮熊州南據要道今弓弩夾路乘高刀盾

伏於谿谷令之曰俟賊半度一時俱發或問曰密欲向

洛州而公入山何也彥師曰密聲言向洛實欲走襄城

就張善相耳伊州舊屬襄城郡若賊入谷我自後追之山路險

隘一夫殿後嚴丁甸切必不能制今我先得入谷禽之必矣

密果踰山南出彥師擊斬之及伯當俱傳首長安李世

勣在黎陽唐主遣使以密首示之使去聲世勣北面號勦

號平聲表請收葬詔歸其屍世勣舉軍縞素葬之密素得

士心哭之者無不歐血善相亦降於唐武德二年四月王世充陷伊州

善相
歿之

己卯隋恭帝侗皇泰二年唐武德二年正月王世充悉取隋

朝顯官名士為太尉府官屬杜淹戴胄皆與焉淹字執禮京兆

杜陵人在西安府咸寧縣胄字玄胤相州安陽人今河南彰德府安陽縣世充立三牌

於府門外一求文學才識堪濟時務者一求武勇智畧

能摧鋒陷敵者一求身有冤滯壅抑不申者於是上書

陳事者日數百世充悉引見躬自省覽殷勤慰諭然終

無所施行下至廝養世充皆以甘言悅之而實無恩施

隋馬軍總管獨孤武都為世充所親任其從弟司隸大

夫機與步兵總管劉孝元等謀召唐兵使崔孝仁說武

都曰王公徒為兒女之態以悅下愚而鄙隘貪忍不顧親舊豈能成大業哉唐起晉陽奄有關內兵不留行英雄景附且坦懷待物舉善責功不念舊惡據勝勢以爭天下誰能敵之今任管公兵近在新安任壞封管國公以穀州刺史鎮新安新若遣間使召之間使竝去聲吾曹為內應事無不集矣武都從之事泄世充皆殺之

隋王世充以秦叔寶程知節為將軍待之皆厚然二人疾

其多詐知節謂叔寶曰王公器度淺狹多妄語好咒誓

好去聲乃老巫媪耳豈撥亂之主乎閏二月世充侵唐穀

州戰於九曲在左陽縣東穆天子傳天子西征升於九阿者即此叔寶知節以數

十騎西馳百許步下馬拜世充曰僕荷公殊禮荷去聲淡

思報效公猜忌信讒非僕託身之所請從此辭遂躍馬

降唐秦王世民厚禮之以叔寶為馬軍總管知節為左

三統軍既而將軍李君羨田留安亦惡世充之為人君羨

洛州武安人今彰德府武安縣留安齊州臨邑人今濟南府臨邑縣○惡烏路切帥眾降唐世

民引君羨置左右以留安為右四統軍義寧元年唐高祖建大將軍府

置左右各三統軍各統軍一人秩正四品左屬世子建成右屬秦王世民四統軍其後所增置也

初王世充既殺元盧慮人情未附猶媚事隋主又請為劉

太后假子號曰聖感皇太后既而漸驕橫去聲嘗食於宮

中還家大吐疑為遇毒自是不復朝謁又使人獻印及

通鑑本末紀要 卷三十一
劔許言河水清欲以耀衆爲已符瑞其寇穀州也外示
攻取實召文武議受禪李世英曰四方所以奔馳歸附
東都者以公能中興隋室故也今九州之地未清其一
遽正位號恐遠人皆思叛去矣外兵曹參軍戴胄曰君
臣猶父子也休戚同之明公竭忠徇國則國家俱安矣
世充皆詭辭稱善及議九錫胄復固諫世充怒出胄爲
鄭州長史使段達等言於隋主隋主曰鄭公近平李密
已拜太尉自是以來未有殊績俟天下稍平議之未晚
達曰太尉欲之隋主熟視達曰任公達等遂稱詔命世
充爲相國進爵鄭王加九錫世充奉表三讓納言蘇威

年老不任朝謁世充以威隋氏重臣欲以眩耀士民每
勸進必冠威名及受殊禮扶威置百官之上然後南面
正坐受之冠去聲

東都道士桓法嗣獻孔子閉房記於王世充言當代隋世
充大悅以爲諫議大夫乃羅取襍鳥書符命繫頸而縱
之有得鳥來獻者亦拜官爵四月令長史韋節楊續太
常博士孔穎達造禪代儀穎達字仲達冀州衡水人今真定府衡水縣遣段

達雲定興等請隋主禪讓隋主怒曰公等或祖禰舊臣
或台鼎高位既有斯言朕復何望顏色凜冽在廷者皆
流汗世充遂稱隋主命禪位於鄭幽隋主於含涼殿雖

有三表陳讓及敕書敦勸隋主皆不之知世充遂即帝位改元開明奉隋主為潞國公以蘇威為太師段達為司徒韋節楊續等皆進位有差又宐切又以國子助教吳

人陸德明為漢王師德明名元朗江南蘇州府吳縣人世充封子玄恕為漢王令玄

恕就其家行束脩禮德明恥之故服巴豆散對之遺利

竟不與語世充聽朝殷勤慰諭言詞重複千端萬緒百

司疲於聽受御史大夫蘇良諫曰陛下語太多而無領

要計云爾即可言計畫如是便可行之何煩許辭也世充默然終

不能改又於闕下及諸門皆設榻坐親受章表或輕騎

遊歷衢市亦不清道以示親民又令西朝堂納冤抑東

朝堂納直諫於是獻書上策者日以百數條流既煩省

覽難徧數日不復更出

五月鄭主世充以禮部尚書裴仁基左輔大將軍裴行儼

有威名忌之仁基父子知之乃與尚書左丞宇文儒童

等謀殺世充復立隋主事泄皆夷三族齊王世暉言於

世充曰儒童等謀反正為隋主尚在故也不如早除之

五月世充遣人酖之隋主請與太后訣不許乃布席禮

佛曰願自今以往不復生帝王家飲藥不能絕以帛縊

殺之謚曰恭皇帝

初羅士信從李密擊世充兵敗被獲世充厚禮之與同寢

食及得邴元真等。待之如士信。士信恥之。七月降唐。唐以爲陝州道行軍總管。

冬鄭主世充徇地至滑臺。今滑縣唐汴亳州降之。汴今開封府。亳今鳳陽府。壽州今鳳陽府。

陽府初唐遣祕書監夏侯端安撫淮左。端壽春人。今鳳陽府壽州。行至譙州。卽亳州。唐初爲譙。後改亳。會汴亳降鄭。還路遂絕。端素得衆

心。所從二千人。雖糧盡。不忍委去。餒死及遇賊奔散。唯

存五十二人。時河南皆入於世充。唯杞州總管李公逸

杞州治雍丘。今杞縣。公逸雍丘人。大業十二年。以才雄爲衆所歸。始附世充。策其必敗。是年閏二月歸唐。拜杞州總

管。爲唐堅守。爲去聲。遣兵迎端。館給之。世充遣使召端

解衣遺之。遺去聲。送除書以端爲淮南郡公。端對使者焚

書毀衣曰。夏侯端天子大使。使竝去聲。豈受王世充官乎。因

解節旄懷之。晝夜兼行。得達宜陽。從者墜崖溺死。爲虎

狼所食者。又喪其半。喪去聲。詣闕但謝無功。不言艱苦。唐

復以爲祕書監。

鄭主世充攻雍丘。李公逸遣使求救。使去聲。唐主以隔賊境

不能救。公逸留其屬李善行守雍丘。善行公逸族弟。杞州刺史。身帥

輕騎入朝。爲世充所獲。世充曰。卿越鄭臣唐。其說安在。

公逸曰。我於天下。唯知有唐。不知有鄭。世充怒。殺之。善

行亦沒。

庚辰唐武德三年王世充將帥州縣降唐者相繼。世充峻

鄭開明二年

其法一人亡叛舉家就戮父子兄弟夫婦許相告而免之。又使五家為保。有亡者四鄰皆坐誅。殺人益多。亡者益甚。至於樵采之人。出入皆有限數。公私愁窘。人不聊生。又以宮城為大獄。意所忌者。舉家收繫。諸將出討。將去聲亦質其家屬於宮中。質音致 歿者日有數十。世充以臺

省官為諸州營田使。去聲 丞郎得為此者。喜若登仙。

七月唐遣秦王世民督諸軍擊王世充。時蔣公屈突通二子在洛陽。唐主謂通曰。今欲使卿東征。如卿二兒何。通曰。臣昔為俘囚。分當就歿。分扶問切 陛下釋縛。加以恩禮。通被 執事。見前卷高祖。當是時。臣心口相誓。期以更生餘年。興唐大業十三年。

為陛下盡節。但恐不獲歿所耳。今得備先驅。二兒何足顧乎。唐主歎曰。徇義之士。一至此乎。秦王世民屯於北邙。世充隔水謂世民曰。唐帝關中。鄭帝河南。世充未嘗西侵。王忽舉兵東來。何也。世民使應之曰。四海咸仰皇風。唯公獨阻聲教。為此而來。為去聲 世充曰。相與息兵。講好不亦善乎。又應之曰。奉詔取東都。不令講好也。至暮。各引兵還。

九月鄭顯州總管田瓚以二十五州降唐。自是襄陽聲問

與世充絕。顯州在唐縣。鄭王弘烈時鎮襄陽。其至洛必由唐鄧。時鄧州已為唐有。顯州又降。故絕。

唐秦王世民遣右武衛將軍王君廓攻轅轅。君廓本李密將。降唐。并州

石艾人在太原府平定州轅轅關名在河南府登封縣拔之遂東徇地至管城在開

封府鄭州先是世充將郭士衡等掠唐境君廓以策擊却之

詔勞之曰勞去聲卿以十三人破賊一萬自古以少制衆

未之有也鄭尉州刺史時德叡以杞夏陳洧許潁尉七

州降尉州今開封府尉氏縣七州俱在開封府秦王世民以便宐命州縣官

竝依世充所署無所變易於是河南郡系相繼降唐

初劉武周敗武周景城人在河間府獻縣起大業十三年稱定楊可汗其將尉遲敬德

降唐見唐平河東朔方敬德名恭善陽人在大同府朔州及世民攻世充武周降

將尋相等多叛去諸將疑敬德囚之軍中屈突通殷開

山言於世民曰敬德驍勇絕倫今既囚之心必怨望留

之恐為後患不如殺之世民曰不然敬德若叛豈在尋

相之後邪遽命釋之引入臥內賜之金曰丈夫意氣相

期勿以小嫌介意吾終不信讒言以害忠良如必欲去

者以此金相資表一時共事之情也已而世民以五百

騎行戰地登魏宣武陵在北邙山世充帥步騎萬餘猝至圍

之單雄信直趣世民尉遲敬德躍馬大呼橫刺雄信墜

馬世充兵稍却敬德翼世民出圍世民敬德更帥騎兵

還戰出入世充陣往返無所礙屈突通引大兵繼至世

充兵大敗僅以身免世民謂敬德曰公何相報之速也

賜金銀一篋寵遇日隆敬德善避稍樂每單騎入敵陣

中敵叢稍刺之終莫能傷又能奪敵稍反刺之齊王元吉以善馬稍自負請與敬德較勝負敬德須臾三奪其稍。

初王世充以邴元真為滑州行臺僕射李密故將杜才幹

守濮州今山東東昌府濮州恨元真叛密詐以其眾降之元真自

往招慰才幹迎入就坐執而數之數上聲斬其首至黎陽

祭密墓墓在濬縣大以濮州降唐。

鄭管榮汴州皆降唐世充以榮陽為鄭太子玄應軍虎牢

大懼奔還洛陽十二月鄭許亳等十一州降唐

辛巳唐武德四年夏王竇建德二月鄭太子玄應自虎

牢運糧入洛陽秦王世民遣李君羨徼擊大破之玄應

僅以身免唐主使人謂世民曰克城之日但收其乘輿

法物乘去聲圖籍器械其餘子女玉帛悉以分賜將士將去

聲世民進軍青城宮在洛陽北壁壘未立世充帥萬眾臨穀

水青城宮在禁苑中禁苑東連都城穀洛二水會於禁苑之內諸將皆懼世民曰賊

勢窘矣悉眾而出徼幸一戰今日破之後不敢復出矣

奮兵擊之世民欲知世充陣厚薄與精騎數十衝之直

出其背眾皆披靡既而限以長隄與諸騎相失將軍丘

行恭獨從行恭和子世充數騎追及之世民馬中流矢

而斃中去聲行恭回騎射追者發無不中去聲追者不敢前

乃下馬以授世民行恭於馬前步執長刀大呼斬數人突陣而出得入大軍世充殊死戰自辰至午世充兵退

世民乘之進圍洛陽驃騎將軍段志玄臨淄人今山東青州府臨淄縣

力戰深入馬倒被禽兩騎夾持其髻將渡洛水志玄踊

身而奮二人墜馬志玄馳歸追者數百騎不敢逼世民

四面攻洛陽晝夜不息旬餘不克將士疲敝思歸總管

劉弘基請班師弘基雍州池陽人世民曰東方諸州已

望風款服洛陽孤城勢不能久功在垂成奈何棄之乃

下令軍中曰敢言班師者斬唐主亦密敕世民還世民

遣參謀封德彝奏曰德彝名倫以字行觀州人世充號令

所行一城而已智盡力窮克在旦夕今若旋師賊勢復

振後必難圖唐主從之世民遣王君廓夜襲虎牢拔之

洛陽城中乏食民食草木泥餅死者相枕倚於道皇泰

主之遷民入宮城也凡三萬家至是無三千家雖貴為

公卿糠覈不充覈麥糠中不三月夏王竇建德將兵救

鄭五月唐秦王世民大破禽之詳唐平山東世民囚建德等

至洛陽城下以示世充世充議突圍走襄陽諸將曰吾

所恃者夏王今已為禽雖得出終必無成世充素服帥

太子羣臣二千餘人詣軍門降俯伏流汗世民曰卿常

以童子見處上聲今見童子何恭之甚邪世充頓首謝罪

於是部分諸軍。分扶問切先入洛陽分守市肆禁止侵掠世

民入宮城命記室房玄齡。字喬臨淄人先入中書門下省收

隋圖籍制詔已為世充所毀無所獲命蕭瑀竇軌等封

府庫以金帛頒賜將士。瑀字時文後梁宣帝孫軌字士則平陵人在西安府咸陽縣

收世充之黨罪尤大者段達楊汪單雄信楊公卿米粲

等十餘人斬於洛水之上。初李世勣與雄信友善誓同生歿至是世勣請以己官爵

贖之世民不許固請不得涕泣而退雄信曰吾固知汝不辦事世勣曰吾不惜與兄俱歿但既以身許國事無

兩遂且吾歿誰復視兄妻子乎乃割股肉以啗雄信曰使此肉隨兄為土庶幾不負昔誓也世民觀

隋宮殿歎曰逞侈心窮人欲無亡得乎命撤端門樓焚

乾陽殿毀則天門及闕廢諸道場秦王府屬杜如晦

叔父淹事世充譖如晦兄殺之又囚其弟楚客餓幾歿

至是淹當歿楚客請如晦救之不從楚客曰曩者叔已

殺兄今兄又殺叔一門之內相殘而盡豈不痛哉欲自

刎如晦乃為之請。為去聲淹得免歿秦王坐閭闔門蘇威

請見稱老病不能拜世民數之曰。數上聲公隋室宰相危

不能扶使君弑國亡見李密王世充皆拜伏舞蹈今既

老病何勞相見及至長安又請見不許既老且貧無復

官爵年八十二而卒。史言威之壽不知元也

王世充弟世辯以徐宋等三十八州降。徐今江南徐州宋今河南歸德府

七月唐秦王世民至長安獻俘太廟赦王世充為庶人徙

蜀以天下畧定大赦百姓給復一半世充未行定州刺

史獨孤脩德矯殺之詔免脩德官脩德機之子也世充

所殺見前
武德二年

不諭其意遂於國亡良卒密王世充皆我為我之命

蘇良醫法疎不許其世且曰樓士公國空半休飲

厥收雖以公之新...坐間闔門漸

唐平隴右 薛舉

丁丑隋煬帝大業十三年恭帝侑義寧元年秦主薛舉秦興元年汾陰薛舉僑

居金城汾陰今山西平陽府榮河縣金城今陝西臨洮府蘭州驍勇絕倫家資巨

萬交結豪傑雄於西邊為金城府校尉隴右盜起金城

令郝瑗募兵數千使舉將而討之將去聲夏四月方授甲

置酒饗士舉與其子仁果及同黨十三人劫瑗於坐即

起兵囚郡縣官開倉賑施自稱西秦霸王改元秦興招

集羣盜掠官牧馬賊帥宗羅睺帥眾歸之舉襲克袍罕

在陝西岷山羌酋鍾利俗岷山在陝西岷州衛城北擁眾二萬附舉

舉兵大振未幾盡得隴西之地眾至十三萬

七月薛舉自稱秦帝立子仁果為太子取天水今陝西鞏昌府秦州

徙都之仁果多力善騎射軍中號萬人敵然性貪而好

殺好去聲嘗獲庾信子立信字子山南陽新野人今河南南陽府新野縣怒其不

降戶江切後同磔於火上磔陟格切割以噉軍士其克天水悉召

富人倒懸以醋灌鼻責其金寶舉每戒之曰汝之才畧

足以辦事然苛虐無恩終當覆我國家

十二月秦主舉遣仁果寇扶風今陝西鳳翔府唐弼據汧源拒之

弼扶風賊帥大業十年立李弘芝為天子自稱唐王汧源舊縣在鳳翔府隴州東南舉遣使招弼

弼殺李弘芝請降於舉仁果乘其無備襲破之勢益張

眾號三十萬謀取長安進圍扶風唐主淵使秦公世民

擊敗之追奔至隴坻而還舉大懼問其羣臣曰自古天

子有降事乎黃門侍郎褚亮曰亮字希明錢唐人今浙江杭州府錢塘縣趙

佗歸漢南越王事見第八卷武帝平兩越劉禪仕晉漢後主事見十七卷後漢之亡轉

禍為福自古有之衛尉卿郝瑗曰陛下失問亮言又何

悖也昔漢高祖屢經奔敗蜀先主亟亡妻子亟去吏切卒成

大業奈何以一戰不利遂為亡國之計乎舉亦悔之曰

聊以此試君等耳乃厚賞瑗引為謀主

戊寅隋恭帝侑義寧二年唐高祖李淵武德元年恭帝侗皇泰元年七月秦主

舉寇唐涇州今陝西平涼府涇州唐以秦王世民為元帥將八總

管兵拒之舉進逼高塢在陝西慶陽府寧州南○塢音隻秦王世民堅

壁不與戰。會得瘧疾。委軍政於長史劉文靜。字肇仁。彭城人。今江

南徐州。司馬殷開山。名嶠。以字行。京兆鄠人。今西安府鄠縣。戒之曰。舉懸兵

深入。食少兵疲。若來挑戰。慎勿應也。開山欲曜武以威

之。乃陳於高塹西南。陳去聲。恃眾不設備。舉潛師掩其後。

戰於淺水原。在西安府邠州北。八總管皆敗。士卒歿什五六。大

將軍劉弘基等皆沒。弘基。雍州池陽人。在西安府三原縣。世民引兵還長

安。舉遂拔高塹。文靜等坐除名。

八月。秦主舉殂。謚曰武帝。子仁果立。徙居折塹城。在邠州宜祿廢

北縣。唐驃騎將軍劉感鎮涇州。感。岐州鳳泉人。在鳳翔府郿縣。九月。薛仁果圍

之。城中糧盡。殺所乘馬以分將士。唐長平王叔良將兵

至。叔良。高祖從父弟。仁果偽引兵去。遣高塹人詐降。叔良命感

帥眾赴之。城中不應。仁果兵自南原大下。戰於百里細

川。唐軍大敗。仁果禽感。復圍涇州。令感諭降。感許之。至

城下。大呼曰。逆賊饑餒。亡在朝夕。秦王帥數十萬眾。四

面俱集。城中勉之。仁果怒。埋感至。邴馳騎射之。至死。聲

色愈厲。

秦主薛仁果屢攻唐隴州。今隴州。刺史常達守之。達。陝人。今河南

府陝州。不能克。乃遣其將件士政詐降。件。疑古切。劫達降於仁

果。達詞色不屈。仁果壯而釋之。

秦主薛仁果之爲太子也。與諸將多有隙。及卽位。衆心猜懼。郝瑗哭舉得疾而歿。由是國勢寢弱。秦王世民至高塘。仁果使宗羅睺將兵拒戰。世民堅壁不出。相持六十餘日。仁果糧盡。世民遣兵營於淺水原以誘之。羅睺盡銳攻之數日。世民度賊已疲。度音鐸謂諸將曰。可以戰矣。使右武衛大將龐玉陳於淺水原南以誘之。玉涇陽人。今西安府涇陽縣。羅睺并兵擊之。世民引大軍自原北出其不意。表裏奮擊。羅睺軍大潰。斬首數千級。世民帥二千餘騎追之。曰。破竹之勢。不可失也。遂進至城下。圍之。夜半守城者爭自投下。仁果計窮出降。諸將皆賀。因問曰。大

王一戰而勝。輕騎直造城下。衆皆以爲不克。而卒取之。

何也。世民曰。羅睺所將皆隴外之人。將驍卒悍。我特出

其不意而破之。斬獲不少。若緩之則皆入城。仁果撫而

用之。未易克也。易去聲急之則散歸隴外。折墟虛弱。仁果

破膽。不暇爲謀。此吾所以克也。衆皆悅服。世民所得降

卒。悉使仁果兄弟及羅睺等將之。與之射獵。無所疑間。

去聲賊畏威銜恩。皆願效歿。世民間褚亮名。求訪獲之。禮

遇甚厚。引爲王府文學。還長安。斬仁果於市。唐主賜常

達帛三百段。贈劉感平原郡公。謚忠壯。撲殺佗士政於

殿廷。以張貴尤淫暴。奴賊帥也腰斬之。唐主享將士。以上將

因謂羣臣曰諸公共相翊戴以成帝業若天下承平可
共保富貴使王世充得志公輩豈有種乎如薛仁果君
臣豈可不以為前鑑也通鑑攷異云薛仁果諸書或作
仁果或作仁杲唐高祖實錄先
作仁果後作仁杲惟醴泉縣太宗昭陵前石馬六其一
銘曰白蹄烏平薛仁果時所乘此極為可據今從之

唐平河西 李軌

丁丑 隋煬帝大業十三年恭帝侑義寧元年 秦主薛舉秦興元年 武威鷹揚府

司馬李軌字處則姑臧人今陝西行都司涼州 衛北有姑臧廢縣古武威郡治所 家富好

任俠好去聲 薛舉作亂於金城舉汾陰人僑居金城今陝西臨洮府蘭州作亂見前

唐平隴右 軌與同郡曹珍關謹梁碩李贇安脩仁等謀曰薛

舉必來侵暴郡官庸怯勢不能禦吾輩豈可束手并妻
孥為虜邪不若并力拒之依據河右以待天下之變眾
皆然之而莫肯為主曹珍曰久聞李氏當王去聲今軌在

謀中乃天命也遂起兵奉軌為主稱河西大涼王置官
屬關謹等欲盡殺隋官分其家貲軌曰今興義兵以救

生民乃殺人取貨類羣盜耳將何以濟不許舉遣其將

韋仲興濟河擊軌與李贇戰於昌松在涼州衛境仲興兵敗

沒軌欲縱遣之贇曰力戰獲俘復縱以資敵將焉用之

焉於不如悉阬之軌曰天若祚我當禽其主此輩終為

我有若其無成留此何益乃縱之尋攻張掖燉煌西平

枹罕皆克之盡有河西五郡之地張掖今甘州衛及鎮夷所境燉煌今肅州

衛西北沙州城西至哈密衛西平今西寧衛枹罕在河西衛俱在陝西行都司燉音豚哈呼雅切枹音孚

戊寅隋恭帝侗皇泰元年唐高祖李淵武德元年八月唐

主欲與李軌共圖薛舉遣使招撫之使去聲與之書謂之

從弟軌大喜遣其弟懋入貢唐主以懋為大將軍命鴻

臚少卿張俟德冊拜軌為涼州總管封涼王

十一月涼王軌稱帝改元安樂

涼吏部尚書梁碩有智畧軌倚之以為謀主與戶部尚書

安脩仁有隙脩仁武威人脩仁譖殺之有胡巫謂軌曰上帝

當遣玉女自天而降軌信之發民築臺以候玉女勞費

甚廣河右饑人相食軌欲發倉粟以賑之曹珍等皆贊

其事太僕卿謝統師等皆隋官心終不服乃詬珍曰百

姓餓者自是羸弱勇壯之士終不至此國家倉粟以備

不虞僕射苟悅人情不為國計非忠臣也軌以為然士

民離怨

通鑑本末紀要 卷三十一
已卯 隋皇泰二年 唐武德二年 二月 唐張俟德至涼 軌

召其羣臣曰 唐天子 吾從兄也 一姓不可自爭 吾欲去

帝號 受其官爵 可乎 曹珍不可 請依蕭督事 魏故事 乃

遣其尚書左丞鄧曉入見 奉書稱皇從弟大涼皇帝 臣

軌而不受官爵 唐主怒 議興師討之 安脩仁兄興貴仕

長安 表請說軌 說音稅 下同 諭以禍福 臣家世涼州 民夷信

附 弟脩仁為軌所親 子弟在機近者以十數 軌聽臣固

善 不聽 圖之 肘腋易矣 易去 聲 唐主遣之 興貴至涼 說軌

不納 乃與脩仁陰結諸胡 五月 起兵擊軌 軌出戰而敗

嬰城自守 城中人爭出就興貴 軌計窮 與妻子登玉女

臺 置酒為別 興貴執送長安 斬之 以興貴為右武衛大

將軍 上柱國 涼國公 脩仁為左武侯大將軍 申國公 鄧

曉在長安 舞蹈稱慶 唐主曰 汝為人臣 國亡不戚 以求

媚於朕 不忠於李軌 肯為朕用乎 廢之終身

許諾二月武周入謁仁恭其黨張萬歲等隨入斬仁恭

持其首徇境內收兵得萬餘人武周自稱太守遣使附

於突厥使去聲朔方郎將梁師都亦殺郡丞據郡附突厥

朔方今寧夏衛朔方人雁門郡丞陳孝意河東人在山西平陽府蒲州與虎

賁郎將王智辨討劉武周武周與突厥合兵擊殺智辨

孝意奔還雁門雁門在太原原府代州

三月武周破樓煩郡在山西太原府崞縣○崞音郭進取汾陽宮在太原府靜樂

縣獲隋宮人以賂突厥始畢可汗又攻陷定襄在太原府陽曲

北縣西始畢立武周為定楊可汗遺以狼頭纛突厥本狼種故牙門

建狼頭纛因以為名器武周遂稱帝改元天興以衛士楊伏念為

左僕射妹婿同縣苑君璋為內史遂引兵圍雁門郡丞

陳孝意悉力拒守外無救援奏聞不報旦暮向詔敕庫

俯伏流涕悲動左右既而食盡校尉張倫殺孝意以降

梁師都取雕陰弘化延安等郡雕陰在延安府綏德州弘化在慶陽府與延安府俱

屬陝西自稱梁帝改元永隆突厥遺以狼頭纛號為大度

昆伽可汗師都乃引突厥居河南地攻破鹽川郡在寧夏中

衛時翊衛郭子和坐事徙榆林子和同州蒲城人今陝西西安府蒲城縣榆林

今陝西榆林鎮會郡中大饑子和潛結敢死士十八人殺郡丞

開倉賑施自號永樂王樂音洛改元丑平南連師都北附

突厥始畢以劉武周為定楊天子梁師都為解事天子

子和為平楊天子。子和固辭不敢當，乃以為屋利設。突厥

稱典兵者曰設。子和武德元年降唐。封郟國公。後賜姓李，改封夷國公。

己卯 隋恭帝侗皇泰二年。唐武德二年。定楊天興三年。 四月，劉武周引

突厥寇唐并州。治晉陽，今太原府太原縣。 并州總管齊王元吉。唐高祖第

三遣將軍張達以步卒百人嘗寇，達以兵少辭，強遣之。

強欺 兩切。至則俱沒，達忿恨，引武周攻陷榆次。今太原府榆次縣。 五

月陷平遙。今山西汾州府平遙縣。

初，易州賊宋金剛。易州，今直隸保定府易州。 有眾萬餘，為竇建德所敗。

西奔武周。武周聞其善用兵，得之甚喜，號曰宋王，委以

軍事。金剛說武周圖晉陽。說音稅。 南向以爭天下。六月，武

周使將兵寇并州。武周進陷介州。今汾州府介休縣。 左武衛大

將軍姜寶誼。上邽人。 總管李仲文戰敗，皆為所虜。既而逃

歸。唐主以右僕射裴寂為晉州總管討之。寂字玄真，蒲州桑泉人。在

山西平陽府臨晉縣。晉州治臨汾，今平陽府。 聽以便宜從事。

八月，梁師都與突厥寇延州。即延安府。 唐總管段德操。北齊段韶子，姑

臧人。 遣副總管梁禮擊之。戰方酣，德操以輕騎掩擊其後，

師都軍潰，逐北二百餘里，破其魏州。新唐書：綏州成平縣置魏州。按此是

在延安府。綏德州也。

九月，裴寂至介休，宋金剛拒之。寂營於度索原，營中飲澗

水，金剛絕之。寂軍渴乏，移軍就水，金剛擊之。寂軍潰，自

晉州以北城鎮俱沒武周進逼并州齊王元吉棄州奔

還長安晉陽土豪薛澹以城納武周唐主怒謂尚書李

綱曰綱字文紀觀州蓀人今直隸河間府景州○蓀音條元吉未習時事故遣竇

誕宇文歆輔之誕寶后兄子平陵人在西安府咸陽縣時官殿內監歆官右衛將軍晉陽

彊兵數萬食支十年興王之基一旦棄之聞歆首畫此

策我當斬之綱曰王年少驕逸少去聲誕曾無規諫又掩

覆之覆敷又切今日之敗誕之罪也歆諫王不悛尋皆聞奏

乃忠臣也豈可殺哉明日唐主引綱升御坐曰我得公

遂無濫刑元吉自為不善非二人所能禁也并誕赦之

武周遣宋金剛攻晉州拔之進逼絳州今平陽府絳州陷龍門在平

陽府河津縣

十月宋金剛陷澮州今平陽府翼城縣軍勢甚銳裴寂性怯唯發

使絡繹驅民入保使去聲焚其積聚民驚擾思亂時隋將

王行本據蒲關猶未下武德元年堯君素被殺行本復拒守武德二年將軍秦武通攻

蒲坂行本出降斬之與武周相應關中震駭唐主欲棄大河以東

謹守關西秦王世民請曰世民即太宗太原王業所基國之

根本河東殷實京邑所資若舉而棄之臣竊憤恨願假

臣精兵三萬必克復汾晉唐主發關中兵以益世民使

擊武周

十一月秦王世民自龍門渡河屯柏壁在絳州西今有秦王堡與宋

金剛相持。民間世民來歸附者日至。乃漸收其糧。軍食以充。令偏裨乘間抄掠。間去聲大軍堅壁不戰。賊勢日衰。

永安王孝基等攻賊黨呂崇茂。孝基高祖從子金剛遣其將尉

遲敬德尋相將兵奄至夏縣。敬德名恭以字行善陽人。在大同府朔州夏縣今平

陽府夏縣。尉音鬱相將竝去聲虜孝基等。孝基尋謀逃歸武周殺之世民遣兵部

尚書殷開山等徼之於美良川。開山名嶠以字行京兆鄠人今西安府鄠縣美

良川在大同府廣靈縣南。徼音邀鄠音扈大破之。頃之敬德相潛引精騎

援王行本於蒲坂。世民間道徼擊。又大破之。蒲坂在平陽府蒲州

○間去聲敬德相僅以身免。悉俘其眾。復歸柏壁。諸將咸請

戰。世民曰：金剛懸軍深入，精兵猛將，去聲咸聚於是，軍無

蓄積，利在速戰。我閉營養銳，以挫其鋒。分兵汾隰。汾今汾州

府隰今平陽府隰州衝其心腹，彼糧盡計窮，自當遁走。

庚辰。唐武德三年。梁元隆定楊天興四年四月，宋金剛軍中食盡，北走。

世民追及尋相於呂州。在平陽府霍州大破之，乘勝逐北。一晝

夜行二百餘里，戰數十合。總管劉弘基。雍州池陽人。在西安府三原縣

以士卒饑疲，請留壁。俟兵糧畢集，後進。世民曰：金剛計

窮而走，眾心離阻，必乘此勢取之。功難成而易敗，機難

得而易失。易竝去聲若更淹留，使其計立備成，不可復攻矣。

遂策馬而進，追及金剛於雀鼠谷。在介休縣西南一日八戰，皆

破之。世民不食二日，不解甲三日矣。軍中惟有一羊，與

將士分食之

將去聲

引兵趣介休。金剛尚有衆二萬，背城

復戰，大敗，輕騎走。尉遲敬德與尋相舉介休及永安降。

永安今汾州府孝義縣

世民得敬德，甚喜，以爲右一府統軍。

高祖置左

右各三統軍，各置統軍一人，秩正四品。左屬世子建成，右屬秦王世民。

使將其舊衆八千。

將去聲

與諸營相參，劉武周聞金剛敗，大懼，棄并州走突

厥。金剛亦與百餘騎走突厥，并州悉平。唐以唐儉爲并

州道安撫大使。

儉字茂約，晉陽人。

李仲文爲總管，未幾，金剛謀

走上谷。

在保定府，本金剛所起。

突厥追獲，腰斬之。初，武周之南寇

也，其內史令苑君璋諫曰：「唐主舉一州之衆，直取長安，

所向無敵，此乃天授，非人力也。」晉陽以南，道路險隘，懸

軍深入，無繼於後，若進戰不利，何以自還？不如北連突

厥，南結唐朝。

音潮

南面稱孤，足爲長策。武周不聽。及敗，泣

謂君璋曰：「不用公言，以至於此，久之謀亡歸馬邑，事泄，

突厥殺之，而使君璋統其餘衆。」

癸未

唐武德六年

時馬邑人多不願屬突厥，唐遣人招諭苑君

璋，不從。六月，部將高滿政因衆心所欲，夜襲君璋，君璋

奔突厥，滿政殺突厥戍兵以降唐。君璋與突厥入寇，滿

政擊破之。唐以滿政爲朔州總管。

十月，突厥圍馬邑，糧盡，救兵未至。右虞候杜士遠殺滿政，

降突厥。

丁亥唐太宗貞觀元年五月苑君璋以突厥頡利可汗政亂知不足恃帥眾來降封芮國公

戊子二年梁元隆十二年

初梁師都勢寢衰弱乃朝於突厥朝音潮

勸令入寇四月契丹酋長帥眾來降契丹東胡種突厥頡利

可汗遣使請以梁師都易契丹使去聲帝曰契丹與突厥

異類今來歸附何故索之師都中國人盜我土地暴我

百姓我興兵致討彼如魚游釜中何患不為我有借使

不得亦終不以降附之人易之也先是帝知突厥政

亂不能庇師都以書諭之師都不從夏州都督長史劉

旻等數遣輕騎踐其禾稼數音朔多縱反間去聲離其君臣

降者相屬旻本梁師都將武德三年降唐至是遣右衛大將軍柴紹等

擊之紹字嗣昌高祖婿臨涇人師都從父弟洛仁殺之以降以其地

為夏州故城在寧夏衛城東

唐平江陵 蕭銑

丁丑 隋煬帝大業十三年 恭帝侑義寧元年 梁王蕭銑鳴鳳元年 十月 巴陵校尉董景珍雷世猛

巴陵今湖廣岳州府附郭 旅帥鄭文秀徐德基張

繡等謀據郡叛隋推景珍為主景珍曰吾素寒賤不為

眾所服羅川令蕭銑 羅川今岳州府平江縣 梁室之後 銑後梁宣帝嘗曾孫

寬仁大度請奉之以從眾望乃遣使報銑 使去聲 銑喜召

募得數千人會潁川賊沈柳生寇羅川 潁川在河南開封府許州 銑

與戰不利因謂其眾曰今天下皆叛隋政不行巴陵豪

傑起兵欲奉我為主若從其請以號令江南可以中興

梁祚以此召柳生亦當從我眾皆悅聽命銑乃自稱梁

公改隋服色旗幟皆如梁舊柳生即帥眾歸之銑以為
車騎大將軍起兵五日遠近歸附者數萬人遂向巴陵
景珍遣徐德基帥眾出迎未及見銑柳生自以勳居第
一恐入城出諸將之下將去聲遂殺德基欲獨挾銑入郡
銑大驚曰今欲撥亂反正忽自相殺吾不能為若主矣
因步出軍門柳生大懼伏地請罪銑責而赦之陳兵入
城景珍言於銑曰德基建義功臣柳生擅殺之此而不
誅何以為政且柳生為盜日久凶悖不移共處一城處上聲
勢必為變銑又從之斬柳生其徒皆潰銑築壇燔燎
自稱梁王改元鳴鳳十二月取豫章今江西南昌府

戊寅

隋恭帝侗皇泰元年唐高祖李淵武德元年梁主銑鳴鳳二年四月梁王銑稱皇

帝謚其從父琮為孝靖皇帝後梁後主祖巖為河間忠烈王

父瓛為文憲王徙都江陵後梁故都今湖廣荊州府江陵縣引岑文本

為中書侍郎文本字景仁鄧州棘陽人委以機密使張繡

徇嶺南郡縣多降嶺南今兩廣地攻克始安郡今廣東韶州府於是東

自九江今江西九江府西抵三峽巫峽瞿塘峽在四川夔州府西陵峽在荊州府夷陵州

南盡交趾北距漢川今湖廣漢陽府漢川縣銑皆有之勝兵四十

餘萬

庚辰

唐武德三年梁主銑性褊狹多猜忌諸將恃功恣橫

好專誅殺橫好竝去聲銑患之乃宣言罷兵歸農實欲奪諸

將之權。將竝去聲大司馬董景珍弟為將軍，怨望謀作亂，事

泄，伏誅。景珍時鎮長沙。今湖廣長沙府據郡降唐。降戶江切後同銑遣

齊王張繡攻景珍，圍長沙。景珍欲走，為麾下所殺。銑以

繡為尚書令，繡恃功驕橫。去聲銑又殺之。於是功臣諸將

去聲皆有離心，兵勢益弱。唐硤州刺史許紹。硤州治夷陵州西北下牢

關紹字嗣宗，安州安陸人。今湖廣德安府安陸縣。拔荆門鎮。今紹與梁鄭鄰接，

時襄陽府屬鄭王世充。二境得紹士卒，皆殺之。紹得二境士卒，資

給遣之，敵人媿感，不復侵掠，境內以安。

辛巳。唐武德四年正月，李靖說趙郡王孝恭以取蕭銑十

策。靖名藥師，雍州三原人，今陝西西安府三原縣。孝恭，高祖從子。孝恭上之。二月，以孝

恭為總管，使大造舟艦。音艦以靖為行軍總管，兼孝恭長

史，委以軍事。靖說孝恭。說竝音稅悉召巴蜀酋長子弟。巴蜀今四

川。長量才授任，置之左右，外示引擢，實以為質。音致九

月，詔發巴蜀兵，以孝恭及靖統十二總管，自夔州順流

東下。時峽江方漲，諸將請俟水落進軍。李靖曰：「兵貴神

速，今吾兵始集，銑尚未知。若乘江漲，倏忽抵其城下，掩

其不備，此必成禽，不可失也。」十月，師拔荆門，宜都今荆

州府宜都縣進至夷陵，擊銑將文士弘，走之。士弘再戰，復敗。

時銑方罷兵營農，纔留宿衛數千人。聞唐兵至，大懼，倉

猝徵兵，皆在江嶺之外，道途阻遠，不能遽集，乃悉見兵

通鑑本末記夏

卷三十一

唐平江陵

四

通鑑本末紀夏
出拒戰

見音現

孝恭將擊之。靖曰：彼救敗之師，策非素立。

勢不能久，不若且泊南岸，緩之一日，彼必分兵歸守。兵分勢弱，乘其懈擊之，蔑不勝矣。若急之，則并力死戰，楚兵剽銳，未易當也。

易去聲

孝恭不從，出戰果敗。銑眾委舟

收掠軍資。靖見其眾亂，縱兵奮擊，大破之。乘勝直抵江陵，入其外郭，又攻水城，拔之。大獲舟艦。李靖使孝恭盡散之江中。諸將皆曰：破敵所獲，當藉其用，奈何棄以資敵？靖曰：蕭銑之地，南出嶺表，東距洞庭，吾懸軍深入，若攻城未拔，援兵四集，吾表裏受敵，進退不獲。雖有舟楫，將安用之？今棄舟艦，使塞江而下，援兵見之，必謂江陵

已破，未敢輕進，往來窺伺，動淹旬月，吾取之必矣。銑援

兵見之，果疑不進。銑內外阻絕，乃問策於中書侍郎岑

文本。文本勸銑降。銑乃謂羣下曰：天不祚梁，不可復支

矣。若必待力屈，則百姓蒙患，奈何？以我一人之故，陷百

姓於塗炭乎？乃下令開門出降。銑帥羣臣，總纓布幘，詣

軍門曰：當歿者惟銑耳。百姓無罪，願不殺掠。孝恭入城，

諸將欲大掠。岑文本曰：江南之民，遭隋虐政，重以爭戰，

跣足延頸，以望真主。是以蕭氏君臣，決計歸命。庶幾有

所息肩。今若縱兵俘掠，士民失望，恐自此以南，無復向

化之心。孝恭稱善，遽禁止之。諸將又言：梁將帥拒鬪，歿

者請籍其家以賞將士

將竝去聲

靖曰王者之師宜使義聲

先路彼為其主鬪歟

先為竝去聲

乃忠臣也豈可同之叛逆

之科乎於是城中安堵秋毫無犯南方州縣聞之皆望

風款附銑降數日援兵至者十餘萬聞江陵不守皆釋

甲而降孝恭送銑於長安斬於都市以孝恭為荊州總

管靖為上柱國安撫嶺南所至皆下

唐平江淮

杜伏威

李子通

癸酉

隋煬帝大業九年章丘杜伏威

章丘今山東濟南府章丘縣

與臨濟

輔公祏

臨濟有鎮有城俱在章丘縣北

為芻頸交俱亡命為羣盜伏威

年十六每出則居前入則殿後

殿丁甸切

於是其徒推以為

帥下邳苗海潮

下邳今江蘇淮安府邳州

亦聚眾為盜伏威使人招

之并力以敵隋不則一戰以決雌雄海潮懼即帥眾降

之伏威轉掠淮南江都留守遣校尉宋顥討之

江都今江蘇揚州

州府江都縣

伏威佯敗誘之入葭葦中因從上風縱火顥眾

皆燒歿海陵賊帥趙破陳

海陵今揚州府泰興縣

以伏威兵少輕

之召與并力伏威使公祏嚴兵居外自與左右十人齎

牛酒入謁殺破陳并其衆

乙亥十一年東海李子通有勇力子通沂州承人承在山東兗州府嶧縣漢屬東

海郡先依長白山賊帥左才相長白山在濟南府長山縣王薄孟讓起此羣盜

皆殘忍而子通獨寬仁人多歸附有衆萬人才相忌之

十月子通引去渡淮與杜伏威合既而子通謀殺伏威

遣兵襲之伏威假子濟陰王雄誕濟陰在山東兗州府曹州負之以

逃收散兵軍復振

將軍來整擊伏威子通皆破之子通奔海陵復收兵得二

萬人自稱將軍

丁丑十三年恭帝侑義寧元年正月右禦衛將軍陳稜討伏威稜字長威

廬江襄安人在江南廬州府無為州伏威帥衆拒之稜閉壁不戰伏威遣

以婦人之服謂之陳姥稜怒出戰伏威奮擊大破之乘

勝破高郵今揚州府高郵州引兵據歷陽今江南和州自稱總管以

輔公祏為長史長上聲分遣諸將徇屬縣將去聲所至輒下

江淮間小盜爭附之伏威常選敢死士五千人謂之上

募寵遇甚厚有攻戰令居先戰罷閱視有傷在背者即

殺之所獲資財皆賞戰士有戰死者以妻妾徇葬故人

自為戰所向無敵

戊寅隋恭帝侑義寧二年唐高祖李淵武德元年三月隋吳興太守

沈法興吳興今浙江湖州府法興湖州府武康縣人聞宇文化及弒逆見煬帝亡

隋舉兵討之得精卒六萬攻餘杭毗陵丹陽皆下之餘杭

今浙江杭州府餘杭縣毗陵今江南常州府丹陽今江南江寧府自稱江南道大總管

承制置百官

八月杜伏威上表於隋皇泰主以為東道大總管楚王法

興亦上表於皇泰主自稱大司馬錄尚書事天門公

己卯隋恭帝侗皇泰二年唐武德二年梁王沈法興延康元年四月陳

稜以江都降唐唐以為揚州總管九月沈法興既克毗

陵謂江淮之間指撝可定自稱梁王都毗陵改元延康

性殘忍尚威刑下多離怨時杜伏威據歷陽李子通據

海陵陳稜據江都皆有窺江表之志子通攻江都克之

稜奔伏威伏威疾之尋見害子通入江都自稱吳帝改

元明政

杜伏威降唐以為和州總管

庚辰唐武德三年梁延康二年吳明政二年六月唐封杜伏威為吳王賜

姓李氏輔公祏為舒國公

十二月李子通渡江攻沈法興取京口今鎮江府法興走吳郡

今江南蘇州府丹陽毗陵諸郡皆沒於子通杜伏威遣輔公祏

攻之子通大敗棄江都走保京口江西之地盡入於伏

威伏威徙居丹陽子通收合亡散襲法興於吳郡大破

之法興棄城走赴江溺歿子通軍勢復振徙都餘杭盡

收法興之地北自太湖在蘇州府西南南至嶺兩廣東包會稽

浙江東境宣城今江南寧國府皆有之

辛巳唐武德四年十一月唐杜伏威遣其將王雄誕擊李

子通子通守獨松嶺在餘杭縣北雄誕多張旗幟夜則縛火

於炬布滿山澤子通懼燒營走保杭州雄誕追擊又破

之子通窮蹙請降伏威執送長安唐主釋之雄誕又擊

新安賊帥汪華新安隋郡在歙州華稱王黥歙崑山賊帥聞人遂安今蘇

州府崑山縣皆降之於是伏威盡有淮南江東之地南至嶺

東距海雄誕以功除歙州總管歙州今江南徽州府封宜春郡公

壬午唐武德五年七月唐秦王世民擊徐圓朗魯郡人在兗州府起大業十三

年初附李密密敗附王世克洛陽平降唐武德四年復叛應劉黑闥下十餘城聲震江淮

杜伏威懼請入朝音潮唐主延升御榻拜太子太保兼行

臺尚書令留長安位在齊王元吉上以寵異之

李子通以伏威入朝欲乘間收舊兵以定江東間去聲亡至

藍田今陝西西安府藍田縣獲斬之

癸未唐武德六年初杜伏威與輔公祏及善兄事之軍中謂

之伯父畏敬與伏威等伏威寢忌之乃署其養子闕稜

為左將軍王雄誕為右將軍潛奪其兵權公祏知之陽

為學道辟穀以自晦辟音闕及伏威入朝留公祏守丹陽

令王雄誕典兵為之副陰謂之曰我至長安苟不失職

勿令公祐為變。伏威既行，公祐欲反，而雄誕與兵不得發。乃詐稱得伏威書，疑雄誕有貳心。雄誕聞之不悅，稱疾不視事。公祐因奪其兵，諭以反計。雄誕不從。公祐殺之。八月，公祐自稱宋帝，脩陳故宮而居之。與豫章賊帥張善安連兵。善安先以虔吉等五州來降，拜洪州總管。詔趙郡王孝恭嶺南道大使李靖討之。孝恭將發，與諸將宴集。將去聲。命取水，忽變為血。在坐皆失色。孝恭舉止自若，曰：「此公祐授首之徵也。」飲而盡之，眾皆悅服。

十二月，唐安撫使李大亮京兆涇陽人誘張善安執送長安。唐主赦之，後得所與輔公祐往還書，乃殺之。

甲申唐高祖武德七年二月，太保吳王杜伏威卒。

三月，趙郡王孝恭等軍次舒州。今江南安慶府。李世勣帥步騎一

萬渡淮，次於硤石。在江南鳳陽府壽州。公祐將馮慧亮等舟師屯

博望山。江南太平府西南天門山夾大江，東曰博望，西曰梁山。陳正通等步騎屯

青林山，以拒唐師。今太平府東南有青山。堅壁不戰。孝恭遣奇兵

絕其糧道。慧亮等軍乏食，夜遣兵薄孝恭營。孝恭安臥

不動。諸將請直指丹陽，掩其巢穴。李靖曰：「公祐精兵雖

在此二軍，然所自將。去聲。亦為不少。進攻丹陽，旬月不下。

慧亮等躡我後，腹背受敵。此危道也。乃使羸兵走攻其

壘，賊出兵追之。靖勒精兵以待，與戰，大破之。闕稜免胄

謂賊衆曰汝曹不識我邪音何敢來與我戰賊衆多稜
故部曲或有拜者由是遂敗唐兵乘勝逐北公祐棄城
東走至武康爲野人所執送丹陽梟首江南悉平不初
公祐之反也許言伏威貽書令其舉兵公祐平趙郡王
孝恭以狀聞詔追除伏威名籍沒其妻子及太宗卽位
知其冤赦之復其官爵

太宗平內難

戊寅

隋恭帝侑義寧二年

恭帝侗皇泰元年

唐高祖李淵武德元年六月唐立世子建

成爲皇太子秦公世民齊公元吉皆爲王

己卯

唐武德二年

初唐以尚書李綱領太子詹事

綱字文紀觀州蓀人

今直隸河間府景州詹事正三品○蓀音條

太子建成漸昵近小人以秦王

世民功高忌之綱屢諫不聽八月乞骸骨歸帝罵曰卿
爲何潘仁長史長上聲乃恥爲朕尚書邪音綱曰潘仁賊

也每欲妄殺人臣諫之則止爲其長史可以無媿陛下

創業明主臣所言如水投石於太子亦然臣何敢久污

天臺辱東朝乎

東朝東宮也○朝音潮

帝曰知公直士勉留輔吾

兒拜為太子少保從二品。少去聲。

辛巳武德四年十月帝以秦王世民功大前代官不足以稱之

特置天策上將去聲位在王公上以世民為之開府置官

屬世民以海內寢平乃開館於宮西延四方文學之士

出教以王府屬杜如晦親王府掾屬正六品如晦字克明杜陵人在陝西西安府咸寧

縣記室房玄齡字喬齊州臨淄人今山東青州府臨淄縣虞世南字伯施越州餘姚人

今浙江紹興府餘姚縣文學褚亮字希明錢唐縣人今浙江杭州府錢塘縣姚思廉名簡

以字行京兆萬年人今咸寧縣主簿李玄道王府記室文學主簿並從六品玄道鄭州人今河南

開封府參軍蔡允恭王府錄事參軍從六品諸曹參軍正七品允恭江陵人今湖廣荊州

府江薛元敬蒲州汾陰人今山西平陽府榮河縣顏相時字睿京兆萬年人諮議

典籤蘇勗王府典籤從八品天策府從事中郎于志寧從事中郎掌通

判府事志寧字仲謐京兆高陵人今西安府高陵縣軍諮祭酒蘇世長軍諮祭酒

相禮儀世長京兆武功人今西安府武功縣記室薛收記室參軍掌書疏表

袁蒲州倉曹李守素倉曹參軍掌糧廩守素趙州人今直隸真定府趙州國子助

教陸德明國子助教從六品此與總管戶曹非王府及天策府員德明名元朗以字行蘇州吳人今

江南蘇州府吳縣孔穎達字仲達冀州衡水人今真定府衡水縣蓋文達信都人今真定

府冀州總管府戶曹許敬宗上總管府諸曹參軍正七品中從七下正八品

敬宗字延族杭州新城人今杭州府新城縣竝以本官兼文學館學士分為

三番更日直宿供給珍膳恩禮優厚世民公事之暇輒

引諸學士討論文籍或夜分乃寢乃使庫直閣立本圖

像立本京兆長安人今西安府長安縣褚亮為贊號十八學士士大夫得

預其選者時人謂之登瀛洲海中有三神山曰蓬萊方丈瀛洲神仙所居故以為

喻初杜如晦為秦王府兵曹參軍俄遷陝州長史時

府僚多補外官世民患之房玄齡曰餘人不足惜至如

杜如晦王佐之才大王欲經營四方非如晦不可世民

驚曰微公言幾失之即奏為府屬與玄齡常從征伐參

謀帷幄軍中多事如晦剖決如流世民每破軍克城諸

將佐爭取寶貨玄齡獨收采人物致之幕府又將佐有

勇畧者將竝去聲玄齡必與之淡相結使為世民盡死力每

令玄齡入奏事帝嘆曰玄齡為吾兒陳事雖隔千里皆

如面談

壬午武德五年初帝之起兵晉陽也皆秦王世民之謀帝謂

世民曰若事成則天下皆汝所致當以汝為太子及為

唐王將佐亦請以世民為世子帝將立之世民固辭而

止太子建成喜酒色遊畋齊王元吉多過失皆無寵世

民功名日盛帝常有意以代建成建成內不自安乃與

元吉協謀共傾世民帝晚年多內寵小王且二十人其

母競交結諸長子以自固長上聲建成與元吉曲遠事諸

妃嬪以求媚於帝世民獨不事之諸妃嬪爭譽建成元

吉而短世民世民平洛陽帝使貴妃等數人往選闕隋

通鑑本紀卷三十一太宗平內難

宮人及收府庫珍物貴妃等私從世民求寶貨及為親

屬求官為去聲皆不得由是益怨時太子令秦齊王教與

詔敕竝行有司莫知所從惟據得之先後為定世民以

淮安王神通有功神通高祖從子給田數十頃張婕妤求之手

敕賜之神通以教給在先不與婕妤好訴於帝帝怒以責

世民又謂左僕射裴寂曰寂字玄真蒲州桑泉人此兒久

典兵在外為書生所教非復昔日也秦王每侍宴宮

中思太穆皇后早終武德元年追謚妃竇氏曰穆皇后不得見帝有天

下或歔歔流涕帝不樂諸妃嬪曰陛下春秋高宜相娛

樂樂竝音洛而秦王如此正是憎妾等陛下萬歲後妾子母

必無子遺矣皇太子仁孝願陛下以妾子母屬之帝為

之愴然為去聲由是無易太子意而待世民寢疎太子中

允王珪中允正五品珪字叔玠太原祁人今山西太原府祁縣洗馬魏徵洗馬從五品徵

字玄成魏州下曲陽人在真定府晉州說太子曰說音稅秦王功蓋天下中

外歸心殿下但以年長上聲位居東宮無大功以鎮海內

今劉黑闥亡散之餘眾不滿萬黑闥漳南人在山東東昌府恩縣黑闥為竇建

德復仇起兵見唐平山東資糧匱乏以大軍臨之勢如拉朽殿下宜

自擊之以取功名因結納山東豪傑庶可自安太子乃

請行帝許之詔太子建成將兵討黑闥黑闥引兵而南

建成元吉擊破之黑闥食盡眾散遂與數百騎遁去

甲唐高祖武德七年六月齊王元吉勸太子建成除秦王

世民曰當為兄手刃之為去聲世民從帝幸元吉第元吉

伏甲欲刺之建成遽止之時慶州都督楊文幹慶州今陝西慶

府嘗宿衛東宮建成使募壯士送長安又使郎將爾朱

煥校尉橋公山以甲遺文幹遺去聲二人至豳州今西安府邠州

上變告太子使文幹舉兵表裏相應帝怒召建成建成

叩頭謝罪奮身自擲幾至於絕帝怒不解置之幕下使

人防守遣召文幹遂發兵反帝召世民謀之曰文幹事

連建成恐應之者眾汝宜自行還立汝為太子吾不能

效隋文帝自誅其子當封建成為蜀王他日不能事汝

汝取之易耳易去聲世民既行元吉與妃嬪更迭為建成

計封德彝復為營解於外德彝名倫以字行觀州脩人帝意遂變後太

宗貞觀十七年侍御史唐臨追追遣建成還守京師唯責

以兄弟不睦歸罪於宮僚王珪韋挺杜淹挺京兆萬年人淹字執禮

京兆杜陵人流雋州今四川行都司越雋衛文幹陷寧州今慶陽府寧州世民

軍至其黨殺之傳首京師

閏七月突厥入寇遣秦王世民將兵禦之將去聲或說帝曰

說音稅突厥所以屢寇關中者以子女玉帛皆在長安故

也若焚長安而不都則胡寇自息矣帝以為然秦王世

民諫曰戎狄為患自古有之陛下以聖武龍興光宅中

夏精兵百萬所征無敵奈何以胡寇擾邊遽遷都以避
之貽四海之羞為百世之笑乎彼霍去病漢廷一將去聲
猶志滅匈奴況臣忝備藩維願假數年之期請繫頡利
之頸致闕下若其不敵遷都未晚帝曰善建成與妃嬪
因共譖世民曰突厥雖屢為邊患得賂則退秦王外託
禦寇之名內欲總兵權成其篡奪之謀耳又譖曰秦王
自言我有天命帝大怒召世民責之世民免冠頓首請
下法司按驗帝怒未解會有司奏突厥入寇帝乃改容
勞勉世民命將兵以禦突厥勞將竝去聲帝每有寇盜輒命
世民討之事平之後猜嫌益甚

丙戌九年六月丁巳太白經天

秦王世民既與建成元吉有隙以洛陽形勝之地洛陽今河南河

南府恐一朝有變欲出保之帝亦謂世民曰首建大謀削

平海內皆汝之功吾嘗欲立汝為嗣汝固辭且建成年

長上聲為嗣日久吾不忍奪也觀汝兄弟似不相容同處

京邑處上聲必有紛競當遣汝還行臺居洛陽自陝以東

皆主之仍命汝建天子旌旗如漢梁王故事梁王名武漢景帝同

母弟世民泣涕辭以不欲遠離邾下建成元吉相與謀曰

秦王若至洛陽不可復制不如留之長安則一匹夫取

之易矣易去聲乃令人上封事言秦王左右聞往洛陽無

不喜躍觀其志趣恐不復來帝乃中止建成元吉與後

宮日夜譖訴世民於帝帝信之將罪世民侍中陳叔達

諫曰侍中正三品叔達秦王有大功於天下且性剛烈

若加挫抑恐不勝憂憤勝平聲或有不測之疾陛下悔之

何及帝乃止元吉密請殺秦王帝曰彼有定天下之功

罪狀未著何以爲辭元吉曰但應速殺何患無辭帝不

應行臺考功郎中房玄齡考功屬吏部郎中正四品謂比部郎中長

孫無忌曰諸司郎中正五品無忌字輔機河南洛陽人今嫌隙已成一

旦禍機竊發豈惟府朝塗地朝音潮乃實社稷之憂莫若

勸王行周公之事以安國家無忌以告世民召府屬杜

如晦謀之亦如玄齡言建成元吉以秦府多驍將去聲欲

誘之使爲己用密以金銀器一車贈左二副護軍尉遲

敬德時秦齊府各置左右六護軍敬德名恭善陽人在山西大同府朔州敬德辭不受以

告世民世民曰公心如山岳雖積金至斗知公不移相

遺但受何所嫌也且得以知其陰計不然禍將及公既

而元吉使人夜刺敬德敬德洞開重門重平聲刺客不敢

入元吉乃譖敬德於帝將殺之世民固請得免又譖左

一馬軍總管程知節濟州東阿人今山東兗州府東阿縣阿於何切出爲康州

刺史康州今廣東肇慶府德慶州知節謂世民曰大王股肱羽翼盡

矣身何能久知節以死不去願早決計又以金帛誘右

通鑑本末紀要 卷三十一
二護軍段志玄志玄不從志玄臨淄人建成謂元吉日秦府

智勇之士可憚者獨房玄齡杜如晦耳皆譖於帝而逐

之世民腹心惟長孫無忌尚在府中與尉遲敬德及雍

州治中高士廉治中從五品士廉名儉以字行北齊清河王岳之後右候車騎將

軍侯君集幽州三水人今西安府三水縣日夜勸世民先事圖之會突

厥入塞建成薦元吉將兵擊之元吉請尉遲敬德等與

之俱又悉簡秦府精卒以益其軍率更丞王暉密告世

民曰率更丞從七品東宮官○暉之日切太子語齊王吾與秦王餞汝於

昆明池在西安府城西南使壯士拉殺之因遣人說上授我以

國說音稅而立汝為太弟無忌等請世民決計世民歎曰

骨肉相殘古今大惡吾誠知禍在朝夕欲俟其發然後

以義討之不亦可乎府僚皆曰大王以舜為何如人曰

聖人也眾曰使舜浚井不出則為井中之泥塗廩不下

則為廩上之灰安能澤被天下法施後世乎是以小杖

則受大杖則走蓋所存者大故也世民命卜之幕僚張

公謹自外來見之公謹字弘慎魏州繁水人取龜投地在直隸大名府南樂縣北

曰卜以決疑今事在不疑尚何卜乎卜而不吉庸得已

乎於是定計已未太白復經天天官書太白乃上公大將軍之象出東當伏東

出西當伏西故出不經天經天則天下革政太史傅奕密奏太白見秦分太史

令從五品奕相州鄴人今河南彰德府臨漳秦分秦王當有

縣東井輿鬼秦分野雍州也分扶問切太宗平內難 卒

天下帝以其狀授世民於是世民密奏建成元吉淫亂後宮且曰臣於兄弟無絲毫負今欲殺臣似為世充建德報仇帝省之愕然報曰明當鞫問汝宜早參庚申世民遂帥長孫無忌等入伏兵於玄武門張婕妤竊知世民表意密告建成建成與元吉入玄武門時帝欲按其事建成元吉覺變即跋馬東歸宮府世民從而呼之元吉引弓再三不彀世民射建成殺之尉遲敬德將七十騎繼至左右射元吉墜馬世民馬逸入林下為木枝所絀墜不能起元吉遽至奪弓將扼之敬德躍馬叱之元吉欲趣武德殿敬德追射殺之東宮及齊府兵方鼓譟

欲攻秦府敬德持建成元吉首示之官府兵皆潰帝謂

裴寂等曰不圖今日乃見此事當如之何蕭瑀陳叔達

曰瑀字時文後梁宣帝曾孫時為僕射從二品建成元吉本無功於天下疾

秦王功高望重其為姦謀今秦王已討而誅之秦王功

蓋宇宙率土歸心陛下若處以元良處上聲下同委之國務

無復事矣帝曰善此吾之夙心也召世民撫之曰近日

以來幾有投杼之惑國策有與曾參同名姓者殺人人告其母母不信織自若及告者三

至其母懼投杼踰牆而走世民跪吮帝乳號慟久之號平聲癸亥立世

民為皇太子詔自今軍國庶事無大小悉委太子處決

然後聞奏初世民將舉事猶豫未決問於靈州大都督

李靖字藥師雍州三原人今西安府三原縣及行軍總管李世勣字懋功曹州離

狐人在兖州府曹縣二人皆辭世民由是重二人及建成元吉敗

諸子皆坐誅諸將又欲盡誅建成元吉左右百餘人敬

德曰此非所以求安也乃止詔餘黨一無所問

初洗馬魏徵常勸太子建成早除秦王及建成敗世民召

徵謂曰汝何為離間我兄弟間去聲眾為之危懼為去聲徵

舉止自若對曰先太子早從徵言必無今日之禍世民

素重其才改容禮之引為詹事主簿從七品亦召王珪韋

挺於雋州皆以為諫議大夫正五品

太子命縱禁苑鷹犬罷四方貢獻聽百官各陳治道政令

簡肅中外大悅

八月太子即位

十月追封謚故太子建成為息隱王齊王元吉為海陵刺

王以禮改葬葬日帝哭甚哀魏徵王珪表請陪送至墓

所帝許之命宮府舊僚皆送葬後復改隱王為隱太子

刺王為巢刺王

癸卯太宗貞觀十七年帝謂監脩國史房玄齡曰前世史官

所記皆不令人主見之何也對曰史官不虛美不虛惡

若人主見之必怒故不敢獻也帝曰朕欲知前日之惡

為後來之戒公可撰次以聞諫議大夫朱子奢上言奢子

蘇州吳人陛下獨覽起居於事無失若以此法傳示子孫或

有飾非護短史官不免刑誅則莫不順旨全身千載何

所信乎帝不從玄齡乃與給事中許敬宗等刪為高祖

今上實錄書成上之帝見書六月四日事語多微隱謂

玄齡曰昔周公誅管蔡以安周見三王紀畧季及鳩叔牙以

存魯見魯三家朕之所為亦類是矣史官何諱焉即命削去

浮辭直書其事

通鑑本末紀要卷之三十七 終

